

MG.  
B979.9  
176

聖人言行新編 西曆九月聖人名目錄

一日 聖額日弟 院長

若雪 依臘爾民總統

二日 聖斯德望 國王

日得翁 依臘爾之總統

三日 聖女瑟辣斐亞 童貞致命

聖瑪利諾 聖良 隱修

四日 每瑟

五日 聖老楞佐 儒斯弟尼亞儀 宗主教

聖仁弟理 致命



3 1773 2191 0

一張

二張

六張

八張

十二張

十三張

十六張

二十六張

二十九張

六日

聖宏伯多

院長

三十二張

聖女雅德爾度聖女瑪大爾德

姐妹童貞

三十三張

七日

聖女肋喜納

童貞致命

三十六張

聖斯德望

主教

三十八張

八日

聖母聖誕

四十一張

聖母聖誕後第一主日

瑪利亞聖名瞻禮

四十五張

九日

聖窩默赫

主教

五十張

聖我爾我尼

聖多羅德阿

致命

五十一張

十日

聖尼各老

多倫定

顯修

五十四張

聖撒爾位

主教

五十六張

十一日	眞福嘉畧	斯比諾納	致命	五十九張
十二日	多俾亞聖人			六十五張
十三日	聖貌理祿	主教		七十三張
	聖亞瑪多	隱修		七十四張
十四日	光榮十字聖架瞻禮			七十八張
	聖雅伯	主教		七十九張
十五日	聖雅沙爾	院長		八十二張
	聖瑪瑟祿聖瓦肋利約		致命	八十四張
十六日	聖閣助理	教宗致命		八十七張
	聖西貝盎	主教致命		八十九張

十七日 聖女依爾德安 童貞

九十六張

聖福樂瑟 致命

九十八張

十八日 聖若瑟號古白定窩 顯修

一百張

十九日 聖讓努亞畧等 致命

一百〇七張

真福依默爾達 童貞

一百一十張

二十日 聖歐大覺同妻與兩子 致命

一百一十三張

廿一日 聖瑪竇 宗徒聖史

一百二十張

若納 先知

一百二十一張

廿二日 聖多瑪斯 由未辣諾瓦 主教

一百二十五張

聖貌理爵將士等 致命

一百二十七張

廿三日	聖李律士	教宗	致命	一百三十一張
	聖女德格辣	童貞	致命	一百三十一張
廿四日	聖安多實等	致命		一百三十六張
	聖歐佛彌亞	童貞	致命	一百三十七張
廿五日	聖赫門福	隱修		一百四十一張
	聖女歐日尼亞	童貞		一百四十二張
廿六日	聖西彼廉	聖女如斯弟納	童貞 致命	一百四十六張
廿七日	聖葛斯默	聖達彌盎	弟兄 致命	一百五十三張
	聖爾瑟亞	聖婦德爾斐納	夫婦	一百五十四張
廿八日	聖文斯老	諸侯	致命	一百六十一張

聖女貌納 童貞

一百六十三張

廿九日 聖彌額爾及列品諸天神瞻禮

一百六十五張

三十日 聖熱落尼摩 聖師

一百七十二張

聖母痛苦瞻禮

一百八十二張

九月每日切想目錄

- |    |                 |      |
|----|-----------------|------|
| 一日 | 若雪乃救世主之表意       | 四張   |
| 二日 | 日得翁及其兵士表意耶穌與衆宗徒 | 十張   |
| 三日 | 首論愛人之德          | 十五張  |
| 四日 | 每瑟及依臘爾民表意耶穌與聖教會 | 二十五張 |
| 五日 | 善言之能乃天主洪恩       | 三十張  |
| 六日 | 人之邪慾可比野獸        | 三十四張 |
| 七日 | 靈魂自勵以貪慕聖體       | 四十張  |
| 八日 | 聖母聖誕與瑪利亞聖名瞻禮    | 四十五張 |
| 九日 | 人之五官乃善惡入心之窻戶    | 五十二張 |



十日 論聖經之言曰帝之祕密宜隱

五十八張

十一日 二續愛人之德

六十四張

十二日 導引多俾斯之天神表意各人之護守天神

七十一張

十三日 聖人尅身尋主可謂至賢

七十六張

十四日 論主耶穌之言曰迨予高舉離地必引萬物歸我

八十張

十五日 三續愛人之德

八十六張

十六日 勿管路之艱難汝務要行到天地之主宰

九十三張

十七日 效學聖人之善法

九十九張

十八日 信輩於心安神苦當效法聖人

一百〇五張

十九日 四續愛人之德

一百一十一張

二十日	五續愛人之德	一百一十八張
廿一日	六續愛人之德	一百二十三張
廿二日	論事主交人之義德	一百二十九張
廿三日	讚頌貞德	一百三十四張
廿四日	七續愛人之德	一百三十九張
廿五日	人心比指南針	一百四十四張
廿六日	論巫師邪術	一百五十張
廿七日	惟爾自勵天必汝佑	一百五十九張
廿八日	八續愛人之德	一百六十四張
廿九日	九續愛人之德	一百七十張

三十日 十續愛人之德

一百七十九張

五

一日 聖額日弟 院長

額日弟生於希臘國亞得肋城。家族顯貴。幼年從名師攻讀。雖好學愛世書。而愈覺貴重。古新聖經。是以每日默念不倦。年紀二十四。喪雙親。心極甚痛。始輕薄世福。靜居冷屋。倍加祈禱善功。一日將進聖堂。路傍見一貧窮。裸身露體。丐食。卽將本身所着之衫給他。便去。那窮人日前抱病。多年不能作工。茲得好衣到手。歡喜。當時穿着。少焉覺得身上安然有力。是日舊病好痊。不復發。又一日。額日弟由經堂出外。見一人爲毒蛇所咬。身腫將死。額日弟誦經後。畫一聖號在他身上。那人當時好痊。無後患。此後本方人衆無不稱頌額日弟之功德。額日弟心想道。衆人錯認我爲聖。每每讚頌。恐難免矜驕。致有善德之名。而無其實。不如離此地。遠避可習善。愈安。遂將家業變賣。散濟窮

民。然後上船出海向西而行。竟泊法地馬西里亞。即進內地到亞黑肋城。次日過河深入大林尋寄身之所。良久見一隱士坐樹下沉默。上前禮拜說來意。那隱士正是個希臘人。時法地南方希臘人多或貿易或讀書聞得此少年說鄉語。滿心歡喜。留他同居合功隱修操德。額日弟欣然應諾。於是二人在此共屋共食。憂喜相依。過兩年。額日弟心欲獨修。倍加苦工。乃與老師商議。祈禱後老師說道。天主聖意果然要我師徒分離。額日弟謝老師授教之恩。求降福後即時告別。行一兩日。見林中一洞。洞前有河溝。地勢幽靜悅目。乃以此洞爲屋。獨居修身如昔。以野菓草根爲食。溝水爲飲。隨後天主見聖人日食難度。乃顯聖蹟。林中一母鹿每日來洞。行止與家牛無異。額日弟擠其奶而飲。數年如是。一日朝臣數員入林打獵。羣犬追蹤那母鹿之跡。鹿見驚然向額日弟之

洞奔逃。衆員在後躍馬趕來。一員見鹿將入洞。放箭射來。箭入洞。正中額日弟之手。衆員勒馬洞門外一看。只見一隱士端然立於洞中。手上中箭紅血淋瀝。母鹿安立在側不動。衆員大異。下馬拜聖人。謝悞箭傷身之罪。額日弟慈容好言撫慰。衆員將聖人之傷洗好上藥。母鹿在洞立看。各員愛其馴善。以手撫摩。而鹿全無懼色。末竟衆人求降福。拜辭上馬而回。

法帝知道前事。甚愛額日弟之妙德。以所居之林賞他。並付銀錢許多。務要聖人造隱院教門弟。額日弟不得不聽令。遂謝帝美意而造院納弟。本方主教把聖人陞爲神父。推爲新院之長。越數年門弟多。爭先效學老師之德。究竟聖人壽八十三和平卸世。

時西曆畧七百二十年。華曆唐立宗七年。

若雪 依臘爾民總統

依臘爾民出厄日多行詣天主所許之地。以每瑟爲總統。每瑟手下有若雪。若雪爲人聖德出常。勇謀均備。輔佐總統理事之外。訓練民兵戰守。遇敵交戰。當元帥帶軍。如是四十年。究竟每瑟自知不日將身死。乃奉主命推若雪繼位當總統。特此諭民曰。今日我壽滿一百二十歲。不能久居人中。況天主有言不准我過若而當河。維上主與汝衆爲先導。若雪爲總帥先過河引汝路。又當衆謂若雪曰。勉哉堅志。汝必率民到天主所許之地。上主必偕汝不離。不可心懼。時若雪壽雖九十有三。却身力猶強。才德如昔。每瑟卸世後。天主默示若雪曰。我僕每瑟已死。汝可引衆民過若而當河。進我所許之地。若雪卽時出令曰。上主說。結約櫃。看五月內切想在汝先行過若而當河。抬櫃之鐸德脚

入其水。河流必分。以上之水停堵如牆。以下之水流行如常。而現堅地。以此聖蹟明証全能天主偕汝不離。令出依臘爾。卽時收營起行。時正春。大雨日下。河水湧流滿漲。鐸德等抬結約櫃。先到河岸。心下不稍疑惑。一齊進河流。只見水自分上下。下水快流。上水堵起。片時堅土出現。鐸德慢行。上前到河正中停步。迨至衆民過去之後。卽抬聖櫃趨登彼岸。時河水復向下流如常。隔河二十里有日里閣城。民繁地險。若雪扎營在山上。隔城畧五里。先令民中十二支人各支抬若而當河一大石上山。衆人依令。若雪命聚十二塊石作堆爲記。並諭民曰。將來汝衆子孫問此石堆記何事。汝須應說。記天主分開河水。與依臘爾民過路。如昔日分間紅海在我足下。特立此記。使衆人。世世知悉天主的全能而欽服。

亞納比亞與如達一帶地方現今尙有聚石記事之風俗曠野中見一堆石卽知此處或今或古必



出過吉凶之事。此事聖詠第一百一十三記之曰。海見而奔。若而當視。卽返。海乎。何事以奔。若而當乎。何故以返。

且說若雪扎營在山。每日祈禱預備破日里閣之策。一日出營獨行。忽見一人執劍而來。若雪問道。汝是我營之將。或是我敵之一。那人應道。我是天主萬軍之總帥。聖彌厄爾特來助汝。可脫汝履。此地聖地也。若雪脫履伏地再拜請教。天神曰。日里閣之民我奉主令全交與汝。惟須衆民每日吹號無言。遊城週圍一次。一連六日如是。第七日須遊城七次。衆鐸德行在結約櫃前吹號。遊了七次。衆民一齊發聲吶喊。彼時城牆必頽垮。各兵只管上前入城。說訖不見。若雪傳令。依天神之言從事。民衆每日遊城週圍一次。至第七日軍民一齊吶喊。只聞垮塌一聲如巨雷。城牆果然頽垮。衆兵乘亂擁進而取城。

此後一連五年。依臘爾破城佔仇地。一日在哀巴翁交戰。忽見有石自上落如雨。擊死仇敵若干。敵軍心嚇逃奔。時太陽將落西。月光出於東。若雪心想夜下不能獲全勝滅敵。遂靠望天主顯聖蹟。轉日向西。命曰。太陽。汝且停在哀巴翁之上。又向東。命曰。月亮。汝且勿行。亞雅龍谷上來。天主賞其信德。太陽停於西。月光止於東。迨至依臘爾全勝。纔見日暮夜至。過六七年仇敵滅盡。若雪將所佔之地分好。依臘爾各支得其股份。各支又分地與各家耕種。若雪共管民事十七年。壽一百一十歲和平卸世。時西曆耶穌前畧一千五百六十年。華商太戊年間。

### 切想

依臘爾語言。若雪耶穌二名同字。譯曰。救世者。故此可說今日之若雪以名以

行表救世主。

每瑟聖人死後若雪率依臘爾入福地就安。耶穌廢每瑟古教之後，引導萬靈行新路升永福之天國。

前居福地之人名曰甘亞央，生得身高力大，罪惡滔天。天主惡之，命依臘爾滅之，佔其地。甘亞央表意魔鬼力強惡極。依臘爾表信輩與鬼交戰無息。耶穌降生時魔鬼霸佔普地。現今一千九百年血戰之後，信輩奪了鬼魔之地一。股。所剩之兩股，萬望信輩奪之。則普天下無菩薩、無敬鬼魔之所，而聖教功全。

奪福地之後，若雪分給田土與依臘爾十二支得而安享。耶穌亦然。分各聖恩與信輩衆，或爲師或爲徒，或爲士或爲庶，或能先知預言顯聖蹟懷異學，或

謙遜領教竭力效法。耶穌亦安置信輩在天堂。各靠功德榮福多寡。

若而當河表洗滌祕蹟。依臘爾當過此河以進福地。信輩須由洗滌祕跡而入聖教升天。河之下水流到海而變苦鹹。表意罪人離天主而落地獄。河之上水堵起如牆不下流而存其甘味。表意熱切信輩不離天主。存聖德而竟得天福。

日里閣譯言月。表意世間萬象易反易復不定如月。日里閣君民立於固城上。欺笑依臘爾週遊城外不敢攻。表意世人自視青年力壯而從慾犯罪無所懼。第七日城墻不見人攻而垮。城民被擄。表世人無意之中死於惡。而墮永刑。亦表世界窮末。假基利斯督與惡黨等正得勢之際。耶穌忽現。而惡黨盡滅。

依臘爾交戰。若雪命太陽停止不動。致獲全勝。而敵軍不能復攻。表意主耶穌仁義之太陽者。顧信輩在世不離於險危。惟聖恩助他善戰。如福音書曰。我日日偕汝迄於世末。瑪竇二十八章二十節

省察 日里閣之人民昏迷於罪。惟靠城固欺笑。依臘爾不能破。誰知不見人攻而城墻自垮。罪人亦然。執迷於惡。自視身強事順。惟想放肆快活。殊不知天主義怒忽至。片時之間。取他的靈魂過審判。此乃日日刻刻之事。我知之。麼。懼之麼。

定志 自今以後。知道世事渾是易反易復。如月。死亡無定日。而關係永禍永福。我必小心在意。竭力善生。以備福終。

二日 聖斯德望 國王

西曆九百七十餘。華宋朝時。翁家理之地。人民尙迷於異端。風俗不佳。維時諸侯聞得神父講道理。心服奉聖教。同妻學道理領洗。此後夫人熱切異常。時時勸諸侯定法引衆民棄絕邪神菩薩。翁家理人多係亞弟辣所統軍民之子孫所敬之菩薩與元韃子之菩薩畧同西曆九百七十七。夫人懷孕得見聖斯德望發現。告以將生一子。其子必完全。父母之功。率國人欽崇天主。夫人大喜。取小兒之名曰斯德望。此兒賦性果美甚。悅樂父母之心。諸侯挑城中文武才德之員。推爲世子之師。斯德望好德愛學。讀書敏切。習善恒心。年紀十六。大賢。能輔佐諸侯理事。逾四年。諸侯薨。斯德望主喪繼父位。

但翁家理文武官尙有多半信從菩薩。見各處立天主堂廢祖傳。而心下不服。

乘老諸侯薨之際謀反。遂傳言通國。說愛舊恨新者當協心合力。四方興兵。請諸侯改政。斯德望聞得事變。召忠臣議事。傳令集軍。隔不數日帥師出城。到某處見賊兵扎營待戰。斯德望手下之兵寡。不如賊黨之人馬衆多。但靠望天主降福。與聖瑪爾定聖若而日之轉達。不稍疑惑。誦經後。率兵將上前攻敵。敵不能支。大敗而逃。存者皆降。諸侯大喜。修一院在此地。取名聖瑪爾定院。隨後見國太平。乃陞主教十位。分地與各位傳道。並造聖堂於各方。隔年遣使進羅瑪。見教宗。請准翁家理諸侯稱王。意謂增上威號。傳聖教愈易。教宗准行。遣使過翁家理代賜新王以寶冠。並宣示諸侯卽王位之儀文。斯德望接使。立身靜聽。宣讀教宗聖詔。隨卽行加冠之禮。時年紀二十三。是年娶日爾曼帝聖恩理格五七日之妹爲妻。新后亦熱切。與夫王同心引士庶

認識欽崇真主。

聖王用人爲官務。要其清廉行善。每每責過至嚴。賞德至優。是以大小官員仕國忠信。四方太平。人民安業。王猶追思主耶穌謙遜愛人之善。表面竭力效學。時常避人目。改裝。夜出宮殿外。入病院看顧病疾。扶持湯藥。好言撫慰。送臨終等功。每日晡窮在殿門外聚集。王親來濟銀錢。給飲食衣服。事務空閒。卽看聖書誦經。沉默。越數年。天主賞聖王以醫治病疾先知預言之權。

聖王受主恩愛。愈加謙卑。用心認教宗爲上皇之外。還推聖母瑪利亞爲翁家理國之后。自稱爲臣。聖母喜悅。遇機無不保護。日爾曼帝聖恩理格崩駕後。新帝公納多繼位。集兵欲佔翁家理。聖王雖兵寡而不失望。惟祈禱聖母曰。聖母。此國認爾爲后。豈可使他敗而滅哉。聖母有此意。臣不得不信服。但臣



要竭力禦敵。是日有使到日爾曼營。在元帥足下呈書。元帥拆看。乃帝之旨諭。令收軍回國。元帥卽時而退。並上奏說奉旨收兵之事。帝覽奏大異說道。朕未曾下令。元帥奉誰之旨。遂問爲使者何人。侍者應道。營中無人認識。模樣如此如此。帝默然片時說道。此乃天主之意。並非人所爲。遂按兵不動。如是則蒙聖母保護。斯德望不戰得存其國。此後隣國不敢擾害。

聖王乘國家享太平之際。而加忻勤引民認識天主習善。特此祈禱。尅身轉達主前。一日沉默愈切。不覺魂超全福。少焉浮懸空中。如無身之靈。侍者見。愈增信德。良久聖王若醒。慢慢落地。聖德如是之人。難免不受艱難。蓋艱難乃天主所用。全人於德之妙法。國后所生衆子。或在襁褓。或在孩提。皆亡。惟存長子名葉默利。才德似父母。頗明政事。不幸少年亦死。君后心痛不可言。但

全心服於上主聖意，絕無怨語。此乃異德之實據，勝於誦經立功多也。天主

安慰父母之心，准亡子顯聖蹟。

隨後教宗本篤第九列葉默利之名在聖人之冊十一月六日

聖王壽六十一，患重病。領聖事後，在聖母蒙召升天，瞻禮安然長逝。

時西曆一千一百三十八，華宋高宗十年。

墓前顯聖蹟甚多。

日得翁

依臘爾之總統

若雪以後二百餘年，依臘爾民中有許多人背逆天主，敬巴亞爾菩薩。天主罰他困於馬弟央人，不能自立。時滿亞斯支有一人名日得翁，年紀四十餘，信

德穩確。行爲至規。更且勇謀非常。一日在場打麥。不想他事。忽見一客人坐在青杠樹亦曰橡樹下。其人手中執棍。似像遠來之旅。生得身高。威毅慈悲。均顯於形。少焉客上前拜。日得翁曰。主偕汝。依臘爾中之最勇者。日得翁應道。天主若果偕我等。豈有困陷如是之理。昔日之聖蹟何在。主將我等祖宗救於厄日多。現今反將我衆交與馬弟央。客曰。以汝勇可去救依臘爾於馬弟央。我委汝。日得翁道。請說我如何能救依臘爾。我家乃滿亞斯一支之末家。我又是同胞中之最幼。客曰。我助汝。汝必剿殺馬弟央如殺一人。日得翁道。請顯能以憑此言。我去取祭來獻。客曰。我在此伺候。日得翁進屋。將羊兒宰殺。渾整燔燒。隨携肉同湯與麥餅數小塊。送到青杠樹下。呈與客。客手指一石。謂之曰。肉與餅可置於此。湯可傾肉上。日得翁如命。客上一步。把棍巔輕

輕放在餅與肉上。只見火由石出，將餅與肉燒盡無存。時客不見。日得翁如夢中忽醒，駭然說道：「嗟！所見天主之使神也。」意謂天主默示曰：勿懼，汝不得死。是夜天主命他畧曰：「汝須拆巴亞爾之祭台，然後與我修臺在汝。今日辦祭之石上，而祭我在此。」日得翁如令，取十人同去，將巴亞爾之台拆卸，把週圍之樹林燒盡，然後造祭台在石上，祭牛於主前。次日人衆詢問拆台燒林者何人，查得是日得翁欲殺之，羣來捉拿。日得翁之父親譏笑來衆曰：「何也？誰令爾衆與巴亞爾復讐？他既是神，亦能自顧，與他作敵者今日必死。」巴亞爾必殺之。衆聞言，息怒散去。

隔日馬弟央大軍十三萬人，駱駝馬匹無數，侵地擄槍如常。天主默示日得翁去迎敵。日得翁遣人四方，請民兵來助戰，竟聚得三萬三千人。探聽賊軍扎

營於熱洒爾谷。卽時率兵來攻。是夜祈禱天主。欲知此次救依臘爾否。遂置羊皮在帳外地上。設若今夜露水落在此皮上。而別處不落。我知天主必救其民。次早起。見地上焦乾。無一處見濕。惟皮毛上露水珠甚多。次夜又置羊皮於地。禱曰。求主露濕萬物。惟乾存此皮。次早起。見萬物濕。惟皮毛上焦乾無露。日得翁曰。主將救民也。遂帶兵前進。天主曰。你的人太多。恐將來勝後自誇有功。其中有畏懼者。汝且命他回家。日得翁聚兵傳令曰。汝中誰心怯懼。願歸家者。各請自便。有二萬二千人聞令散去。天主曰。人尙多。今日過河可准他成羣飲水。仆而犬飲者。聚在一邊。跪而手取飲者。亦須存在一邊。日得翁依令。旣到河邊。人衆口渴。仆而飲水者九千六百人。跪而手取飲者只三百人。天主曰。以此三百人我救依臘爾。餘者放歸。日得翁率此三百人

前進。是夜到熱洒爾谷。天主謂日得翁曰。可去馬弟央營邊窺其虛實。汝必有所聞。而愈加靠望。日得翁取一兵同去。輕步到營畔。

聞得巡哨兵數人說話。一人道。我纔睡。夢中見一物似像麥餅。從山頂向營而播下。播到我來。把帳衝垮而不見。一兵聞言應道。此物非他。即日得翁之刀也。今日天主必交馬弟央與依臘爾無疑。日得翁歡喜。潛步回本營。集兵去攻敵。把三百人分成三隊。各人手執兩瓶。瓶內有燃燭。日得翁教他如此如此。此時半夜天黑。三隊隱亮潛步到敵營。忽然各人雙手將瓶一撞。各瓶叮噠破爛現亮。各人左手執亮。右手執號。便吹。輪換吹數聲。連換喊。天主與日得翁之刀。時天主全能明顯。馬弟央營內大亂。只見駱駝馬匹東跑西奔。兵將執刀矛相殺。存者四方逃竄。但依臘爾民把守其歸路各險處。連日殺得馬

弟央人幾乎無存。不敢復犯依臘爾之地。

此後依臘爾欲推日得翁爲君。許其子孫相繼立國。日得翁應道。依臘爾之君。天主也。天主獨能管治依臘爾。遂位居總統理事。在位三十年而薨。時西曆耶穌前一千三百零九年。華商武丁十四年。

### 切想

聖經書內。依臘爾表意聖教。維時馬弟央人勝依臘爾。侵霸其地。槍戮如意。表路濟弗帶衆魔鬼在世。蠱惑人類。背却真主宰。信敬菩薩。而竟槍萬靈下地獄。日得翁表意天主聖子奉聖父之委。來世禦敵鬼魔而勝之。馬弟央人十數萬。日得翁轄下只有三萬。世中兵法誰敢以一抵十。却天主以依臘爾人尚多。只恐他勝後自誇有功。是以命開發大軍。惟存三百人。其人乃挑由飲

水未仆者。皆是高志之人。克慾自勝。不隨偏性之士。三百又不用器械。惟以火光以號聲而敗敵。表意救世主所遣之人行普地。敗魔鬼化人。當先主耶穌只挑十二宗徒。又擇他在窮民之中。恐傳教者或多或權貴而將來化民自誇有功。且挑民中不仆飲者。卽是尅慾習異善之士。明示無德不能勝身。慾者不可奉此委。宗徒們攻而勝世俗者所用何法。概不用兵。不使器械。惟以火光以號聲而戰。火光號聲何也。號聲表聖道。宗徒們遊歷各方而傳道無息。火光表聖蹟妙德。宗徒們以神權以異善光照普地。士庶見其妙行。聞其聖道。多能辨正路奉真教。欽崇天主。致鬼魔大敗。自此迄今各方各世傳教士中。惟效學日得翁與宗徒們者。能勝魔。須尅慾不從敗俗。而盡心習善。化人必不以勇力。惟以聖德之美善。以聖道之光榮。



省察 我爲信輩是何等之人。仆而飲耶。跪而手取飲耶。用世事享世樂無忌耶。尅慾守規耶。我德可否光人。我道可否化人。

定志 自今以後。我竭力尅慾望天主挑選我。遣我從主耶穌勝魔鬼救已救人。

三日 聖女瑟辣斐亞 童貞致命

瑟辣斐亞生於西里亞洋弟約家城。自幼認識天主守貞習德。西曆一百一十餘。華漢安帝年間。不知何故航海過西方進羅瑪京。居異教某富家。主母名撒俾納。爲人性直愛善。日前早已喪夫。彼時居孀。見瑟辣斐亞言行端正溫柔。百事細心在意。故愛之。隨查其所從之教與他女不同。乃問故。瑟辣斐亞將天主造人贖人。靈魂永存或升天堂或下地獄之要道。說了一番。主母歡喜願奉教。遂學習道理領洗。與瑟辣斐亞同心誦經操善。

過不多時。有人在官處遞稟帖訟瑟辣斐亞以背國神之罪。官卽時放差捕拏幼女到案。主母陪瑟辣斐亞去見官。官問是誰家之女。主母說出姓名。並請官勿聽歹人之讒言致害善良。堂官知道夫人家貴德名。遂看在他面上。把

瑟辣斐亞放出歸家。

逾數日有人復訟。官再放差捉拿瑟辣斐亞到案。禁止主母來衙。是日坐堂問瑟辣斐亞曰。汝須祭國神。聖女應道。我只敬造天地之大主。官曰。若不祭神。必死於異刑。聖女應道。只管苦我隨意。惟望上主以此苦而救我。官欲動刑取聖女之命。但國例不准殺童貞之女。遂設法欲先害聖女之貞德。然後動刑。命禁瑟辣斐亞在一屋。放淫徒兩人來害。好一個獸官瑟辣斐亞知道其意。哀求天主曰。主。生於童貞女之主耶穌。求爾扶助我婢女。阻止惡徒害我貞潔。少頃門開處。兩少年進來。瑟辣斐亞跪地哀求不止。忽覺地震。兩少年翻身落地。良久官遣人去查事之如何。其人進屋見聖女跪地誦經。淫徒兩人渾身不能動。惟舌能言而自告自訟。說不該懷邪意想害聖女。來使回稟官說

此事官奇甚。命提瑟辣斐亞上案。並抬那兩少年來堂。差役如命。官作色問聖女用何法得害人身癱瘓不動。聖女應道。我並無邪術。惟全能天主垂允我禱。將邪心之徒阻止。害我貞潔。官曰。如果是天主所爲。現今須醫治二人。以證其全能。瑟辣斐亞聞言。跪地念經求主顯聖蹟。少焉兩少年一身活動起來無恙。

官目覩愈奇。但不信乃天主所爲。只說邪法可畏。遂命網聖女在刑架而以火苦之。聖女忍苦無言。官再命鞭笞。未竟見瑟辣斐亞熬痛恒守。定案斬首。刑役押送聖女出城斬訖。

時西曆一百一十九年。

主母撒俾納贖取聖尸敬埋。不過一月亦爲人控訟。致命升天。十八月二信輩等

暗地理葬。隨後某年九月三日將二聖女之聖髑遷到撒俾納之坐屋同埋在一處。改屋爲聖堂。現今之撒俾納經堂是也。二聖女之墓在內。

聖瑪利諾 聖良 隱修

瑪利諾與良是羅瑪達爾麻西之人。自小認識天主習善。長成學石藝資生。某年風聞里米宜省古城拆了將復興建修。即時離鄉一同去此地寫工。時西曆二百八十餘年。風波大作。二人到里米宜見有許多教友被禁在此作苦工。非犯法者惟因從聖教而受禁或掘或運土抬石背灰等務。雨淋日晒無息。食不足養身。衣不足蔽體。更兼時時爲差役捶打。二人目擊心憐。遂設法顧之。一面作工

賺錢。但無積財之意。惟細心省用。而以所剩之銀錢買衣食等件散濟信輩。且善言撫慰之外。每日見教友中或患病或身弱不能完結工課。必慷慨助之。或遇差役恚怒要動粗。卽旁邊週全勸解。二聖如是多年。不娶妻不圖利。惟以苦工之信輩爲家。以愛主愛人之功勞爲財。聖德莫大焉。迨至新城畧修好。無信輩在此苦工。二聖分頭各自操善。良上山居於洞內隱修。瑪利諾在里米宜城朝夕講道理勸異教人。蒙主恩降福化得城民不少。魔鬼懷恨。唆使一婦人誣訟瑪利諾。昔日在本鄉娶他爲妻。然後無故休棄。求官作主。嚴令丈夫收納他同居。聖人聞得此事。先則奇甚。後則心恐。地方官不查虛實。當堂斷此女與他供養。遂暗地棄城進山。尋一洞而寄身在此。食則野菜草根。飲則泉水。朝夕誦經沉默。鬼魔借野獸形像來恐嚇。聖人無懼。雖在惡

獸嘶吼往來之中。而讚頌主如常。過一年有人知道瑪利諾在山上度日如神。時常來看。日前控訟瑪利諾那婦人亦來。當衆咒罵他無良心等語。聖人自想道。此事實是古怪。除非負魔之女必不能無廉恥如是。遂上前問那婦人畫一聖號。求主逐魔。那婦即時和平。自愧前行。求奉教。領洗後善生福終。此後聖人之名愈大。城鄉有人來請教。某鄉宦不悅。要逐聖人離此地他去。天主罰他一身癱木不能動。聖人以善報惡。誦經後把他醫痊。鄉宦感德奉教。帶家人共五十三名一同學道理領洗。方中鑒牧請二聖來里米宜城。將良陞爲神父。瑪利諾陞爲正輔祭。二聖人仍然各歸原山。靜修至死。隨後墓前顯聖蹟。來求轉達者甚多。漸漸兩處修城。一叫聖良。一叫聖瑪利諾。二聖畧死在西曆三百零七年。華晉懷帝元年。

切想 首論愛人之德

據七月十九等日所載。愛德乃超性之德。引導信輩愛天主在萬有之上。因主全善全美。且特爲主。愛衆人如己。可知愛德包含兩端。一則愛主。一則愛人。七月十九等日畧講了頭一端。茲可繼以第二端。

或問。不愛人者可否愛天主。曰。不可。聖經云。信輩自誇愛天主而實恨人。斯說。謊也。蓋見人而不愛之者。豈能不見主而愛之哉。再問。所言特爲天主愛人。何解。曰。愛德時時事事以天主爲本末。否則不可稱爲超性之德。獨稱之曰。人情。隨從人情而愛。可取人之美譽。受今生之賞。但不可立永生之功。由之而推。話雖分說。愛主愛人。却愛德實是一體不可分。信輩當愛衆人。纔可謂愛天主。愛人又須特爲天主愛之。否則俗愛。不成聖德。真正之愛德。以天主



全善全美而愛主。以人衆皆是天主的肖像。皆分受上主之美善。希須而特愛人。或者。因主之美善而愛主。因人所分天主之美而愛之於主。或愛主之美於人。如是則人情變爲超性之德。可受賞在天國。如是則實愛天主爲本。爲末。以人衆之美善由天主來而愛。可謂追本。以奉主命。以悅主心而愛人。可謂求末。

或曰。我當如何愛人。曰。當依聖經之言。愛人如己。此非定愛情之度。惟指愛人之規。須愛衆人如愛己。我所願身靈之好。亦當願他人有之。我所願免之害。亦當願他人免之。所願人家作與我。我亦當甘心遇便作之與人。

今日之聖瑪利諾聖良可謂操聖愛之模範。確信天主爲萬善萬美之泉。盡心貪慕切愛。目視信輩爲天主之子女。而竭力顧之於艱難。見異教人迷於異

端。將不能過審判得永福。而善法化之。如是愛主愛人之情不分於心。愛主因其美善。愛人因其畧分上主之美。操大德在世。受永賞在天。

省察 愛德以愛主愛人爲體。缺一。愛德不在。我知之麼。 天主乃萬善萬美之泉。是以我須愛主因其本美本善。人衆乃天主所造。所有之美善皆由主所賞。我愛人當因主所賞他之美善而愛。我知之麼。 再者主命我愛人。當奉主命悅主心而愛人。我知之麼。

定志 我以後時時記憶聖經之言曰。信輩自誇愛主而實恨人。斯說謊也。我當愛主在天。愛人在地。且愛人非因其美善。惟因其美善由主而來。又因主命我愛之。此題未完  
看十一日

四日 每瑟

西曆耶穌前畧二千零八十年，華有夏時寒浞年間，亞巴郎依撒克之孫雅各之子，若瑟在厄日多為國相。為主默示得救百姓於七年之饑荒。特此皇帝寵幸，准國相招本家眾人入國落業。時若瑟之父親雅各亦名依臘爾尚存。居甘亞央之地，以牧豢牲畜為業。所有之羊無數。帳下兒孫六十六人。兒孫之媳婦在外僕婢數千。入厄日多之後，蒙國主賞業牧羊如初。越三百年，依臘爾人甚多。但富貴不如若瑟在生之時。反而傭賤如奴。為文武官派使各處下力作苦工。實係窘難至極。究竟帝見依臘爾民日繁，畏懼他將來謀反亂國。遂下旨畧曰：自今以後，依臘爾所生的男孩當投之於河斃命。育者問罪。此後大小官時時嚴查各家，不准育男孩。時肋未支某人之婦生產一兒，潛地育之。過

三月自知不能久瞞地方官，乃備一籃，糊其內外，使水不能浸，然後置小兒在籃內，投之於河流。並命女兒曰：你細心藏在河邊，看小弟的下落。女兒名瑪利亞，依母令而行。

且說河岸邊有葦林，那筐籃隨流入葦中而停。女兒藏身離此不遠，仔細看守。未幾聞得人聲，見羣女遊行河邊，將至。其中一女青年而貴，視之乃公主，帶羣婢女遊耍。此地之風俗與中華不同既到筐籃停止之處，公主目見，心欲知其內所藏。從婢設法把籃筐弄上岸，揭蓋，只見一小兒，豐面喜色，孩目昵視，抿笑。公主

哀憐道：此必依聯爾之子。時瑪利亞潛步進前拜曰：可否我去速一奶媽與公主育此孩。公主曰：然。瑪利亞去，趕母親來。公主謂他曰：汝可育此兒。我有賞與汝。母親許如命。養兒十餘年，便交回公主。公主抱之爲兒，稱其名曰每

瑟譯言拯每瑟在彼同太子公子等讀書。攻學至勤。操德至善。長成人。在皇

殿內富貴到四十歲。時常懷意救依臘爾於窘難。而不知當設何法。一日出

外。偶見一厄日多人無故毆打本族人。憤然上前。將行兇者殺斃。隔日帝知

道此事。發怒要殺每瑟。每瑟暗地出京都。星夜逃奔至瑪底央之地。入贅於

日多合。方中之富翁助岳父牧羊。在此四十年。生兩子。細心務本業。熱切敬上主。

絕不料將來得見許多奇事。

壽屆八十。一日牧羊到窩肋白山。忽見荆棘叢中起火。但荆棘着燃而不燼。遂

上前欲細察此事。但聞火中有聲呼曰。每瑟。每瑟。每瑟。應道。僕在此。聲曰。勿

進。惟須脫履。汝所踐之地聖地也。我即汝祖亞巴郎。依撒格雅各之天主。每

瑟聞言。手捫面容不敢仰視。主曰。我民依臘爾之聲徹達於我。我垂憐其苦。特

來救他於厄日多之手。引他到甘亞央極美極腴之地。我將使汝去見厄日多。而引我民出其境。我必偕汝不離。我民出厄日多之後。汝在此獻祭於我。每瑟敬應道。僕去見依臘爾。與他傳言說。汝衆祖宗之天主遣我來。設若他問天主有何名。僕當如何應對。主曰。我卽有者。汝須謂他曰。有者遣我來。萬物由天主全能而生。惟主無始無終而常有。天主又曰。汝須告依臘爾衆耆老曰。爾等祖宗亞巴郎依撒格雅各之天主發現與我說。我來佐汝。我悉汝居厄日多之苦。是以將引爾出厄日多到甘亞央極美極腴之地。他必信汝言。汝引衆耆老去見帝說道。天主命我衆進曠野三日之路去獻祭。我明知帝不放手。是以我將顯異蹟罰厄日多。然後帝必放依臘爾時。我使引厄日多人借各樣貴物與我民。依臘爾人借他所有之金銀諸器。可攜去不還。作依臘爾多。年苦工之酬。每瑟又曰。

依臘爾必不信僕之言。主曰。汝手執何物。每瑟應道。執棍。主曰。可投棍於地。每瑟如命。卽見棍變蛇。駭然而避。主曰。舒手持蛇尾。每瑟依令。蛇卽時轉變木棍。主又令曰。可懷手。每瑟放手在懷中。片時取出。見手癩而白如雪。主曰。再懷手。每瑟將手懷了片時。復支出來。其肉潔淨如常。主曰。依臘爾見如此之聖蹟。必信。設不信。可取河水傾之於地。水必變血。每瑟曰。僕不善於言。僕舌慢而鈍。主曰。造人者誰。作啞者聾者。生瞽者見者。豈不我耶。汝去。我在汝舌上。訓汝所當言。每瑟疑惑道。主可另遣一人。主曰。汝胞兄亞亞龍善於言。現在來接汝。汝將我言說與他知悉。我必默示汝二人。亞亞龍代汝說衆。汝特管敬我諸事。再者。可拿棍去。汝用之作聖蹟。

每瑟卽時辭岳父帶家眷回厄日多。半路果遇亞亞龍。告以天主前言。亞亞龍

無疑。同每瑟去見依臘爾衆耆老。傳主令顯聖蹟。依臘爾信服。隨後面見厄日多皇帝。奏以天主令放民入曠野獻祭之事。帝怒道。我不知道天主是誰。依臘爾我不能放。遂旨諭各處官員。令倍加依臘爾之苦工。依臘爾埋怨說。每瑟不該上奏。致帝發怒如是。每瑟憂悶哀號主前。天主撫慰聖人。再許救民到甘亞央之地。未幾令每瑟曰。我陞汝爲君之主。亦遣汝兄代汝出言。可將我命傳與帝知悉。但我將硬其心。他必不放依臘爾。我又將顯聖蹟苦厄日多。使厄日多知道其苦由我來。而竟放依臘爾。此後每瑟奉命顯神權。苦厄日多以十樣災難。三月二十帝駭然放依臘爾出境。每瑟帶衆民向紅海而行。天主顯聖蹟。造一雲引依臘爾之路。其雲之下。脚濃闊起地。上極尖削。冲天。白日能遮太陽之光。民衆在後。如在陰地行走。晚夕雲又發光。照耀前。



後。雲行。依臘爾跟從。雲停。依臘爾不動。以後此雲常在。無日不顯。未過數日。帝心悔。帥大軍追趕。依臘爾欲斷其路。但天主顯聖蹟。分開紅海之水。救依臘爾。乾足而過。再令水復回。把厄日多君臣馬步兩軍皆淹死於紅海中。三  
二十二  
日切想

且說依臘爾入曠野行三日。路見水鹹不可飲。而埋怨。每瑟祈禱主前求法。主指着一木。其木投於水。水卽變苦爲甘。再進曠野數日。衆民缺食。抱怨道。禍哉我衆。不在厄日多而亡。彼處有肉有餅可飽食。何故引我衆到曠野來死哉。每瑟哀求主前。是日衆見天上一雲發光。光中主謂每瑟曰。我聞了依臘爾之怨聲。可謂他曰。今晚汝衆有肉喫。明早有餅可飽食。便知我是汝主。天主。是晚見鷓鴣紛紛如雨飛落於民衆扎營之處。衆烹而食之。次早見營外

滿地如白霜所佈。民見用本地話互相問道。滿乎。若曰。何也。是以隨稱此物

曰滿。每瑟道。此乃上主賞汝等養身之糧。可檢此物每日各人名下一我麼

爾。中華畧一不可存放到第二日。眾民如令檢了此異物。春後揉搗燒餅或乾

煎。其味畧似麥食和蜂糖。其體之模樣畧似芫荽仁。但色白若霜。依臘爾稱之曰滿隨

譚於納丁話曰滿納復譚於中話曰瑪納每日晨早依臘爾出營見瑪納滿地。各依家中人數檢

取多少。土上未取檢者。太陽晒即化。檢存在家而未食盡者。次早生蟲不可

用。瞻禮七。古教在瞻禮七停工各人在家讚頌主誦經看善書不出瑪納不落。是以瞻禮六落得愈多。是

日各人名下檢兩我麼爾。雖存放兩日兩夜而不生蟲。四十年如此

依臘爾將進曠野。無水之處。發怒埋怨。每瑟祈禱天主曰。僕如何能管此民。他

幾將使石擊死我。主曰。可取汝棍帶耆老數人行去窩肋白山。我在爾傍。汝

以棍擊石。水必由石湧出。每瑟如命。卽見水湧流。人與獸皆得飲。此處近地

有一支人名亞馬肋格。

乃雅各胞兄厄撒烏之後與依臘爾有冤讐

聽聞依臘爾民到。卽時聚兵

來攻。每瑟謂若雪曰。可帶人抵禦。我在坡上所禱。若雪帶人出營擺陣。每瑟帶亞亞龍魚赫兩人上坡。少焉兩軍交戰。每瑟舒雙手祈禱時。依臘爾勝。力竭放手時。依臘爾卽敗。亞亞龍魚赫見此事。抬石與每瑟坐。二人在傍各扶其手一隻。如是則每瑟張手祈禱至日落西。亞馬肋格人大敗逃奔。

出厄日多後第三月朔日。衆民隨雲到西乃山扎營。天主授每瑟以十誡要道

卽在此處。

五月十三日切想

隨令聖人造結約櫃與聖帳。

五月十四日切想

此後將鐫刻十

誡之石兩塊存在結約櫃內。結約櫃又存在聖帳內。聖人在聖帳獻祭敬主。天主每次授令與聖人亦在此。每瑟從下西乃山以來。面額上發光。人目不

能當。是以出外傳主令，必遮面。惟進聖帳之時，去頭巾而光顯。聖人亦奉命  
陞亞亞龍爲總鐸德，其子輔之。又派肋未族之人爲鐸德，經管聖帳守結約  
櫃行聖禮。

依臘爾在西乃畧停一年，然後見引路之雲動行。每瑟卽令民衆跟從前進。肋  
未族人抬結約櫃先行。依臘爾分族排隊隨後。行了三日，民中有人埋怨說  
野中路長無息，又嫌所食之瑪納味淡，不如厄日多之肉菜等語。每瑟聞言  
愁悶，跪於主前祈禱，願卸管治依臘爾民之任。否則求主取他的靈魂。天主  
命擇紳耆七十人輔佐管民事。然後怒曰：可傳我言於民中曰：明日汝必有  
肉吃。一連三十日汝曹可吃葷菜，致發惡心而嘔吐。每瑟曰：民中二十歲以  
上之男漢六十萬，女眷與小兒幼女二百餘萬。僕那裡有肉與他吃。主曰：我

全能豈可限哉。汝今日可驗我踐言與否。每瑟將主言傳與衆知道。是日鵠鶉無數隨風飛落營來。男工婦女爭先捕捉。果得足一月之糧。但上主之怒未息。肉尙未曾用盡。民中遭主罰男女死者甚多。

時每瑟遣十二人悄悄進甘亞央之地。窺看山水人物何如。過四十日偵探返來。呈獻糧食水菓。稱此地奇妙出種無比。但十二人中惟有若雪家肋白兩人勸每瑟帶民入甘亞央霸佔其地。餘十人則不然。只說甘亞央人民身長力壯。憤勇異常。依臘爾攻他必敗。仗自取其滅。民衆聞言失望埋怨道。巴心不得我衆昔日死於厄日多。不到此地來受殺。目覩家室兒女在讐敵家爲奴。遂欲推人爲統領回歸厄日多。每瑟若雪家肋白盡心勸慰。不能彈壓。民怒執石欲擊死三人。只見天主之榮臨聖帳。民衆駭然住手。主謂每瑟曰。依

臘爾誣我至於何時。我必把他殺盡。另擇民與汝管。每瑟哀聲祈禱求主息怒赦民之罪。良久主曰。我依汝之所禱赦依臘爾。可說他曰。汝中凡在二十歲以上者必死在曠野內。我所許之福地汝衆不能見。惟若雪家肋白入之。汝之子不但不爲仇敵所擄。反且我將來賞他以汝所嫌之地。汝子將遨遊曠野四十年。迨至你衆人之尸朽盡。方進福地。每瑟將此言宣告衆民。日前奉委出哨偵探。回營刁依臘爾埋怨那十人。是日無病猝死。惟若雪家肋白無恙。衆民見。又聞天主定罰之言。心下大痛。遣耆老來見每瑟曰。我等罪重。現今悔過。願奉主命入甘亞央奪地。每瑟曰。茲天主不保護。你等去必敗。依臘爾不信。當時排隊過界向前。爲本地人殺退。折了兵許多。

隔日又有三人不服每瑟亞亞龍。面令二聖卸任。有僭鐸德尊位弄權之意說訖。楊揚回帳。

去。每瑟祈禱後令衆民遠離反賊，勿與之通。次日三人坐在帳下，妻室兒女在側，只見地開裂，將三家吞下不見。從者二百五十人爲天火所燼。民衆發怒，罵每瑟亞亞龍殺人有罪。天主義怒，當時降瘟疫，染而死者一萬四千餘人。惟二聖祈禱主前纔止。天主命每瑟曰：依臘爾十二族各族須挑一人，取枯木棍，放在聖帳內。我所寵爲總鐸德者，其人之棍必開花爲憑。每瑟如令。各族取一人。十二人帶枯木棍放在聖帳內。肋未族所取乃亞亞龍。次日來看，惟見伊棍開得有花。

此後依臘爾背甘亞央之地，從引路雲回曠野。一日無水，主命每瑟執棍令石出水。每瑟亞亞龍當時集民在石前，但二人心下疑惑。每瑟不出令，惟用棍擊石兩次。石卽開而出水。人獸得飲。主罰每瑟亞亞龍曰：因今日此疑，汝二

人不得統率我民進福地。隔日到窩赫山。主命每瑟曰。可帶亞亞龍父子到山頂。亞亞龍在彼脫外衣與子穿着而死。每瑟如命。既到山頂。亞亞龍將外衣脫與子着之。然後臥地。即時和平身亡。民衆哭之三十日。然後離窩赫山。南面向紅海而行。在此忽又埋怨。說水不足飲。瑪納久食。令人生厭。天主怒。准惡蛇無數入營咬人。受傷覺得身上起火而死。民卽痛悔求每瑟轉達。天主命每瑟作一銅蛇。釘於高木上。爲蛇咬傷者。只須舉目看銅蛇。必痊癒。每瑟依令。把衆民救於惡蛇。

時有三小王帶兵來攻。爲依臘爾所殺而佔其地。莫亞白王探得依臘爾將入其境。遣使請名巫巴納央來咒詛依臘爾。惟望巫師咒後。自能取勝。巴納央坐驢帶兩僕出門欲去見王。天主使天神阻之。使神執劍立在巴納央前。但



巫師未見。惟驢得見。卽避由犁土溝而行。巴納央發怒策驢。少焉路兩傍有牆。使神立在路正中。驢見。依牆閃過。將巴納央之脚擦傷。巫師不知故。把驢打了一陣。未幾路窄兩邊不可避之處。使神復至。驢見。雙膝伏地不動。巫師愈加策打。驢說道。汝三策我何故。巫師曰。汝亂爲如此。我怎不打。何幸有刀。我卽殺你。驢曰。我豈不是汝常坐之畜。昔日曾有如今日之爲歟。巫師應道。未曾。時使神開其眼目。巫師見。使神手把劍。卽時伏於地敬拜。使神曰。爲何三策汝驢。汝行此路有犯我之意。我來抵汝。除非驢兩次避我。我必殺了你。巫師道。我罪矣。不知誰攔我路。若不准我過。我卽返。使神曰。可前去。但小心在意。出言必依我令。說訖不見。巫師去見王。王命咒詛依臘爾之事。巫師奏曰。凡天主默示我之言。我必吐說。王帶官員同巫師上坡。自此遠看。得見依

臘爾之營。巫師請王造祭台五處。備牛子七頭。祭後。巫師順使神默示。向依臘爾注看讚頌他事。真主宰不敬菩薩。將來必勝仇佔地。王責曰。我請汝咒依臘爾。爲何反而頌之。巴納央應道。我原說過。凡天主默示我之言。我必吐說。王引他另去一處。祭牲後。巴納央受默示。向依臘爾看讚頌其營之美麗。其民之勇力。預言依臘爾將必勝此地衆王而佔地。並說救世主將來由依臘爾出。羅瑪人佔依臘爾之地而後敗。預言一千數百年後之緊要事 究竟王見事不如意。心下悶倦下山去。巴納央仍然坐驢回家。

且說依臘爾東走西行四十年。不時埋怨謀反而受罰。不時信服聽命而身安。四十年內每日有瑪納喫。所着之衣服又未見破爛。過了四十年。凡出厄日多時二十歲以上者。照天主所定之案。皆死盡無存。時依臘爾在甘亞央邊

界扎營。主命每瑟曰。汝可上肋波山。遠看我將賞依臘爾之地。看後汝卽身死。因昔日在曠野疑惑我言故也。每瑟曰。請主推一人掌管民衆。主曰。可取若雪。伊立在總鐸德前。汝接手在他頭上訓他所當爲。並讓爾榮光數分與他。使民衆服而聽其令。每瑟如命。然後降福依臘爾十二支人。預言各支將來之畧概。末竟當衆上肋波山。其山隔日里閣城不遠。頂上可見甘亞央地到海。每瑟看了一回。主曰。此乃我許亞巴郎依撒格雅各之地。汝可目視。但不能入其境。時聖人雖高壽一百二十歲。却體壯無病。是日祈禱後臥地。和平身死。天主委使神之總領彌厄爾埋之。路濟弗竭力爭鬥欲取尸。彌厄爾把他勝過。將每瑟之尸埋在縛我爾谷。以後無人得見其墓。依臘爾哭之三十日。

時西曆耶穌前畧一千六百年。華有商時太丁年間。

聖經之首冊乃每瑟所著。分五卷。卽創世誌。出谷記。肋未記。戶籍記。申命篇。此乃普天下各國最先出之書。在孔子前千餘年。旨意最妙。包含天地禽獸草木人類之始初。乃天主訓古人之妙道。

### 切想

每瑟生在艱難。依國例本該死於水。幸爲厄日多之公主救存。義抱爲兒。在朝廷長成讀書。享宗室國戚之富貴。此諸情形皆有深意。

河。表意世俗。投孩兒於河流。孩兒當死於水。人生入世之流俗。其靈本應永死於罪。公主救每瑟於水。表意聖教救人於惡。抱之與天主爲子。成天神聖人之弟妹。在天堂享榮福。依臘爾徒居厄日多。辛苦無息。表意耶穌前之人。數

千年無道。生死無望。身前窘難。身後永苦。厄日多之帝。不准依臘爾出境。表意鬼魔以人類爲奴。竭力阻止他離惡歸善。每瑟奉主命以聖蹟勝國君。引道依臘爾出厄日多自立興國。表意天主聖子降生救人類免鬼魔之奴。興聖教在世。死後成天國之民。依臘爾民內有許多不感主恩。時時埋怨謀反。令每瑟悶倦多苦。招天主義怒降罰。見者難以自禁不厭憎此民之無情無理。表意聖教中之信輩。多有埋怨守規誡之難。清心尅身之苦。而時常犯主命。天主屢次欲滅依臘爾。每瑟常常助他轉達而息上主之怒。表意耶穌在聖父前祈禱救罪人於永罰。紅海表意洗滌祕蹟。厄日多君臣淹死於內。如鬼魔之敗於洗滌不能隨意害信輩。過紅海之後。依臘爾入曠野。表意信輩領洗後。當棄世間之虛華邪情。盡心修身操德。依臘爾在曠野辛苦四十年。

天主以天糧養其身。信輩亦然。在世間多苦。誘感多端。幸有真實的天糧。聖體養其靈魂。便可勇力勝誘。感行天路。苦了四十年之後。依臘爾入福地。表  
意信輩辛苦在世數年數十年而升天堂。

省察 依臘爾雖受天主的恩惠無數。而時常埋怨謀反。實屬無情。讀者難禁  
不厭。信輩受聖恩亦無限。雖見天主聖子艱難身死以救他。却時常犯聖命  
埋怨聖教規誡難守。學教外人言行無理。罪惡豈不大而當罰哉。

定志 自今以後。我小心在意守規誡。不能學依臘爾無情。日夜受天主聖恩  
而時時加罪。

五日 聖老楞佐 儒斯弟尼亞儀 宗主教

儒斯弟尼亞儀乃斐義斯城官家之名。西曆一千三百八十一華明太祖年間。此家生一兒取聖名老楞佐。過不數年父親過世。母親居孀習德訓誨兒女五人。姊妹中老楞佐不甚好耍。只愛讀書操善。年紀十九心中憂懸。不知將務何業。或習文或習武。或棄世榮而陞神父事主。遂祈禱主前求默示。一日正在想此事。忽見若女發現。美顏世間絕無。一身發光過日。慈聲謂他曰。汝欲享安佚。爲何東問西求。我能福汝。只須汝娶我爲妻。我乃賢智之德。娶我者得無價之寶。老楞佐心下大樂。應道。我惟願結此神親。以後倍加習善學聖人們尅身。減飲食之外。夜間臥地眠片時而起。未幾聞得母親將與他議親。乃深想或從其意或否。一面結親可仕國家享榮貴。一面守貞出家。當生

平苦身尅慾朝夕操聖功。良久跪在苦像前祈禱。定志不娶妻。惟竭力事主。稟母親命之後。卽時棄俗進修院。

老楞佐在此細心守規矩之外。無時不習苦工。行事謙忍。讓人自視如大犯。惟願受輕薄辱慢。院長遣他遊城爲衆士丐食。伊不但不辭。而喜色奉命。遇人言行無理。忍當不改樂。不時到本家門前。母親姐妹請入內。老楞佐不從。惟求些麥餅道謝便去。某年患喉瘡。太醫來割。或問老楞佐心懼否。老楞佐應道。此苦比致命聖人之苦輕甚。何足懼哉。少頃太醫用刀用火。老楞佐熬痛不做聲。院內規矩每日衆士在經堂誦晚課時。是日犯過規矩者。在經堂中跪地自認已過。或見過他士犯規亦當訟之。一日某士當衆訟老楞佐之不規。老楞佐自知無此過。初則奇甚。欲自白。瞬息間自醒。想道。好一個機會壓



驕傲。遂誦遼上前跪地求定補贖。那士目擊心下過意不去。來經堂中膝跪說道。老楞佐兄並無此過。弟一時嫉妬誤認他。衆士知道實情。愈加互相誇講老楞佐之德。城內某官與老楞佐至親至友。不忍他出家。尅身如是。一日帶家僕數人來院拜會談心。初則情說勸他回俗。未竟見老楞佐堅執不奉情。乃發怒任性咒罵。老楞佐靜聽和顏不改。迨至那親人無言將退。老楞佐始說世間財帛富貴之虛假不足貪。修道事主神樂之可愛。人生之短促。死期之無定。說得那官片時改心。欲從老楞佐行天路。遂回家將事務了結。入院修道。善生福終不題。越數年老楞佐陞了神父。不多時衆士推之爲總長。此後聖人謙卑如常。守規至細。執己至嚴。待人至柔。一日某靜士來稟曰。弟不能久居此處。惟欲棄院回俗。聖人慈顏應道。請兄迨至明日。那士許之。聖

人通日通夜祈禱。次日那士來稟曰。弟今日心定了。不想回俗。此後熱切修道至終。又一日某士來稟曰。弟受誘惑至重。除非長上相助。必難久居此院。聖人微笑。手取枯木一枝。遞與那士道。兄去栽此木。若見其回青發葉。兄必恒志至終。那士如命。下花園將枯枝栽下。少焉見枝變青發葉。大樂來謝恩。以後心平情樂終身。聖人見少年欲入會修身。必先試之長久。不輕易取納。或問故。聖人應道。出家隱修非常事也。爲主招選立此功者幾人。諸德中聖人勸徒習謙卑爲萬德之基。又曰。謙卑之人自知無力而靠望天主。是以遇難不懼。受困必勝。謙卑可比山溪。天清風涼。山溪乾而無水。雷雨大作。山溪漲水。能冲城。人心下無慮。內外不受攻。謙卑似像無用。迨至誘惑來。內外窘難忽起。則覺謙卑令人高志勇心恒戰。而竟勝諸敵。謙卑之德非人獨力所

能得。惟恒常祈禱。日夜操習。則可得之於主。謙卑者自視如無。惟敬天主如萬物之源。惟量人之善。如由主而來。

西曆一千四百三十三。教宗陞老楞佐神父爲斐義斯宗主教。聖人帶兩位隱士同去。協心念經習善。如在院內。屋裡所有的家具寒微。身上所穿之衣單薄。自己用費儉節而濟貧大方。或責之自賤。自下過分。與鑿牧之威榮有碍。聖人應道。鑿牧惟須以聖德取敬於人。信輩見主教賢智愛民如是。無不敬仰。每日有許多人來府。或領教求慰。或訴其苦楚。請伸冤。主教慈顏迎接。好言撫慰。惟願各人悅樂回家。天主又賞主教能預知後事。透人心內之密事。等奇。一日做彌撒。雖不見出經堂。却去送聖體與某人。而一時在兩處。壽七十四。心下切想見天主。究竟患病。明知不日將亡。而大樂。城中士庶貧富。

來請安。聖人不分彼此。惟善言勸各人依其地位責任竭力以操善。正月初八日命手下抬之進經堂。在此戴苦衣臥灰上領聖事。然後和平卸世。

時西曆一千四百五十五。華明景宗六年。

墓前顯得有聖蹟。

### 聖仁弟理 致命

仁弟理生於意國央各肋省馬得里家城。年幼輕薄世俗。惟想行善救靈魂。特此入方濟各會。竭力效從聖祖之善表。守規矩之外。另加苦工不息。空閑之時。卽入經堂供敬聖體。不時通夜俯伏在祭臺前誦經沉默。在院外則以講

道理勸人爲樂。且舌辯出常。愛德如火。由心出而化人不少。某年陞爲院長。理事至智。待衆士至情。究竟請會憲之命。願航海過東方回人之地傳教。會憲准之。仁弟理歡樂來辭父親。父親曰。我在世不久了。何不迫我身終後纔去。仁弟理應道。兒今日承許。來日父親辭世。兒必來顧臨終。父親聞言大慰。降福兒前去。聖人上船過東方。日夜攻讀天方話語。久之未能學熟。遂自想道。我來此地。惟願講真道勸人。不幸土話不能學而枉自過日。不如仍然上船轉回西方。請會憲調用。遂朝夕祈禱求主默示。一日主耶穌發現與他看。使之如昔日使先知曰。我置我語在汝唇上。我遣汝之處汝必往。我所示汝於心。汝必講之於人。彼時聖人覺得心下竟變。自此以後。能隨口說天方波斯兩國之話語無阻滯。遂遊歷各方講道辯論。並長齋苦工轉達。不時顯聖。

蹟。所化之異教不下一萬五千人。某年斐義斯國之使臣來波斯。聖人當譯見君。事畢引使臣同隨員往西乃山。使臣在此半月。某日仁弟理神父不見。無人知道他何往。過八日忽見神父同在一屋。奇甚。問所去何方。聖人推辭不說。使臣追問。未竟聖人應道。我回意國本家顧父親臨終。彼時由西乃到意國去來總須二三月。隨後預言使臣將來必受選爲總統。是年使臣回國遣人到馬得里家城。查得仁弟理神父果然某月在本城八日顧父親臨終。辦喪事理家務等情。使臣亦如聖人之言。選陞總統。西曆一千三百四十四。華元順帝十二年。聖人在波斯國北方傳教。爲回教人所殺。聖尸遷回斐義斯來。埋在本城方濟各會聖堂內。墓前顯許多聖蹟。

## 切想

聖經曰。天、主、解、啞、者、之、舌、賞、賜、嬰、兒、能、言。智書十章二十一節天主造飛禽走獸能苦能樂能喜能憂。雖不自會情之所以然。而可以聲音以外形畧顯其所覺。同類聞其聲見其形。卽通其內情。此乃覺魂之本。飛禽走獸以此而勝過草木頑石多矣。

造禽獸之後。天主造人而賦之以靈魂。超過禽獸之覺魂萬倍。人不但能覺。而且能辨理曲別利害推事之所以然。所懷之情所思之念。他或舌言或手寫。能通之於外。而令他人或平或怒或喜或愁或愛或惡。隨己一時之本情。此事奇妙不可言。樂師彈琴。琴聲或哀或樂。隨其意。而令聞者同情。舌辯之士盡其才吐言。聽者亦難免不隨情應情。說者之聲似樂師之手。聽者之心似

琴聲入耳通心。而心卽感應。此乃上主賞人之妙器。造舌能遠近及耳。造耳能接聲而達之於靈。但人中有五官不全者。或舌不能言。或耳不能聞。斯人苦矣。難與他人通思念心情。

夫苦者不止於此人。比如欲傳道之士。棄本土到外國。方中人推論。伊不能會其意。自動舌以言。衆亦不能達。隨攻讀多年。雖勉強可說平常之事。但不能精言語之細義。各聲之輕重。任他有才過人。而竟不如鄉下一農夫。斯人苦也。可比不會彈者。雖懷多情。而琴聲不如其所思。

此苦。料想於中華傳聖教各位仁兄。早已深知。惟望解啞者之舌的天主垂聽爾禱。委爾衆如昔日委聖仁弟理曰。我置我語在爾唇上。我所示汝於心。汝必講之於人。幸而受此異恩。則聖教局面或於今日更變。上主佑各兄說聖



道於外如其所思於內。道必入民耳。入耳必達其心。而心將隨兄等之心動。心動而化者必日衆。惟祈天主賞爾以此恩。而四方遣爾宣福音。

論爾中華神父列兄。爾在本地本民之中。易習國語之美華。文墨舌辯之風流。亦當深學聖道。可動人信望愛之各端。然後任爾愛主愛人之情。吐聖學勸世。彼時汝聲若琴。能通汝情於外。汝情通人心。而人心必化。聖道必行。汝國之民不枉負今生。不空虛去見主。

省察 解啞舌者天主。賞嬰兒言者天主。我傳教者靠舌辯化人。曾求天主解我舌賜我言麼。求之一次不足。還須恒祈常求不止。我做了麼。

定志 自今以後。我恒求主賜我舌辯能善言。能化人認主歸善。

六日 聖宏伯多 院長

西曆六百餘年。華隨朝之末節。法國北方有民人歐納德。同妻竭力事主。二人壽高無嗣。未竟天主降福。他生一子。取名宏伯多。越逾十年。見此兒賦性好善至極。送他進狼城。在某靜院讀書操德。宏伯多在此習學十餘年。二十六歲。陞了神父。雙親樂甚。藉聖西默盎之言曰。主遵爾前言。今可遣僕長逝。路加二章二十九節過不多時。果然安逝。去享善功之賞。喪事後。宏伯多以家資散濟窮民。然後陪某主教南面向羅瑪而行。惟願敬宗徒及前世致命聖人之聖髑。路途遙遠多難。一日在山林歇息。馱行李之騾潛地進林尋草。歇了一歇。主教欲行。則覺行李不在。令僕去尋騾牽來。那僕入林行一兩百步。見一大熊咬死了騾。正在喫其肉。僕駭然逃回稟主教。宏伯多聞言。快步去看。果見

那熊猙獰環顧。宏伯多不懼。上前手抓着熊之頸說道。前者上主備得有畜牲與我等馱行李。你既敢放肆害他。茲當替他助我馱物。熊似若會意。變惡像爲馴。立定候用。迨至宏伯多把行李縛了在他背上。熊卽上路輕輕前行。此後跟隨聖人如犬。馱物如騾馬。所過之城鄉。人見無不驚訝稱奇。將進羅瑪聖人放熊自便。熊卽時轉頭棄大路入野去。此後諒必不敢無禮過了一月宏伯多再陪主教回本地。然後獨居修道。復越數年再進羅瑪立萬德之表。城民敬愛。回本鄉後造一靜院在馬河肋之地。收納門弟。訓他以聖本篤之規矩。師徒在此度日甚善。聲名遠播法北。一日聖人同衆隱士在林邊伐樹。身熱出汗。脫長衫掛於樹下。未幾聞得犬聲應山慢慢將近。忽見一鹿爲羣犬追逼力乏。鹿見聖人所掛之衣。卽向之奔來。到樹下停步。以衣遮身而不動。奇哉。

羣犬圍住欲咬。而竟不能近鹿身。少頃打獵之數將跑馬而到。拔刀上前欲殺鹿。但見馬立定不能行。自覺手足若癱若木。便知此事不平常。又思想宏伯多之德。互相說道。此衣必是聖人之衣。前面伐樹那數位隱士中必有聖人。遂下馬來見。說間。聖人讚頌天主全能以舊衫一件而救一鹿之性命。衆將甚愛聖人之謙遜純樸。其中之一。當時獻了一庄田地助院士資生之計。然後衆人求降福。辭別上馬而行。鹿待人馬羣犬遠去。纔離原地慢步進林不見。

彼時莫白日靜院有聖女雅爾德公四月九日與聖宏伯多時時誦經互相助善。聖人將卸世。願有聖女親手所備之殮布葬其身。遂欲遣人去莫白日說此事。孰知天主早已默示聖女備殮布使人送到狼院來呈上。聖人歡喜。此後愈

加預備見主。究竟患病領聖事。到九月六日和平而逝。

時西曆畧六百八十年。華唐高宗三十年。

聖雅德爾度聖瑪大爾德

姐妹童貞

今日之兩姐妹乃聖婦瓦德肋達之女。聖女雅德爾公之外姪女。四月九日在家從

母學習聖道。孩聲通功誦經。協心愛主愛人。所悅者同小哥哥良德理陪母親去看顧窮苦。濟飲食施衣服。年紀十四五。生得身體美若花。水清玉潔如天神。時父親入隱院去修道。哥哥從主教願陞神父。母親將兩女送到莫白日靜院。交與胞妹雅爾德公爲徒。自另造一窄屋獨居操善。

兩姐妹自孩提習慣美德。是以在院內似若不覺系羣之難。時時守規矩。事事奉命。在衆貞女中朝夕眉欣眼笑。見者自覺心樂。又愛衆伴如母。見他缺東欠西。卽時起身趨步去取來。乖乖兒的呈上。或見院女患病。卽在榻側服事湯藥。清聲閱誦書章。散病者之心。雅爾德公見二外姪女賦性美好。如是愈加課訓。以異德之學。姐妹感姨母之愛。盡心記其訓。竭力步其善。

越愈多年。世間萬事隨時有變。父母已卸世。胞兄位居主教。兩姐妹在院中年紀四旬。身體之清俊。雖不如昔日。而貞心未移。舊樂未改。若論聖德。則較前愈確愈輝。在院內輔助姨母理事。爲衆貞女敬愛。迨至聖女雅爾德公卸世後。雅爾德度繼其位。言行與姨母畧同。致姨母似若常在。天主賞之。見天神。聞些密事。管院十二年染病身終。妹瑪大爾德繼位。聖女時時思想父母姨

母姐姐棄世升天之福，愈加輕視身事，惟貪望復見衆親之福日。過九年安平善終。

時西曆七百一十年，華唐睿宗元年。

聖尸埋在院內經堂中姐姐墳墓之側。二墓前時常有人來求轉達，不時顯聖蹟。

### 切想

開闢之初，天主降福原祖曰：汝可轄制海中之魚類，天上之飛禽，天下之走獸。創世記第一章此乃原祖出世之權。可王於地而轄制萬物用命。犯罪之後，權即廢却。飛禽走獸不但不服於人令之下，而且常縱其毒性傷人。自此以來亞當之子孫未能復原權，而世世受惡物之害。迄今普地之人每年死於野獸蛇

蟲之傷者甚多。欲免其害無他法。或須避之。或須殺之。惟不時見大德之聖人。不以器械。而以命令能使野物變馴。如今日之聖宏伯多。先受惡熊之劫害。後不與之鬥力。而以言服他。任馱行李如馬。彼時聖人復了原祖之權。雖千熊圍住。聖人一令必能馴之。而用如畜牲。其故無別。因聖人爲上主寵幸。分權與他。遣使無靈之物故也。

惡獸表意各人之私慾。自原祖犯罪之後。私慾如各種之獸反叛靈魂之命令。惡獸不服人之權。而時時傷其身。私慾不順人之理。亦常常害其靈魂。每年爲獸傷死之人命數萬。若論私慾。每年所害靈魂之數。誰能計哉。再者獸傷人身。令之痛。私慾害人靈。令之樂。是以人人防獸之兇。而多不畏懼私慾之惡。獸藏林內。避之尙易。私慾涵於心中。逃之最難。獸傷人身死離世。其害暫



也有限也。私慾傷靈魂下地獄其害永也無量也。是故私慾比之野獸而見愈兇愈危。

野獸當攻當滅。私慾更須克勝。世間有胆之人。搜山遊林以出惡物。聖教中有德之士。朝夕省察本心以禁私慾。打獵者本力不能勝獸。惟須用器械。善人獨功亦不能勝私慾。還須恒常祈禱。打獵者或時以器械不能取獸命則用毒藥。善人祈禱之外用苦工尅身。苦工乃殺私慾之妙藥。用之必遂意。

聖宏伯多不但馴熊而且用之馱物。聖人將私慾克勝之後。卽用之行善。以貪富貴圖快活之心。卽愛慕天堂之永富永貴。以肉身之力以心神之情。卽事天主買天國。請看各聖人操德行善。其性久以祈禱尅苦變馴。其心志朝夕向善惡惡。百慾如畜牲陪他於天路。助他行趨日快。聖人全身全靈歸向天

主而上主可謂賞之以原祖之權。能轄制惡獸聽命。惡獸卽在心之慾也。此恩比馴服猛獸愈妙。

省察 私慾比野獸愈加可畏。我知之麼。要勝惡獸必當用器械毒藥。願尅慾免永死。須用祈禱尅苦。我知之麼。私慾變馴。不但不害而且能助我行善立功。我知之麼。

定志 自今以後。我以私慾偏情爲最可畏之惡獸。而竭力克之勝之。

七日 聖女肋喜納 童貞致命

古書記此聖女之言行如左。

肋喜納

譯言國后

生於法國布爾我尼省亞肋西亞城。畧於西曆二百六十年華漢

後帝年間。不幸出世喪母。父親乃一方之富翁。死心信敬菩薩。喪妻後交女兒與奶媽撫養。奶媽是教友。見女兒稍長。即教他學聖道習德。肋喜納性良。喜聽奶媽之訓。連年修善可敬。年紀十五六。德色雙美。惟願隱居深閨守貞事主。誰知天主聖意不同。要此弱女致命。與男女立善表開天路。父親知道他從聖教屢屢責罰。命他背主敬菩薩。肋喜納忍受重罰不變志。親戚來見亦時時恐嚇。說若不改行必交與官問罪嚴懲等語。幼女恒守不聽。

彼時法與羅瑪未曾分國。德西約皇帝出示。令各省督撫嚴禁天主聖教。是年

某制軍閱邊。所過之處。提信輩來案。照旨虐辦。駕到亞肋西亞。聞得某富家之女十五六歲。色美可愛。奉天主教。乃發差捕拏到案。卽時坐堂提來。此女非他。卽肋喜納。端立堂前。貞日向地。潔心向天。祈求上主扶佑。勿離制軍目視。果是青年絕色之美女。淫性卽發。惟欲感此女背信德從他。遂好言勸肋喜納奉旨敬國神。勿要執固背君命。招重罰害己喪家等語。說了良久。慈顏放肋喜納出堂。命厚禮相待。到次日再問。聖女朝夕哀號主前。求加剛勇。寧死不背信德。不敗貞潔。

次日再提上堂。制軍稱頌他家族顯貴。當從君旨。以免受辱。聖女只應家族之貴。不如認識天主奉真教之貴。制軍復勸了一回。聖女不聽。只說生死願敬真主不變。制軍命投之黑獄。聖女在獄中多少時候不可定。惟知制軍定案。

後出城他去。隨後轉來把肋喜納提出來勸曰。汝當祭國神。本部堂哀憐你年幼色美如此。願賞你以富貴。超過此方衆婦女。設若不從令。本部堂必用刑苦而勝汝。聖女應道。我不敬邪神。制軍命網他上刑架鞭打。聖女忍苦祈禱曰。主。我靠爾。必不受棄。見者心憐。勸曰。爲何固執如是。何不從制軍之命。聖女應道。汝等此言無理。誘我殺我。永存之靈魂。以救此當死之賤身。我不得敬菩薩。隨人苦我。主耶穌必佑我。勝苦不背。制軍怒。命用鉄爪抓其身。刑役如命。片時之間。聖女弱身皮破血流滿堂。在堂衆人轉過頭不忍看。惟聖女喜色自稱無疼痛。制軍命送回監獄。肋喜納跪地謝主施力之恩。是夜未眠。忽見一十字。高則自地齊天。光亮過日。十字上有一白鴿。謂肋喜納曰。恭賀爾真童貞者。上主愛爾德。爾以貞心忍耐。自編一妙冠。爾榮戴之在天國。

曰冠如聖女目擊耳聞心下大樂。一身之傷亦好痊無跡。

次早制軍復提肋喜納命上苦架以紅鉄烙其肋。肋喜納受此刑清聲歌聖詠曰。吾由火而過。惟爾引吾歇涼。制軍再命投之於冷水。刑役縛聖女手脚投之於水。肋喜納明聲詠曰。主爾已斷我縛。我必祭爾以讚頌。聲未訖衆見地動。肋喜納之縛斷。一白鴿嘴啣美冠飛下其頭上。並聞空中異聲請曰。肋喜納其來此。同爾潔夫永王來享苦刑之賞報。八百人見此聖蹟。當時認識天主奉教。制軍慌忙命斬聖女。衆見其靈魂如白鴿飛上天去。

時西曆二百七十五華晉武帝十年。

聖女埋在亞肋西亞城中。墓前顯許多聖蹟。

## 聖斯德望 主教

斯德望乃法國布爾我尼沙地隆城富家之子。自幼讀書習德。卒業後輕視世間富貴。回家隱居獨專操善。誦經默想之外大小齋尅身。慈心遊小民家。看顧病痛窮苦。同年中或賢者而讚頌。或事身樂者則責他自尅過分。勸他乘青年有銀錢之便。而玩耍取樂。斯德望不以人讚頌而矜驕。不以他責飭而灰心。惟從天主默示而修身如前。年紀二十六入聖布路諾十月六日會波爾得院。

於此常在老隱士處問道。細查其行而竭力效學。終日祈禱默想。薄餐之際看書不暇。以領聖體爲心下之神樂。分定時候以滿謝恩預備之責任。比如今日領後。將思言行爲獻於天主。謝主降臨於本心之恩。明日誦經沉默尅身。

等功。則思想整備。己心爲迎上主之潔堂。陞神父之後。愈加服降本意於愛主聖意之下。致能藉聖保祿之言曰。我生活。非我。惟主。基利斯督。生活於我。再過數年。當本院長上。待人謙遜。忍耐。理事至公至賢。名譽傳於遠近。某年底城鑒牧過世。方中士庶久聞斯德望之才德。推之繼位。並遣神父數位來波爾得院見斯德望。斯德望接着。禮畢。爲使者恭賀聖人陞鑒牧之榮。聖人奇甚。默然片時。應道。底城士庶如何得推院內無才德無見識之隱士爲鑒牧。予實實不堪。萬不能當此重任。列位神父久說聖人無益。只得拜辭出院。回本城。士庶聞得前事。愈加敬仰其聖德。遂遣使到教宗。足下求旨。教宗致書布路諾會總長。令了結此事。總長寫書命斯德望領鑒牧之任。將書交與底城神父數位去接新主教。斯德望聞得此事。暗地棄院入深林藏身。總長



派人搜林。衆四散尋獲聖人。送到味言城。陞了主教。

聖人雖位當鑒牧。而言行與前無異。外則勤理事務。或在城中。或遊歷本屬各堂。講道理無息。穿着隱士之衣。減食寡言。朝夕祈禱無斷。尅身補贖衆民之罪。事務微暇。卽來波爾得靜院。仍然隱修。而與衆靜士苦功畧同。過半月一月。復回本城理事。民中所特愛者窮苦。時常去看顧。濟飲食衣服。千方助之謀事資生。不時亦顯聖蹟。不用藥而醫痊病疾。真善牧也。思言行爲效學天主聖子。可頌之以聖經稱頌耶穌之此言。伊過人。中行善。

年紀五十三。患重病。預知在九月七日必身終。歡喜預備伺候。方中間信大痛。士庶魚貫來請安。聖人慈顏撫慰勸勵。預言之日到。聖人領聖事。時某婦病沉重。用藥不靈。請人扶他到聖人府來。近床膝跪求降福。聖人降福後。那婦

身安無病。歡歡喜喜謝主回家。是日聖人卸世。

時西曆一千二百零八華宋寧宗十四年。

### 切想

主耶穌在福音書謂撒瑪里婦曰。倘汝知天主之恩。而向汝乞飲者。爲誰。汝或將求飲於彼。若望四章十節領聖體之信輩。爾亦可以此言自警。自勵曰。我靈。汝素常輕忽於聖事。不竭力揣思其事之重大。現在將領聖體。汝知道天主之恩。麼。白餅模樣所藏者。天主聖子也。權力無限。一言能動天上星辰。一命能滅天下萬物。犯之者不能生。抗之者不能存。讐之必永苦。事之必永樂。靈乎。倘汝見麵餅如見上主。豈敢亂作他想。冷落無情哉。汝心想餅內之主。實是萬美萬善之源。豈可不仰慕貪望。不謙心哀聲呼號求福哉。福天神聖人者誰。

豈不是麵餅內之主乎。天神聖人見主而全福。汝不止於見主。乃接之在你心中。主不在你之外。而與汝偕居爲一。汝生活。非汝。惟主在汝生活。靈乎。何不知主恩。何視此食如常食焉。撒瑪里婦聞主之良言而改惡爲善。給主以清水些須。而得常生爲賞。汝常聞仁主之聲在汝心。何不見改過操德。恩主貪望汝愛。如渴者之貪水。汝何不給主以汝愛。矢心愛主。卽永樂。汝豈不望此樂哉。聖人聖女以善領聖體爲一生之要事。分晝夜爲兩務。一則仰慕日後所當領之聖體而預備。一則追思日前所領之聖體而感激。靈乎。汝何不。知天主之恩。汝爲何思及後而不貪。想及前而不感。靈乎。靈乎。汝愛何在。汝情何往。往投世物歟。自盡於虛色假樂歟。愚哉我靈。萬物將過。其美若花。今日開而樂汝。明日卸而苦汝。可速挽回汝情。向永存不過之美。可學聖斯德

望朝夕思念立聖體之主。可切意求主養汝以奧隱之瑪納以超絕諸美之飴味。飲汝以生育童貞之醴。賜汝常思此糧而饑渴。賞汝饑渴而常得其飽飫。

省察 聖體乃天主恩寵之妙恩。惟饑渴聖體者知此恩。我知之麼。 饑渴而食此神糧者得其神益。我饑渴之麼。

定志 從今以後。我祈求天主賜我貪望聖體如饑渴之望食。我分時候爲兩節。一節以預備善領聖體。一節爲感謝領聖體之恩。

## 八日 聖母聖誕

據八月二十六日所載。耶穌前十六七年。如達國有夫婦二人。若雅敬安納。乃達味王後代。住日路撒冷鄉下。盡心敬愛天主。切望救世主降生。因同居多年無嗣。而時時求生育之恩。未竟年老。爲主垂允。降福安納。生一妙女。卽天后天主聖子之母聖瑪利亞。今日追念此恩。辦聖母聖誕瞻禮。信輩可藉聖保祿之言。幸然互相慶賀曰。夜去矣。日近矣。致羅瑪人書十章十二節又可藉聖教頌聖母之詞曰。童貞天主聖母。爾之誕生。報喜於普地。今日所樂何也。曰。樂聖母誕生。所受天主身靈之恩。又樂聖母聖誕。所報於世人之福。

一、樂聖母誕生。所受天主身靈之恩。

起初天主一命造萬物。而萬物全備。隨後三位一體父子聖神。似若商議曰。可

造人肖像於吾。遂用土備一人身。妙工成其內外。工畢。乃變土成筋脈骨肉。然後賦之以靈魂。而原祖始生活思想運動。見上主細心如是。可知其聖意不止於造人類也。何則。彼時天主明見萬世如一日。預知將來聖子降生成人。是以造原祖時。聖意不止於原祖。而且想及將出於原祖之救世主。遂先擬定聖子將來當取之模樣。而照其樣造原祖。特此用心費情而務其工焉。且原祖出世可謂不忝辱聖工。身體美麗強健無缺。靈魂聰慧賢智無霧。不幸一日犯罪。片時之間。將其身靈陷害至於無限。

開闢之初。上主特因聖子而下細造原祖如是。今日造生聖子之母親。豈可不用心乎。決無此理也。蓋上主造聖瑪利亞。其聖意必不止於瑪利亞之造。而直至於將出於瑪利亞之聖子矣。名工雕像。先必粗鑿胚模。畧似其心下所

懷之見。然後在胚模上施工顯巧愈細愈美。而竟成一妙像。天主聖子降生於地。身靈必極其精。萬世之人無一能及。但天主可比高明工師。先造聖母瑪利亞。似若起胚模。惟要聖母身靈之美善。畧似其聖子。其身體之精質秀麗。誰能思擬。較之花。花必羞。其心情之潔淨貞純。誰可度量。比之珍玉。玉似無色。靈魂之明悟仁愛。誰可意想。較之天神。天神必頂拜叩伏。今日新生之女孩。乃真實之結約櫃。乃萬世萬方最聖最貴之聖堂。天主聖子願降孕於此。是以聖神飾此堂以萬德之精金。嵌之以萬善之珍寶。奇哉此女兒之身。靈。上主造天地星辰之大工。不如生一女之工焉。聖經云。異奇現於天。一女。日光爲其衣。皎月伏其足。下頭上十二星爲冠。若望默照書十二章一節此女卽聖瑪利亞。天主賞之以太陽爲衣。以月亮爲踏足。以星辰爲冠。表意萬物役事聖母。

而聖母貴逾萬物。非因天主的聖愛獨鍾於聖瑪利亞。惟因天主永遠寵愛聖子。而今日特賜聖子之母以異恩。天主聖子同聖父同聖神全善全美。是故天主造生其母美善過萬物。以証愛聖子無限之情。若問聖瑪利亞內外之美何如。此問誰敢應對。聖瑪利亞之美超過人思想言語之能。演述必辱之。惟說聖母畧似其聖子。卽至當至宜並至大之語。足樂愛聖母之心。黎明之光不如午時之光。但見黎明。必知煦日將出。聖瑪利亞自然不如皇皇天主子。但見其美善。可畧知其聖子無限之美善。聖母又可比明鏡。天主聖子映照在內。見之若畧見天主聖子之影。

二、今日可樂聖母聖誕所報於世人之福。

夜去矣。日近矣。自原祖犯罪之後。黑暗佈地。五洲之寬大。四海之人靈迷於異



端溷於惡。惟虛是從。惟實則背。獨有如達小國得瞻天光。畧辨善惡兩途。但聖學不全。而難行善路無岐。數千年如是。未曾認識天主之人。誰能計其數。身前畢生於罪。身後墮於永暗無救。從正道者希罕。在世仰望救世主來而不能實其望。死後積於一暗所。不得見天光。長夜之中。時常呼號曰。穹蒼露垂兮。雲騰雨沛。義人來。下地圻開兮。速萌救世恩主。天光也。聖亮也。爾何時而降。何日得徹此夜而散我黑暗。聖子也。爾乃我衆之安。伏祈開天而臨。聖瑪利亞誕生之日。可比天曉。微光發於世而透至古聖之所。可信天神來此。報以是日之喜事。衆善靈卽大慰。互相慶賀曰。夜去也。日近也。日卽救世主。生於童貞瑪利亞之懷。如日之出於東。而妙光悅樂天地。是以聖教讚頌聖母曰。童貞天主聖母。爾之誕生報喜於普地。蓋上義之太陽。吾主基利斯督。

出於爾已免罰降福。勝死賜永生焉。

淵哉微哉天主之聖意。原祖父母二人昔日投我衆於死。上主再造一亞當一厄襪來拯救。新厄襪生。乃天應人期望之始。過數載新亞當隨出。而成救世之功。今日聖瑪利亞誕生。聖神必降地正位。聖瑪利亞心中。愛之若殿。飾之若堂。聖子亦旨諭天神曰。萬世之天后生矣。汝衆可去朝拜。萬軍天神踴躍。卽時奉皇令。此後必有天神晝夜在聖瑪利亞身邊。陪伴護守。女兒見天神如見羣兄。而笑顏示愛。於是天神稱頌上主。踐百世之言。始開天國。引善靈到天福。又恭賀人類。不久得將見救世主。而幸逃地獄。可見因此一女兒而上下神人皆喜。自此至今。其喜未斷。認識聖瑪利亞所產之聖子者。不可勝數。各世各方。敬耶穌爲主。愛聖瑪利亞爲母。事順事逆。有望。生死心樂。世俗

雖仍然爲窘難之域。却於涕泣之間。亦有大慰。古聖待救世主之所久已空閑。此所數千年所藏之衆靈。隨聖母之聖子。久已進了永福。論天國則萬樂不缺。聖瑪利亞之子。主耶穌坐於聖父之側。皇治天地萬類。聖母在聖子之傍。榮陞天后。已一千八百餘年。天神聖靈億兆萬數。稱頌天主。父賞世人以聖子爲師。讚頌聖子不嫌一弱女爲母。而成開天之功。讚美聖母生天主聖子之妙恩。甘心祭聖子在苦架之絕愛。且每日每時有信輩。或由此世或由煉獄初到天國。加聖靈之數。而增其樂。朝天主聖三後。必拜聖母。彼時正可藉聖教之言。讚頌曰。童貞天主聖母。爾之誕生。報喜於普地。蓋上義之太陽。吾主基利斯督。出於爾。已免罰降福。勝死賜永生焉。

信輩乎。此乃當喜之日。汝等愛聖母。當喜悅。天主造生聖瑪利亞。以萬美賞其

身靈。汝等感謝主救汝父母祖宗之恩。當喜今日聖瑪利亞誕生報救世主降生之喜信。汝等切願救靈魂升天。當喜今日生聖瑪利亞如天曉而日近。開天門照天路之主耶穌將臨。你我皆沾恩可避長苦享永樂無疆。汝今日效學天神踴躍圍住聖瑪利亞在襁褓中。恭賀實愛讚頌。認此福女兒爲可敬之后。可愛之母。惟望同榮同福在天。幸哉幸哉。

聖母聖誕後第一主日。瑪利亞聖名瞻禮。

聖教讚頌聖母曰。爾名似香油。

聖歌一章二節

自古以來。各方有信輩讚頌聖母瑪利亞之名。迨至二百餘年前。教宗感聖母

保守奉教之地。敗退回軍之恩。特定於每年聖母聖誕後第一主日。辦聖母聖名瞻禮。以示感恩之意。茲畧談此故事。

西曆一千六百八十三。華大清康熙二十二年。回教土耳其國興旺。威震歐洲之東南。土王矜驕心大。欲攻西方奉聖教各國。是年遣宰相統大軍突然進奧國之地。圍位言京都。一面安置大炮無數。晝夜放火彈攻城。一面掘隧道日近城郭。預備破牆。城內軍民願死不降。竭力固守之外。朝夕祈禱不止。但回人衆而銳。槍炮多而命中。除有援兵來救。京城早遲必破。彼時日爾曼盟會國也。各族諸侯小王推尊奧國王爲盟主。制轄各族成一統。稱日爾曼帝。帝見回人軍勢浩大。恐獨力不能勝。乃請波羅義國王合兵協心禦敵。波羅義王名所比也。斯基信德好。道理深通。英勇蓋衆將。聞得奧京危急。卽時帶

兵攢程來救。九月之初造營在位言京都外山上。連日細察回人之虛實。日夜預備攻打。九月十二晨早。王帶衆大將同與彌撒領聖體。彌撒後。請神父降福大軍。禮畢。王舉聲勸兵將道。我等靠天主全能保護與聖母轉達必破回營。大衆須倍膽上前勿慮。少焉帥馬步各軍下山。回人排陣迎戰。奉教衆將圍住波羅義王方陣飛來。把回陣衝亂。步兵在後掩殺。半日之光景。殺得回兵尸橫遍地。棄營中器械糧草財帛四方潰散。波羅義王帶兵將進城到聖堂謝上主賜勝之恩。城中軍民歡幸如再生。跪在路傍稱頌王之英勇。王謙遜推辭。請衆民讚美天主感謝聖母。教宗因窩桑第十一得此喜信。旨諭普地鑒牧。令各處每年九月聖母聖誕後第一主日。辦聖瑪利亞聖名瞻禮。特記聖母保護信輩之恩。此乃今日瞻禮之緣由。信輩見。可藉聖經之言稱

頌天后聖母曰。來者誰女。其昇若曉霞。麗若月。精若日。毅若陣列之軍。聖歌第六章

九節茲可默想聖名之義以加敬愛。

天主聖子將降生成人。其名預先擬定在天堂。是以天神報聖母曰。汝將懷胎生子。宜名耶穌。路加一章三十一節聖瑪利亞將生之際。可信天主亦預先令其母安

納稱女兒之名曰瑪利亞。此名乃如達國之語。所涵之義如左。

一。解曰。主母。一家有主。家人稱主之妻曰主母。兒女稱之曰母。天地似天主之家。以天主父子聖神為主。天主聖神於千百萬女之中挑聖瑪利亞為潔配。童貞生天主聖子在世。是以普地之信輩稱聖瑪利亞為主母。裂教人責聖教曰。瑪利亞領報時自稱為婢。何有稱之為主母之理。曰。豈不見貴人之妻。在丈夫前時常自稱為妾乎。此乃謙遜之言。無碍於事焉。蓋自稱為妾者。仍

是此貴人之妻。其子女之母。丈夫敬之。僕婢服之。聖瑪利亞亦然。雖自稱爲婢。却聖神實認之爲潔配。天主聖子敬之爲母。信輩稱之爲主母。天主全能轄制萬有。萬有亦屬於聖母之慈權。非聖母瑪利亞自有之權。乃天主所賞賜與之。直如髮妻本無自專獨斷家產之私權。但若丈夫知其智。委權與他。妻亦能了事。主耶穌在福音上云。天上天下全權已與我。瑪竇二十八章十八節耶穌旣爲天地萬物之主。聖瑪利亞實是萬物主之母。賢子愛賢母。必分權與之。使能施給恩惠於萬靈。世間其子爲國君。其母必稱國后。耶穌乃萬君之君。以天上天下爲國。是以稱聖瑪利亞曰天后。卽天神聖人之后。坐於聖子之右。同王於無窮世之世。昔日先知已預言此妙事曰。后立於汝右。黃金燦於衣。聖詠四十四章十節此諸意皆涵於瑪利亞三字之奧義中。而慰人心。是以頌聖母曰。



爾名似香油。

二瑪利亞又表曰授光。或曰光照。聖瑪利亞自母胎無原罪。身體無病痛。靈魂無昏亂。明悟穎正。記含無缺。雖奧微之道。一指必通。通後不忘。時時只須回心。而事事明記如目探書。其師乃全智之主。聖瑪利亞自孩年誦經沉默。心神全歸向於主。無私無亂。而上主特意光照之。勝逾衆聖。聖瑪利亞看聖書至細至敬。如聞主之教訓。而聖書句句似活言入其心。而恒存。如福音之云。瑪利亞默存諸語。參酌於心。路加二章十九節迨至聖瑪利亞領報之時。以聖神妙工懷孕天主聖子。其心若殿。訓誨衆聖之主居於內。朝夕密語默示其母。此際聖瑪利亞實成上智之座。智勝九品天神。隨後同聖子三十三年。而賢智日增。德光日明。有光必不得不照。聖瑪利亞受天光至於如是。必授之於人。

是以聖伯爾納篤稱聖瑪利亞爲天主之光。照萬靈。照各信輩在中心。照聖教會避邪從正。日課書亦讚頌聖母妙德。光照普地。聖教驅除各世裂道。非聖母本力所爲。乃天主遣委聖瑪利亞所致。夜間月藉太陽之光而照吾地。聖瑪利亞似月亮。藉耶穌上義太陽之光而照世人。聖教又稱聖母爲滄海之星。曉明之星。信輩在世可比遠出之海客。商旅星夜行路。難免心下不安。見曉星東出。知日光在邇。便歡喜自慰。水師出海。遇大風忽起。黑雲遮天。無不愁慮恐懼。但見星辰射光。卽知波濤將息。性命可救。信輩時時在艱難誘惑之中。如行黑路。如涉猛浪。若思念聖母瑪利亞。全心祈禱。靠望聖母必垂聽來救拔。聖伯爾納篤曰。吁。信輩。汝生在世。而自知步履艱途。危險於波濤。務須注視此星不失。見誘惑之風起。艱難如石近立。務要看此星。呼喊瑪利

亞。若沉於驕傲嫉妬讒謗之浪。務要看此星呼喊瑪利亞。或忿怒貪婪邪慾攻汝心。若海濤之攻船。務要看此星呼喊瑪利亞。或因罪惡之大而愁。或因昔日之醜行而愧。因審判之威嚴而心慌。始沉於失望之深淵。務要看此星呼喊瑪利亞。遇事之不定。憂心之惶恐。務要思念瑪利亞。呼號瑪利亞。勿忘之於心。勿離之於舌。若願受其轉達之妙驗。務要竭力效其善德不斷。汝從之不能差。祈之不失望。伊扶汝不能跌。保汝不能懼。導汝不辛苦。助汝必將至。便可知瑪利亞聖名取得甚當。

三。瑪利亞聖名亦譯曰苦海。特取以表意將來聖瑪利亞在家爾瓦畧山陪伴聖子立於苦架傍。貞心若刀所刺。疼痛無限。雖至尊至貴。却須一時同聖子卑賤微極。受惡徒之忿恨辱罵。雖身不死。而苦刑勝過常人之死百倍。正

苦海也。且因知苦，特願撫慰信輩於身靈之辛苦焉。

按上文而推，今日可讚頌聖母以聖歌之言曰：爾名似香油，瑪利亞聖名同耶穌聖名薰香普地。五大洲信輩晝夜呼之不斷。數齡之嬰孩知之，少男幼女愛之，中年老邁稱之。天上聞之歡樂，天下稱之懷望。羣魔聞之驚然逃竄。

信輩我衆自孩提學呼瑪利亞聖名，無不衷心眷戀，無不朝夕誦稱。小兒小女或身傷，或遇險，必喊母親來救。我衆以聖瑪利亞爲母，亦當時時事靠望。我們的聖母是天國之后，全能天主子之母。讐仇聞其名胆裂力消。我等安得不稱呼哉。呼之於身疾，必覺疼痛微息。呼之於愁悶，必見心愁微開。或魔鬼誘惑，犯信德失望，離善路，神靈攪亂難循其正向。若呼瑪利亞聖名，必覺心下和平，神目有光，能見當行之路。或孤獨寂寞無聊，而呼喊聖母聖名，必

覺聖母降臨慈目關照。

聖母。爾名如香油。出於熱心必生樂。若香氣之快鼻。爾與聖子耶穌永遠無分別在天國。爾名與主名亦無分別於地。耶穌瑪利亞二聖名。自兩千年來。各世各地之信輩稱爾。其聲可比山上之鳥聲不絕。爾所療之疾。所醫之心。所照之暗。所慰之靈。實實不可計數。耶穌瑪利亞聖名。爾朝夕發於人之念。而如貴油薰潤八極。發於人舌而似美樂之音達於天地。聖名兮。惟願誦爾以樂我心。誦爾於窘難。誦爾於歡幸。誦爾於順。誦爾於逆。誦爾於生。誦爾於死。誦爾在極微極窮極卑賤極短促之現世。誦爾在至大至富至尊貴至恒永之天國。亞孟。

九日 聖窩默赫 主教

窩默赫出於瑞國公斯當斯。畧於西曆六百年。華隋文帝年間。滿二十歲。喪母親。隨勸父親一同棄俗修道。父親依言。將家資賣盡濟窮後。父子入法。多斐助省呂斯爾靜院。十一月。父親習德在此數年而善終不題。彼時窩默赫心誠於聖愛。百工似像不覺難。謙遜聽命。勤快忍耐。與衆隱士交往。則宜老宜幼。而事事欣然喜色可愛。如是功勳顯揚。一二十年。隨進四十歲。不但無變。而才德之名。傳於法地四方。達各伯皇帝。推之爲北方特和萬主教。

時屬民中有許多背却聖教。仍隨祖宗規矩。信異端。敬菩薩。窩默赫目擊心裂。祈禱尅苦之外。帶隱士數人。遊地勸民。萬事之難。莫甚於化人清心。尅慾改舊自新。方中人見新鑿。牧遊鄉村傳道。無不來聽。但初不改行。一面辯駁。一

面細察主教動靜。良久見主教言行相符。不但善於勸人。而自習德過衆。卽覺感動。有某能人家富心惡。昔日時常搓磨信輩。屢次見主教。惟願窺其虛實。究竟心服奉教。修造一靜院。施田地作租。竟入內修道終身。隨後靜院外與一城迄今

所稱聖窩默赫者是也

於是地方變化。教友不分新老。爭先接主教。竭力效學其德。

時天主又賞聖人不時顯異能。一日在某村外坐樹下納涼。將行。叫從者架粗木兩塊成十字。畝於地。是夜村人見大光。由此十字起。直射上天。日將曙。纔散。遂特敬此地。而愈愛主教之德。此地尙有人來祈禱聖人而病痊癒者不少一日某門弟稟主教。願上船在海濱玩耍。主教知道事險。不准。門弟不悅。瞞過老師。獨人開小船推出海去。未幾覺得水離岸。望外流。始挽船頭欲回。但枉盡身力。不但不能到岸。而且爲風橫吹至英地。畧隔百里時海賊多。門弟畏懼。恐雖幸逃魚腹。而

難免不落海賊之手。正在心慌。想起老師之功德。膝跪懇求天主。看聖窩默赫之功勞。扶佑他回本地。當時覺得天主施恩。准其所禱。是夜毫不費力。自若若泊於前日所離之地。即去老師前跪地告罪。主教責他犯命之非。教以謝主施佑之恩。

畧過三十年。地方人民漸化。惡俗成善。主教之職任可謂周備。時天主試聖人之德。准他患病。雙目失光。聖人忍當此苦。晝夜沉默不斷。西曆六百六十七。主教數位遷聖瓦斯德之聖髑。聖窩默赫在此。是日雖未求痊。然口親聖髑。當時覺得眼目明見。聖人欣然謝恩。過數日。思想目明。難免心下不亂。不如盲瞽能白晝。黑夜歸向於主。遂祈禱。願失光如前。天主允之。聖人尙活三年。竟患病。領聖事後。安待上主之命。聖靈卸世之際。衆聞妙音。誦經讚主。並覺



美香四散。

時西曆六百七十。華唐高宗二十年。

聖我爾我尼

聖多羅德阿

致命

我爾我尼與多羅德阿乃羅馬國人。自幼從武。弟約格助斯皇帝愛二人忠信。有軍功。接續陞爲御前大將。每日侍君之左右。二將奉教已多年。雖見風波。兇震通國。却恒守信德作善功。明知早遲難免禍害。

一日君在西里亞義各默第城。提獄中受禁之信輩多人。命制軍動刑逼衆背教祭國神。制軍依令。信輩中或鞭打。或受鉄爪刮身等刑。時我爾我尼多羅

德阿在君之側。我爾我尼見教友窘難如是而心難過。明聲奏帝曰。臣與此衆民合意同信一天主。爲何獨用刑於斯諸人而不用之於臣。多羅德阿聞言亦挺身同奏。帝聞聲喫了一驚。恐二人手下之軍兵合謀作亂。但信輩不能二心。事君必寧死不背。少頃帝見殿內無人動。乃令捉拿二將。當衆臣勸他棄天主教。許另恩加官增俸祿。二人同聲答說不能背信德。帝怒。手指刑役說道。不變志卽當動刑。二將毅然說道。蒙主施恩。臣等不怕刑。帝令鞭打。少頃二聖渾身皮破重傷。帝令撒鹽灌醋於他身上。二聖忍痛不言。刑役縛二聖在鉄床上。鋪火炭在床下。二聖忍受火刑不變。究竟帝令押送出城絞死。二聖欣然出殿。行到法場。跪地誦經後自交於刑役待死。少焉受絞身終。靈魂升天。

## 切想

死亡由我窓而入。日肋米亞先知九章二十一節窓者肉身之五官也。死亡者罪惡各端也。五官乃人身之寶具。靈魂蘊居於身。用五官如窓戶以通萬物。以目之能見。可知五色。以耳之能聞。可知五音。以口之能嘗。可知五味。以鼻之能嗅。可知香氣。以全身之能覺。可知外物之感觸。身缺五官。則靈魂囚閉於內。不能通於外也。本雖聰慧。而不致練其三司。以操學。可比深藏於地之珠玉。雖至貴。但未掘出以用。而竟是有若無之物。

人身有五官。乃天主之大恩賞。你我每日當感佩不忘。歷世以來。聖人能德。明士能學。皆出於各人靈魂用五官如窓之妙。才德乃靈魂之生活。是以可言生活由我窓入。却聖經反云。死亡由我窓而入。更是何理。曰。善德由五官而

入心。罪惡亦然。目視邪色。耳聽邪聲。罪惡即進。口不禁於飲食之不節。身不防於樂之不宜。罪惡即入。罪惡乃靈魂之死亡。罪惡進。人靈即亡。而本力不能復活。

可見肉身之五官或善用而益人。或惡用而害人。故謝主施五官不足。還須小心於使用。比如病人臥於房內。或寒冷風大能致害。則當閉戶。或天色晴和能壯身體。便應開窗。或光亮過大眩目。則垂放窗簾。或房屋太黑必展簾。自原罪以來。各人靈魂多病至弱。蘊居身內如病人在臥房。你我須小心翼翼。勿致惡由身窗而傷之。時見惡將入。即閉窗拒之。時見善將進。即開而迎之。或一時不能決物之善惡如何。則把窗半開。惟細察後。或逐出。或放入。時放下窗簾避光。助靈魂清靜無倦。時覺靈魂鬱鬱無趣。則開簾。令他視天主百

工形物之美而欣然復其神力操善。

聖裔默赫雙目瞎後蒙主恩得復見。但覺目明而心不能全歸天主如前。即求主賞他雙目復瞎之恩。此乃聖人明識用五官不易。你我恐難效法聖人致願失光。但須學他管治五官。惟准生活。不致死亡由之進入。

省察 五官乃靈魂通外物之窓。靈魂之生活。或曰才德由之入。靈魂之死亡。即罪惡由之進。我知之麼。防之麼。

定志 自今以後。我小心管治我五官不准罪惡由之入我心。

十日 聖尼各老 多倫定 顯修

元朝時意國央各肋之地有民中夫婦二人同居多年無嗣。特行數百里去拜聖尼各老主教。十二月六日某處經堂求轉達。蒙主恩得默示說來年必生子。夫婦歡樂回家。次年果產生一兒。取名尼各老。此兒賦性甚善。七歲守嚴齋。每主日三天。在經堂或跪或站。端正恭敬儼若老人。以作哀矜。引窮旅在家歇宿。爲樂。年紀十二。一日聽得某隱士講道理說世俗的凶險。救靈魂之難。卽定志棄俗修道。遂求父母命。父母心想此子乃天主昔日異恩所賞。今日願獨事天父。豈好阻止他。乃送子到聖奧斯定會某靜院。求長上收納爲徒。院長允諾。父母灑淚勸子恒守善志。然後分別回家來。

尼各老在此以規矩爲路道。以衆老士之言行爲鄉導。而日進於善。一面衆士

見此幼童之勤快謙遜忍耐。卽知其將來必習德至巔崖。尼各老年及十五時覺邪念擾亂於心。乃倍加尅身。每主日守大齋四天。所食麥餅些須與無油鹽粗辦小菜。身上戴苦衣。腰束鉄帶。不時以鉄鍊自撲出血。眠則臥地。以石爲枕。此處去不遠。另有一院。規矩不甚嚴。院長與尼各老是親戚。一日來見面。覺得尼各老身瘦力弱。責他尅苦過分。犯自殺之罪。並勸他離此處。從他入那院去。尼各老謝教。許商議換地之事。此後心下懸疑。時時祈禱主前求示。未竟。心定留居原處不遷。此後人說不管。鬼誘不從。而習苦功如前。會憲愛其熱切。隔一兩年派他續居本會各院。心想各處隱士見其善表而愈加用心於善路。某年尼各老陞了神父。隨後獻聖祭可比天神。生者亡者沾恩。數次神父得見煉靈來謝他代行補贖脫刑之恩。究竟聖人奉命入多倫

定院。在此三十年。每日出去講道理。訓誨鄉下老幼。引得無數的人改過自新。外務微鬆。卽誦經沉默。時雙目注定如見主。顏貌喜色若全福。想及吾主之苦難。眼淚汪汪流下。見者難禁不同愁。不時患重病。疼痛之間不呻吟不埋怨。而倍加親熱愛主。

魔鬼所欲者。阻人誦經。是以晝夜在尼各老身邊。千方百計誘之亂心。時學野獸之聲嘶吼。時作瓦落壁垮屋頽之響以嚇之。但聖人安平如常默想誦經。絕不管老魔所爲。一夜把棹燈絆落地。下斷成數節。聖人自若。將各節撿起。鬥合。然後畫聖號於上。只見各節合縫而燈好好如新。聖人在燈心上吹一吹。而燈復燃。老魔見沒趣。逃奔久不來。隨後愈加憎恨。數次打得聖人身疼。臥地不能動。一日將聖人推倒臥地。打後拉扯出房間。到走廊中纔放手。此



後尼各老躡一脚。生平不能愈。

此時聖人齋戒較前愈嚴。某年魔鬼誘他疑惑自想道。我守齋減節如此。恐損了我生命。將來患病不能行善功。而反勞本會各兄扶持我。不如改行效衆人飲酒喫肉。事事照規矩。於是心中懸望不能決處。一日誦經求示。主耶穌發顯與他看訓曰。汝爲何心疑。豈不知此念乃鬼魔所使。汝之前行爲我喜悅。汝名已上永生之簿。不必畏懼。聖人大樂恒行苦功。此後歡然題聖詠曰。予樂於所謂我之言。予將赴詣主殿。聖詠一百一十一章聖人壽六十餘。內外習善如青年之時。一回患重病。會友命他用肉。聖人如命。病不但不鬆。而且沉重。聖人預備臨終求聖母瑪利亞施佑。聖母帶聖奧斯定聖婦莫尼加發現安慰曰。可放心勿懼。我聖子愛汝。我百事保汝。奧斯定與莫尼加助汝轉達。何懼

焉。隨命借隣家纔燒的麥餅，濡清水而食，病必得愈。說訖不見。聖人請一士去隣家借餅，士卽去。少焉，士回來遞餅一小片。聖人敬接到手，如聖母所賞的美藥。隨用水濡餅而食。當時身壯無恙。

聖人訓愚之外，猶哀憐其身之苦，而竭力濟其所需。時時在信輩人戶替貧窮丐飲食衣裳等物。一日某民婦贈他麥餅一大塊。聖人奇甚，問他曰：「你家尙有餅否？」婦應道：「尙有灰麵些須，畧足燒餅一塊。」聖人敬愛此婦，靠望天主之德，乃祈求主另恩降福，勿准他家缺食饑餓。天主允之。是日那婦要揉一餅，開櫃取麵，奇哉！雪白細麵滿櫃。知道是聖人所禱所顯之聖蹟來謝恩。

聖人將死頭一年，天神不時降在他房中，異聲唱妙歌樂其耳。末竟患重病，抱着吾主苦像，灑淚哀惜天主聖子贖人之苦功。吾主耶穌帶聖母聖奧斯定

發現安慰。隨領聖事待終。尙延三日。時時悔罪。誦信望愛三德之經。並求服事者曰。煩兄見弟不能言。時常提醒弟以聖詠曰。主已解我縛。我將讚頌主。呼號其聖名。百一十詠九月十日抱着苦像祈禱曰。於爾手主。我托我靈魂。說說喜色滿面而逝。

時西曆一千三百一十年。華元武宗三年。

聖撒爾位

主教

古書載此聖之言行如左

撒爾位乃法國亞爾彼城人民。年二十餘當狀師。隨後入靜院修道。尅身操異德數年。院長死後。爲衆隱士推陞繼位。過不數年。見事務繁冗不可沉默。誦

經如意。乃卸任。住院外一窄屋獨修精其善。越數年患病。衆隱士來看顧。撒爾位見臨終在邇。求辦告解領祕蹟。隱士如其所願。領聖事後。撒爾位忽覺昏絕。少焉氣斷靈魂去見天主。隱士等將尸洗淨穿着入殮。然後誦經。

次日將要行埋葬之禮。忽見亡者容顏轉血色開目。隨即立身起來出棺材。衆士奇甚。圍住盤問。聖人一言不答。慢步直行到窄屋關門。所過之處。有妙香撲鼻。衆士互相說道。此香最美從何而來。復過三日。親戚朋友來見亦聞此異香。聖人訓他們曰。虛哉世間之富貴身樂。福哉不戀其虛華而仰慕永樂者。親戚朋友隱士再三問所見何事。所聞何言。聖人道。我日前身死。天神將我的靈魂送到天主前。主威坐妙位。萬萬天神聖人圍住。我見天堂的光榮美好。世人實實無言可表。卽歡欣。心想入了天堂可享永安。忽聞聲曰。此人

尚可有用在聖教。請主命之回世。我聞言甚懼。祈禱曰。求主勿令僕復生。恐將來犯罪失此妙福。上主說道。我有恩與汝行善。遂放我靈魂回世。復合我身。此言未訖。衆覺從前所聞那異香不在。撒爾位自覺言語過度。灑淚說道。禍哉我也。前言不該說。所見不當露。主爾明知僕非矜驕自誇之意而失言。求寬恕勿棄我。此後聖人朝夕尅身贖罪。

某年亞爾彼之鑿牧卸世。撒爾位奉命繼之。在位十年立萬德之善表。見疫症流行通屬。不但不避。而且每日遊歷各街看顧病疾。好言撫慰。盡心給各家之所需。絕不管疫症之利害。不辭疼痛身死。此後主教之名遠傳。人人敬仰。聖人乘勢遊行隣地傳道。勸化罪人甚多。未竟功滿。患病復再預備善終。九月初十日和平而逝。

時西曆五百八十六。華陳後主四年。

再過六百年。開聖人之墓。卽覺美香四散。信輩愈加靠望。時時來墓前來轉達。

### 切想

聖經云。帝之祕密宜隱。

多俾亞十章七節

聖經此處所曰之帝。表意天主。天主爲萬君之君。實可稱帝。世間各帝王有臣。帝愛臣。不時告之以心腹事。爲臣而忠。必深含主言。不露於外。露者不可謂忠。臣能含言。帝知必悅。而愈加傾心說政事之祕密。或知臣不禁舌。則冷落相待。不說心事。

天主是帝。信輩是臣。誠意事上主者。必成幸臣。上主寵人。素有洪恩施之。或賞以異見於外。或賜以異聞於內。或動其心神。熱切絕樂。此皆上主結交靈魂之祕密。受此恩者。宜隱含不露。露者難免矜驕自誇。上主見不悅而斷恩。

聖人聖女以謙遜爲首德。是以遇着心懷異情。或主賞以異見異聞而絕不言。惟稟聽告解的神父。望伊查考分明其所受所覺是否由天主而來。曰。常見書上載某聖人所受天主之私恩。豈非此聖所露而何。曰。此或是聖人奉神父命所記。或是神父。在聖人卸世後。代筆著述亡者之密善訓誨後世。

聖人不但。不露聖恩於外。且小心在意。毋致因主恩而矜驕。不說於外。以求人誇講不足。尙怕心裡思想而自大。是以受恩愈重。而謙遜愈增。讚美天主仁愛不止。自認己卑賤不休。凡受異恩而露於外。求人美譽。或思想於內。以自誇講者。斯人必斷恩路。

今日之聖撒爾位。由天國回地。有美香隨身不離。但說了主之祕密。而美香不在。表指上主不悅之意。但聖人此爲。非由驕傲而獨出於心之不覺。是以上

主未見斷恩於他。此後聖人必細心隱密不說。

省察 熱切之信輩是天主的臣。設若覺得心內愛慕靠望之異情。行善有味。避惡有力。那時當小心自謙自下自想道。此乃主所爲。非我所致。我知之麼。若特爲主恩而求誇講於外。或自頌自大於內。天主必斷恩。我知之麼。

定志 自今以後。我謙遜自視。如不堪之物。無德無功之奴。覺得我心內有些微之好。必知乃主恩所爲。只得自下自賤感恩。不自誇於內。不求人美譽於外。



十一日 眞福嘉畧 斯比諾納 致命

嘉畧乃西班牙貴家之子。生在意國日羅法城。於西曆一千五百六十四年。華明世宗年間。年紀十餘歲。過諾辣城。在叔父紅衣主教府第內住居攻讀。惟圖將來仕國享富貴。但上主愛此書生之心潔。另恩賞賜。密訓以現後兩世之眞實。嘉畧漸漸改向。始冷視富貴身樂。獨重習善愛主。隨年身長而德增。彼時聖方濟各沙勿畧纔死三十年。印度麻六甲日本等國聖教大行。嘉畧切願航海過東方傳教致命。遂每日誦經求主賞賜此大恩。年及二十。稟叔父後入耶穌會。惟望早遲奉命行到異教之地立功。十年之久。攻讀操聖學。言行謙遜。忍讓勤快耐苦。默想之時。跪地閉目。身端不少動。在聖體前。谷顏喜色神靈。沉思不倦。與同學三兩人說話之間。聞提天主之事。必心樂而樂。

形於色。若談叙致命聖人之行實，則樂愈甚。讚頌聖人之美德，誇講其福不止。天主以下嘉畧敬愛聖母至切，竭力習貞潔以悅其母心。雖體弱患病至吐血，却恒守規矩如衆士，不求免。視普地各國之人如親骨肉，惟思極力以拯救。遇幾必訓誨鄉佬不厭。或奉委教幼童，必盡其心情勸他愛善避惡。越逾十年才德可稱，奉會憲命陞了神父。愈加自省操德，每七日內告罪數次，無不吊淚大痛，自視如不堪。過兩年會憲派他過日本傳教。嘉畧歡喜去辭親戚朋友，或勸之勿去遠地，自投於辛苦險危。嘉畧聞言微笑而不答。竟不改心樂。過葡國上船出海。維時船慢，兼之數國水陸軍兵相爭，行海者難免不驚險。嘉畧之坐船途中果爲英軍戰船攻劫，帶去英國。隔年嘉畧爲英人放回葡國來，復再上船航海到印度我亞城。究竟至日本長崎上岸。

時利瑪竇正在中華北京傳教。不但無阻擾。反且得皇上之心。與士庶交結甚恰。日本則不同。六年前。卽明神宗二十三年。起風波殺神父信輩甚多。讀二月十七日此時雖較前微平。却以腐儒僧官欲害聖教之怒。以皇上之不明。早遲寤難必復生。嘉畧在有馬書院學士話。次年奉命在有馬近地看教友。竭力堅固信輩。設法化異教歸正。且明知功德勝過人才。而晝夜盡心習善。每月回有馬書院停工。沉默誦經一兩日。惟圖自新於熱切。恐自己心冷而不能灼人心。過兩年奉命由有馬過京都書院教學。雖本意切願傳教在外。而全服天主聖意之下。住居學堂。費盡心神訓誨學生。過七年奉命回長崎。管理聖教各方之外事。此又非其心所愛。但服上命奉任。不出一言。每日買東買西。遣發各處。裝箱寫信等務。小心在意。似像事事有味。與日本人往來。順便講

聖道勸奉教。自己日加習德立善表。

西曆一千六百一十四。風波復起。皇上旨諭各省。令傳教士出國境。違者問罪死於火。自此衆神父不敢出世。白日藏匿。夜下暗地往來。嘉畧神父時在此時在彼。堅固信輩。恒守信德。自己不但無畏懼。而且貪慕致命如昔。蒙主恩助力。日本男女教友剛勇不背。數年之內。死於刑者甚多。西曆一千六百一十八。臘月十三。嘉畧神父同本會相公益博羅。削被拿。解送到長崎太守。日本話曰。衙門太守姓長谷川名權。六年幼心大。以辦神父信輩爲己前程之根基。而盡其心之惡虐民害西人。

神父與相公二人頸上帶鍊。手足綑縛不能動。在衙門天井內坐一日兩夜。冷凍饑餓之外。手足之縛緊過分。令二人疼痛實是難過。幸有衙門內教友數

人暗地來。把神父相公之縛放鬆。第三日太守提二位來案。嘉畧神父將聖教之真正辯明。然後勸太守認識天主。軍民在堂立看。其中之信輩聽得神父這篇勸善之道。大覺心下安慰。太守命送二人到大村地名監禁。兵奉令將二位送去。一路只見信輩男女在道傍求神父降福。自托於其善薦。手摩其衣服。二位喜色勸輕視身命。恒守信德。既到大村。明聲唱聖詠。過街入監。內有信輩數人久禁在此。大家見面互相恭賀。神父囚於此數月。不時兵差另送神父信輩來監。竟致同禁者。耶穌方濟各。及多明我三會之神父共十一位。其中有日本神父一位各會的相公合信輩共二十位。總共三十一位。過數月太守命備一大籠在屋外天井中。其籠乃粗樁插於地所成。工完。投衆人在內。籠雖大。然人數多。只能或立或坐。哀哉。三十一人在此三年餘。日晒雨淋風吹

雪陷。晝夜不能避。飲食且粗且少。恰可免身死而已。衣裳不准洗。致生虱。不可滅。所奇者不禁神父獻聖祭。信輩不時暗地賄賂兵役來見致命聖人。送麪餅葡萄酒。是以神父每日能做彌撒一台。送聖體與衆伴敬領。嘉畧神父數十年之貪望此時滿也。自幼切愛天主。惟願異苦證其愛。現今投籠無刻不疼痛。而心下神樂。時講道理。時唱聖歌。信輩目擊耳聞無不高志加烈。耶穌會的盜博羅削相公年紀七旬。不能久勝勞苦。弱症死於籠。爲教宗必約第九列於真

福之冊

餘者皆患病。雖臥冷板無被蓋無良藥。而無一人身亡。

越過三年。太守得御批。命辦死受禁衆神父信輩。西曆一千六百二十二年九月初九。太守命提衆人出籠。留神父兩位信輩六位在大村。九月十三將八人焚死在此。餘者二十二。二人押送上船到長夜。下午行路到浦上歇。次早十

四日瞻禮七行到長崎城外海邊。二十五年前列聖致命立山近地。是日方中教友聚集伺候。男女三萬人一路跪道傍。求聖人降福轉達。神父們降福衆信輩勸勵恒守信德。勿懼片時之苦。惟貴永息在天堂。通城異教男女見信輩輕生望死如是。無不稱奇。

此時另有日本信輩男女嬰孩三十三人被禁在長崎城監內。太守命解他出城。又令其中先斬三十人。餘之三人同神父們一齊焚死。如是則二十五人當死於火。三十人當死刀下。兵差依令。押送三十三位男女信輩到殺場。信輩與神父們見面。兩下歡幸互相賀福。嘉畧神父見女教友依撒伯。問他曰。經我付洗之幼兒依納爵何在。那婦雙手抱四歲之孩。趨步上前應道。神父。我兒在此。罪女牽他來同母親致命。他雖不能犯罪。却能事天主立功。神父

舉網縛之手降福母子。

且說立山脚下海邊立有木椿二十五株。椿前畧五六尺掘有大坑。坑內堆的有許多乾柴。如是則火遠隔人身。而苦刑愈長愈猛。將死的衆信輩在此停候片時。逐一辦告解得赦。未竟刑役把諸事辦好。官令送衆人上前動刑。二十五人各揀一椿。跪地於前祈禱。然後立身背椿被縛於上。時嘉畧神父明聲謂官曰。我等自西航海來此。所願者救汝及此國衆民之靈魂。今日殉身致命在此。願證聖道之真實。汝衆不信。不肯認識天主。將來在天主前過審判。必負此背恩之罪。維時我衆在主前訟汝。說畢題聖詠曰。異民請讚頌主。衆民請共讚之。因其仁慈已定吾儕之上。主之真實於永遠存焉。衆致命及四圍羣立之信輩洪聲如雷合音唱訖。此時當斬那三十位成行來立於椿



之前。男女無懼色。嬰孩四兒亦和平執母親之手跟從。衆跪地引頸待死。各人之側有刑役把刀忠視。少焉一聲號响。衆刑役一齊揮刀。男女嬰孩衆聖斬首升天。再待片時卽放火。二十五人在火燄之中。身體光耀如窰內之精金。畧過一點鐘。嘉畧神父倒地而終。刑役嫌其刑短。遂由後面傾水數桶在他身上。望他甦醒再苦。但枉自費其惡心。神父死了未見少動。彼時有日本信輩二人不能勝苦刑。一齊棄椿奔出火燄外來。或說他背教。或言他在刑官前求改刑斬首。此說誰是誰非不可知又見一信輩出火在他背後趕來。或說他來勸兩朋友恒守。或言他惟願背教。事亦不明少焉忽見纔出來那人復再入火燄中。端立椿前熬痛至死。先出那兩人在官前不知說甚麼話。只見官出令。刑役成團將二人投於火坑。以長竿按之至死。未幾焚成火炭。這三人心意究

竟何如。絕不可知。隨後教宗未列其名於真福冊上。是以動刑之際有男女五十五人。真福冊只上得五十二名。除開這三人之外。餘衆皆忍苦未動。兩點鐘內先後善終升天。

時西曆一千六百二十二。華明嘉宗二年。

西曆一千八百六十七年。教宗必約第九列五十二人於真福之冊。

### 切想 二續愛德

或問。我等所當愛何人。曰。據本月初三所載。信輩當因主之美善愛主在萬有之上。亦當因人所受上主之美善而愛人如己。總之。凡爲主現今所愛。或可將來成主友之神人。我們當愛之。天神。天堂的聖人。煉獄的苦靈。乃現今天主所寵幸。我們須愛之。世間衆信輩。凡無重罪者。亦爲上主所寵。我們亦當

愛。餘之信輩雖一時負重罪失了主恩。却到死無不可得罪赦復受恩寵。我當愛之不分。異教人雖不認識天主。却乃主所造成。皆可奉教受主恩。我們亦當愛之。聖教或異教人中凡恨我害我者。我猶當愛之。因其能成上主之友故地。魔鬼與地獄之惡靈皆爲主所憎恨。永不能受聖寵。我們不但不可愛。反當效學上主而恨。凡人在世間雖惡極似像無絲毫之美。却美善之根尚存。特此我當愛之。魔鬼與地獄之惡奴皆把美善之根拔出不能復生。其惡萬世不可變。是以我不可愛。

今日之真福嘉畧操習聖愛無缺。愛普地衆人。教內異教。特離本國本家航海到日本。在異教中辛苦二十年。竟苦死於日本人之惡。惟願生死救他。此乃習愛德之至。衆人雖無效從其善之職分。却亦當讚頌其德。日本異教不以

善人之愛而化。以後過審判必爲上主所罰。正如嘉畧神父將焚死時責官之言曰。汝等不肯認識天主。將來在主前過審判必負此背恩之罪。維時我衆在主前訟汝。

省察 愛德之規程。凡爲主現在所寵幸。或可將來受主恩寵之神人。我當愛之。凡失了主恩不能復者。不可愛。我知之麼。世間未死之人無一不可成上主之友。是以我當愛衆人。不可恨世中一人。我知之麼。

定志 自今以後。我依愛德之規。愛衆人。不敢恨其中之一。且因是天主之友。或因可沾主之恩寵而愛之。此題未完  
看十五日

## 十二日 多俾斯聖人

西曆耶穌前七百餘年。依臘爾國助福大理族有大德之人名多俾斯。妻名安納子名多俾亞。三人同心愛主。謹守每瑟古教諸規。耶穌前七百二十年。華周平王年間。亞西里亞王遣大軍破依臘爾之京城。搶土庶許多人回國。多俾斯全家在數。徙居你尼福城。言賢行智如常。王愛其德。重用之外。准他往來各處無禁。時依臘爾人民陷於艱難。有許多不心服。不守教規。效學異教亂爲。多俾斯知之心惜。時常遊歷遠近。尋本國人。安慰濟給。後盡心勸勵。回頭歸善。忍當罪罰。畧過七八年。王奔駕。太子繼位。卽是生納隔里白王。爲人暴躁不容善。定例虐待徙居本國之依臘爾民。於是依臘爾苦楚無靠。獨多俾斯位尊家富。竭力救拔。不時依臘爾人被殺。尸橫城街。莫敢埋葬。多俾斯

知之卽去。將尸背回家藏匿。迨至天黑，悄悄安埋，或見孤獨無依者，卽邀入屋來而飲食衣服相給。一日本族人艾伯祿欲借大款貿易，多俾斯允諾，借銀十達郎。中秤畧一萬兩艾伯祿歡喜寫約收銀去。過四年生納隔里白集軍先伐厄日多。隨移兵北方來攻如達尼斯基亞王。將日路撒冷城圍住。天主委天神救如達。一夜殺亞西里亞營中兵將十八萬五千人。七月六日王取殘兵回國。愈加憎恨虐害依睨爾。且聞多俾斯顧生死之善功，卽命殺之。多俾斯聞風帶妻與子逃匿，得救性命。王將其家資充公。過四十五日太子弒王繼位。多俾斯復得出世事主益人如昔。或勸他止其善功，勿致新王怒而加害。聖人不聽。

天主寵幸其善，准患難及其身以精其德。一日多俾斯葬了一人，力倦臥身依

墻而眠。墻上燕巢糞遺下着其眼目。因此雙目疼痛而瞎。聖人不埋怨不改志。惟全服天主聖意之下。忍耐熱切如初。朋友與妻皆疑惑。欺笑他枉自作善功。靠望天主。聖人每每責他短於信德。力勸正其心。時家資微薄。兒尙幼不能供父母所需。惟多俾斯之妻善於編織。朝夕勤快工作。勉強得資三人之衣食。久之聖人見窘難太重。而求天主赦其罪。取其靈魂出此涕泣之谷。且說多俾斯有親戚名辣古爾。徙居納熱斯城。今波斯國京都外其女名洒納。曾爲父親許婚。陸續配過七男。七人結婚。獨思身慾未正其心。婚禮之夜皆爲牙私莫得鬼。苦邪淫者之魔殺斃。一日婢女受洒納言責。答曰。殺七夫者。惟願你概無生育。豈將害我如害夫哉。洒納聞言歸寢舍。納悶三日三夜不用食。惟祈禱主前。第三日哀求畧曰。主。赦人罪而依時施恩之天主。求爾或救我於

此誣枉之艱難。或收我出此世。婚事非我所欲。惟願貞守。爾知之也。亂爲者。輕浮於行者。我不與之偕。出嫁之日。我惟依爾旨。絕未思淫樂。且或因我之不堪。或因列夫之不善。或因他與我均見怒於爾。而前事不合所望。人之生死禍福由爾。今日望爾罰後施救。苦後賜安。啼後賞樂。是故讚頌爾。依臘爾之主。在萬世之世。多俾斯與洒納之禱。同時上達於主。而主同時憐惜垂允。且說多俾斯自諒不久必離世。乃訓兒多俾亞畧曰。天主收我靈魂之後。汝葬我身之外。須追念母親懷生汝之劬勞。而終日孝心敬之。母親身亡之後。必埋他在我側。汝生平須思念天主不忘。勿致犯規。誠自陷於惡。欲上主不棄汝。汝先毋棄孤窮。惟盡心哀憐施濟。財寡施寡。財多濟多。哀矜救人於罪於死。作哀矜者不得下地獄。汝又須細心防邪淫。夫婦之外不可苟且無禮。



竭力避驕傲。驕傲乃萬惡之根。僱人作工。當即時出工資與他無欺。饑者裸者衣食須與之共。所有餅酒。不可邀罪惡席飲席食。惟須同葬亡者食之。求謀必詢達士。但事事須讚美上主。哀懇主引導汝於內。默示於心。再者我昔日借與艾伯祿親戚白銀十達郎。借約在此。汝須往納熱斯之地還親戚之約。取此款回來。毋懼焉。我等雖窮居於此世。只須操德立功而天主臺前可謂富貴。現今之事。汝當尋一心腹人。陪汝行此遠路。予謝教許遵父親命。少頃出外尋伴。恰遇一少年。身壯而雅。衣服扎束如行路者。多俾亞先拜問曰。兄何人。少年應道。弟依臘爾人也。多俾亞又曰。行默的之路。兄知之麼。少年道。知道。弟行過數次。又住過納熱斯同族艾伯祿之家。多俾亞奇甚道。請兄候此片時。弟去稟家嚴以此情。多俾斯聞得此言。乃請那少年來家。少年即

進拜曰。恭喜。多俾斯道。何喜之有。老夫朝夕在黑暗不能見天光。少年道。請老尊台平心勿慮。不久必蒙上主療痊。多俾斯曰。兄可導我兒至納熱斯麼。回來必當重酬。少年道。弟能導之去引之回。多俾斯道。兄何族何家之人。少年道。弟名亞雜理亞。乃有名人亞納尼亞之子。弟保令郎去來無恙。多俾斯曰。惟求上主保護汝等一路平安。使天神同路。多俾亞取些盤費。背小小的包袱。辭了父母便行。家犬欣然跟從。少主人上路同行。母親目送子行。至路拐。然後哀哭。謂夫曰。寧可不有財帛。汝纔把我二人之靠望子兒廢了。我夫妻雖窮苦。然得見此兒。豈不算富哉。多俾斯慰妻曰。不要哭。你的兒去來必無恙。早遲汝得復見。我料天主使神陪伴他於路。助他成事。引返來此。母親聞言。微安止哭。

且說亞雜理亞與多俾亞行了十餘站。一日在虎河邊歇息。多俾亞下河洗脚。只見一惡魚直奔前來。多俾亞驚然喊救命。亞雜理亞說道。勿懼焉。只管擒其鱧。拉上岸來。多俾亞如命。輕輕的把魚提上岸。亞雜理亞曰。剖其腹。取拾其心肝膽。此三件可作藥。心肝燒烟能除鬼魔。以胆搽病目可痊其病。多俾亞又奉命。然後燃柴將魚肉分成薄片。燥乾包好作路糧。亞雜理亞說道。此去不遠有汝家親戚納古爾。有獨女名洒納。汝當娶之爲妻。多俾亞應道。聽聞此女。豐次交配七男。皆爲魔鬼所殺。我怕與之同禍。致身亡而令雙親愁死。亞雜理亞曰。結婚不思念天主。惟從慾如牛馬者。魔鬼能害之。汝結此婚。須三天三夜同妻誦經。自禁其欲。亦可燒所存之魚肝除鬼。方無患矣。說訖二人行至納古爾家來。納古爾愛客。歡欣接着二人。且細看多俾亞。暗謂妻

曰。此少年面貌甚似我親戚多俾斯。遂問二人姓名家鄉。亞雜理亞應道。我二人是肋福大理族。徙居你尼福。納古爾問。認得我親戚多俾斯麼。亞雜理亞指多俾亞道。此朋友乃多俾斯之子。納古爾聞言大喜。謂多俾亞曰。汝乃仁人君子之兒。惟願天主降福於汝。遂命辦筵宴待客。多俾亞依亞雜理亞之言求親戚許女與他爲妻。古時之風俗與現今不同納古爾心想多俾亞配酒納。恐至如前七人之身死。而無顏對其父母。遂不應允。亞雜理亞說道。不要畏懼。天主聖意要酒納嫁與此友。是故別人未能得之。納古爾曰。如是則我禱已見垂允於主前。特遣汝等來此。使我依古人法律嫁女與本族之子。遂喚女來。置其右手於多俾亞之右手。祝曰。求亞巴郎依撒格雅各之主降福汝二人。成夫妻見子孫。古時結婚之禮寫約給多俾亞以家資一半。迨至夫妻死後餘剩之

財帛仍歸女婿承受。事畢，衆人坐席同歡。

是夜多俾亞入洞房，將魚肝置火炭上燒烟。時天神辣法厄爾將魔鬼擒拿，縛在遠地，致不能加害。夫婦三日三夜如兄妹誦經求主施救。末竟成婚安居無禍。多俾亞欲動身前行，但岳父留住不放。多俾亞謂亞雜理亞曰：「父母在屋候望我歸而度日如年。我又迫於岳父苦留，不能前進。何幸得仁兄意肯，帶岳父僕人牲畜獨去艾伯祿家收銀款，兼請他來飲喜酒。弟則實實感德不盡。」亞雜理亞應諾，帶家僕四人駱駝兩匹，行到納熱斯，見艾伯祿還約收銀如數，而竟同艾伯祿同納古爾家來。艾伯祿見多俾亞大喜，恭賀他娶親，求主降福。夫妻二人竟同納古爾衆親戚朋友坐席作樂。大家亦賀老夫婦得佳婿驅鬼出家之幸。

且說多俾亞出門後。時光如矢。父母在家記日數時伺候。久之不見兒回來。心  
下愁悶。寢食俱廢。多俾亞知之。是以時時催求岳父放行。究竟納古爾分家  
資。僕婢銀錢牲畜各一半交與女婿。然後降福新夫妻二人而放之。亞雜理

亞多俾亞帶衆僕婢趕牲畜。望家鄉進發。

時富豪之家。牧有各樣牲畜。或數百或數千。分家之時。分牧牲畜之

僕婢同去。行了十一日到半路。亞雜理亞謂多俾亞曰。我二人先快行。妻同僕婢

牲畜緩後來。多俾亞然其言。遂同亞雜理亞前進。彼時老母親每日坐坡頂  
四路張望。但每日見太陽落西。而愛子竟不來。一日坐在坡頂如常。忽遙遠  
見兩人來。似像是兒。方寸好不怦跳。再過半刻。明見是他。喜不自勝。下坡進  
屋。報與丈夫知道。

多俾亞將到屋。亞雜理亞教他用魚胆醫病目。時家犬遠識主人之家。快跑前

去。先入屋。在老主人身邊擺尾作聲。顯其獸樂。片時。少主人亦進來拜父母。三人樂極。吊淚無言。誦經謝主後。多俾亞取所存之魚胆。搽父親眼目上。過半時。見雲翳如蛋內白膜退出。取下後。多俾斯明見如昔。讚頌曰。謝爾恩主。先施我以病苦。而今日救我得見我兒。多俾亞將途中之事。結婚取債之諸情形。逐一談了一回。重疊稱頌同伴之賢智忠信。二老細聽。滿心歡樂。過七日。洒納帶僕婢到。親戚朋友聞信來賀。再筵宴七日。

客散。多俾斯謂子曰。亞雜理亞乃至善之少年。此役於我父子恩澤無限。何以酬報。子曰。其恩之大。實無從酬報。試贈所有銀錢。牲畜一半。或可屑納。遂請亞雜理亞說話。謝勞之後。多俾斯告以酬報之意。亞雜理亞喻二人曰。汝等當在人間讚揚主。所受之恩。果然奇妙。齋戒施濟之功。勝於積金銀。施捨窮

苦者感主憐卹赦罪救於永死。現今說實言不瞞汝。昔日汝吊淚祈禱。藏亡者之尸在屋。夜間埋葬。我見時常獻汝之祈求在主前。大主愛汝。是故煉汝以艱難。但主委我來治汝病。救汝子之妻。洒納於鬼魔之惡。我是辣法厄爾。譯曰天大大神。乃侍主前。七使神之壹。父子聞言驚然仆地不敢視。天神復曰。汝等和平不要畏懼。惟須讚頌使我來此之主。我在汝等之中。似像飲食而實不用物。所用奇妙之食。人目不能見。現今當去復命。汝等只管宣揚上主之慈愛。說說不見。父子仆三個時候纔立身。讚美天主。

此後多俾斯再活四十年。竟壽至一百零兩歲。降福了子孫。說道。聖人預言過。你尼福城將滅。依臘爾之地將復興。異國之人將棄菩薩。居日路撒冷。普地之王將樂敬依臘爾之王。救世主汝等須全心敬愛天主。嚴訓子孫同信同敬。



將來葬了母親於我塚之後。汝等當離此地。蓋你尼福惡極。不久必滅焉。說訖安逝。

復過些時老母親亦死。多俾亞葬之在父親之側。然後帶衆子孫僕婢趕牲畜過岳父處居住。時岳父岳母尚存。數代之人安平同居了數年。岳父岳母死後。多俾亞與酒納孝葬在本地。究竟多俾亞壽九十九歲過世。

時耶穌前畧六百二十年。華周襄王三十年。你尼福之滅亦在此時。

### 切想

聖經云。茲我遣我使在汝前備汝路。瑪竇十一章十節多俾亞之故事。表明天主管治人事之實情。多俾斯遣子行走遠方。欲尋一賢人引導。天主特愛其功德。委辣法厄爾假人形來奉此任。在路上救多俾亞於惡魚之險。訓他克慾清心。

而助他夫妻免鬼魔之害。竟收債賬後引他二人回家。如是則肉身靈魂恩澤至大。多俾斯父子知道亞雜理亞乃侍天主前七使神之一。驚然仆地不敢視其面。讀者亦奇甚。以爲未見之事。孰知按信德而想。上主待各人之恩與待多俾亞畧同。你我雖不得肉目見。然時時處處有天神同伴。護守天神明知天堂之路。而竭力引導你我行此路不錯。見人於思言行將犯罪失路。預先提醒於內。勸勿從慾自害。聖人細聽其聲。恒步其後塵。天神助他積靈魂之財。卽是諸德之功勞。幸然到天父之家同享永樂。惟不聽不從者。枉受了上主之恩。負了天主之情。則無功無德身終窮乏。到審判而永福失也。信輩。汝爲父母當慮及兒女救靈魂之大事。想天堂之路且遠且險。兒女行之恐難保其財帛性命。當教訓他自孩年善聽護守天神之言於心。常常以信

德想天神在他身邊同行。而恒從他不逆。如是則萬險不懼。天神必救他於鬼賊。引他妥入天國。時若感情。願酬天神。天神必應道。我別酬不受。有汝與汝之子女同我享天福。卽是我報而足也。

省察 天主遣天神引導多俾亞之事奇妙。但上主遣天神護守我們之恩亦大。多俾亞從天神末竟得身全享世福。我等細聽恒從護守天神必得全靈魂到永樂。我知之麼。

定志 自今以後。追思多俾亞故事。我謝主遣天神保守我之恩。又細心恒從我天神。使能積善功之財同到天國永福。

十三日

聖貌理祿

主教

貌理祿乃羅瑪米納諾城富家之子。出於西曆三百三十餘年。華晉成帝年間。讀書領下四品。後過法地。時聖瑪爾定十一月當都赫城鑿牧。德振西方。貌理祿直過都赫去。從聖人數年。領上三品。陞鐸德之後。助主教理事之外。全心全意學習其善德。隨奉聖人之委。西行畧三百里來揚熱城。看教友傳聖道。隔城五十里大河邊有一村。名沙龍肋。村內有古廟。名聞遠近。本方向從異教者。時常來拜。貌理祿來此地。守齋祈禱數日。求天主顯能。拆此鬼廟。一日衆人見火由天而降。片時將古廟燒盡無存。神父在原基造聖堂。每日講道勸人。並操習大德。立表與衆民看。某人手癱久不能動。一日聞聲音。若命之曰。可去見天主之僕貌理祿。伊畫聖號。汝手得痊。此人卽去。而果好痊。又

有一婦爲魔所憑。眼目不見光。而言行古怪。惡極。方中人把他網縛押來。貌理祿神父處。貌理祿誦經後。先將魔鬼逐出。然後畫聖號在他眼上。那婦當時明見。而安平回家。此後貌理祿聲名大。居民敬愛。聖人修靜院在沙龍肋。納弟同居。協心習善。一面出外。堅固信輩勸人。

某年楊熱主教過世。衆神父士庶聚集商議。推新鑒牧。聖瑪爾定主教來主會。聖人進經堂。謂衆曰。弟兄們。爾衆當知貌理祿神父是汝等之鑒牧。衆以此言爲天主所默示聖人之語。是以信服。遣使去接貌理祿來。神父知道是老師聖瑪爾定所爲之事。不敢辭。遂從使回城。聖瑪爾定帶士庶迎接。二聖進經堂之際。衆見一白鴿飛下。棲於貌理祿頭上不動。衆信輩愈加歡喜。稱新鑒牧。果是天主挑選。迨至行禮。聖瑪爾定按手貌理祿頭上。復見白鴿在聖

人身邊飛去飛來。禮畢不見。

此後聖人愈加操德。屋內家俱粗陋。身上衣服樸素。所用的飲食微儉。嚴齋之期每三日內以粗麥餅一餐而充饑。以地爲床。苦衣四時不脫。聖禱不斷。雖尅身至嚴。而慈顏喜色不改。似若內善潤其身而現於形。雖寡言多默。而默中似像有言。引人向善。可謂聖人言而不失靜。靜而不斷言。且人中不分貧富。見貴不諂。待貧不慢。勸善至慈。而不使他矜驕。責惡至威。而不致他失望。正鑒牧中之罕觀者也。能化人心歸主。能感主心福人。時所顯之聖蹟多端。有某貴族夫婦無嗣。聖人轉達主前。求賞他一子。天主垂允。再過數年。所生之子病亡。聖人憐惜父母之痛苦。復在主前祈禱。將幼兒復活。後長成繼貌  
理祿主教位立大功。有過路之遠旅死了。方中把他入殮將埋。主教巡閱本屬。忽至。誦經

後將亡者復活無恙。

聖人壽滿九旬。患病自覺臨終至。遂集衆神。父勸勵和睦愛信輩。城鄉人聞風。四方來求降福。七日內相繼不斷。聖人和平慈悲如常。視衆人如兒女。善言撫慰。究竟領聖事。臥灰謙遜之意而善終。

時西曆四百二十六。華宋高祖七年。

聖亞瑪多 隱修

亞瑪多生於法國多斐肋省。幼年奉父母命在亞我肋靜院讀書。年紀畧二十歲。願在此修道。父母准之。過十年心願獨修。遂暗地離院入山。擇一巖洞而

居之。院長遣隱士搜山。第三日尋獲亞瑪多在此。問他三日內所用何食。亞瑪多應道。弟不會用食。三人催他回院。亞瑪多說道。弟願獨修在此。惟求長上每三日內遣人送麥餅一塊。三人回院稟長上以此事。長上依允。於是亞瑪多獨居山中。日夜無所慮。惟默想而讚頌主。一日魔鬼發顯。欲驚嚇他。亞瑪多無畏懼。鬼將院內送來之餅搶去不見。亞瑪多覺此事不怒。惟自服於天主聖意曰。主以僕守三日之齋不足。要僕六日不用食。特准老魔搶僕之餅。僕只得如命。院內衆士商議修小屋一間與亞瑪多居住。遂大家下力動工。但將要立架。覺得木料鋸短了不可用。亞瑪多跪地求主。片時之間。木料變長。遂立架完工無阻。過一年。亞瑪多欲自贍。給不勞他人。乃挖土種麥。收穫後求院長一小磨。院長使人抬磨去。以後聖人能自付所資。年年種麥。自



磨其麵。自燒其餅。一日魔鬼自山頂推一大石。直向聖人小屋滾將下來。聖人見。命石因耶穌聖名而定。言未訖。石停止不動。是年亞瑪多陞了神父而熱切愈加。本方主教不時來看聖人。以聖道相慰。一日願給亞瑪多銀錢若干。使他自用或作善功。亞瑪多不取。主教將行之際。悄悄藏了銀錢在他屋內。便出。少焉。聖人知覺。將銀錢遠拋山脚曰。天主乃我所得之業。有銀錢何益。

越數年。呂斯爾院之長上過路來見。謂曰。兄日前獨修在此。自益足也。茲可來弟院內益人。聖人感於院長才德之名。離山洞來。呂斯爾隱修。復越數年奉命北行。遊城鄉講道理化人。勸得某富貴人棄世榮。以家資造隱院兩座。一則隱士居之。一則婦女住之。亞瑪多分衆女成七班。輪次在主前晝夜誦經。

不斷。隱士亦熱切至極。德功遠傳。聖人獨居院外一洞。修身如昔日。惟主日瞻禮入兩院講聖道。

某年明知不久將身終。遂加功預備見主。次年患病。聚衆隱士。明聲告生平之罪。求代爲轉達。並臥灰上待死。竟謙遜至終。命衆隱士勿埋其身。在聖堂內。惟葬在經堂門外。且命墓上刻字曰。凡入此堂而爲主垂允得其所願者。懇求爾助我轉達。蓋我所行之補贖與所犯之罪。實不相稱。末竟自托於主之慈悲而亡。

時西曆畧六百二十六。華唐高祖九年。

墓前時常顯聖蹟。兩院外漸漸興一小城。名赫米赫孟。

## 切想

聖詠曰。天主乃我所得之業。

聖亞瑪多題聖詠此言。不但由口。而實由心出之。是以主教給銀錢而聖人不受。擲之山下。自獨居主前。野林之中。茅舍避風雨。破服遮身體。清水粗餅養性命。而視普地財帛榮樂如糞土。如此則世業至薄。但聖業厚焉。何也。現在心平意和。不戀前不慮後。視生如死之路。視死如常生之門。以天地之大主爲友爲父。朝夕貪望。而以每日爲去見主之步程。以天堂爲家鄉。而有定據得歸以安享。以人目觀之。可謂賤微。以天主所賞之寵。則爲至貴至能。此乃聖人之神業。爲此而輕薄世業。豈不賢歟。

噫。你我選了天主爲業者。何不效法聖人輕視萬物。獨貴聖業哉。爲何又貪想

金銀富貴。爲何時常計慮。心快身安哉。爲何目前只看現生這數年。而不思身後那永遠。爲何重愛今日有明日無之薄業。而不仰望萬世無敗之妙福。你我無智也。你我無信也。稱上主爲業者虛言也。

更請細想聖人墓誌那數語。我所行之補贖與我所犯之罪。實不相稱。吁。聖人自幼棄俗獨居。所犯何罪。苦修數十年。身體飲食幾乎不足以生。而所行是何大的補贖。却自言補贖不足。蓋罪如是。則你我當何如。聖人無罪。而生平苦楚說補贖不敷。你我罪多。而生平躲苦畏勞。可否說補贖得足。噫。只恐將來難得免懈怠之補贖。只恐在火中以煉獄之痛。比較世間之勞。而失悔道。吁。蠢之我焉。能效聖人免此苦獄而未免。

省察 現在誰是我業。天主耶。世福耶。世福無實之業也。天主永樂人心之業

也。聖人無罪多功，尙說補贖不足。我多罪無功，敢說補贖不必行。誰賢誰愚。  
定志 自今以後，我以天主爲至貴之業，世福不可比。我又盡心減罪增補贖，  
以免死後懈怠之罰。

十四日 光榮十字聖架瞻禮

西曆六百餘。華唐高祖年間。波斯國王帥大軍入羅馬東國。時羅馬兵威不如昔日。是以屢敗不能敵。波斯王帶將士進如達佔地。破日路撒冷城。將主耶穌十字架之苦木奪回本國去。王雖從異教信異端。却尊敬苦木。而竟存在殿內。如至貴之聖物。

羅馬帝爲人才德不凡。甚痛敵軍佔地奪聖木之窘難。卽時意決。誓必伐波斯。復地奪回聖物。但知道練兵非一年之功。而緩緩從事。四方集勇將募兵造器械。各省只見馬步軍操練。過十四年。將士身壯技熟。欲戰。帝乘勢議伐波斯。離京都前一日。帶衆文武入經堂誦經。求天主降福。他勝敵復原界奪回苦木。且將太子托付於京都宗鑒牧後。率大軍向東而行。波斯王集通國兵。

將來敵。羅瑪軍屢戰屢勝，果復原地。隨入波斯界，攻擊不止。波斯王退兵過虎河。立次太子爲王，同理國事。長太子怒，使勇將數人弑父王，與新君將等如令。於是太子繼王位，遣使來見羅瑪帝，求和。帝命書出和款數條，隨曰：波斯王能照遵此款，朕卽退兵。波斯王無異言，遂兩下依款寫約蓋印。羅瑪帝復原地，救還昔日被捉爲奴之羅瑪人，並帶苦木回日路撒冷來。四方主教、神父、士庶集於城中，慶帝凱旋。一面敬苦木而謝主恩佑。帝皇服皇冠，負聖木欲上加爾瓦畧山。衆見帝誠敬如是，倍加歡喜。軍民前後各依班次陪行。旣到城門，忽見帝不能前行。衆臣恐帝力倦，欲參扶之。帝曰：朕未倦，不知何故不能前進。雖竭力欲動足而竟不能。軍民大異。總鑒牧奏曰：昔日主耶穌背負苦木由此門過而跌仆受辱，衣服爲泥爲唾所污，陛下之不能行，莫非

是主耶穌願陛下效學其謙卑。脫盛服而素裝。負聖木。帝聞奏自醒說道。鑒  
牧此言是也。遂脫皇服。皇冠金履。着傭工之衣。赤足再負苦木。而過門上山。  
無難。既到加爾瓦畧山經堂內。置聖木在祭台上。病疾羣來。惟願摩苦木求  
醫病。主教准之。當時盲瞽者十五人。痲瘋十人。得痊瘡。隨傳風癱者四人。亦  
皆瘡。再抬來亡者一人。置苦木在尸上。而亡者復活。負魔者數人。押來摩聖  
木。鬼不能支。卽逃去。雜病無數。皆好痊。日前定的有光榮十字聖架瞻禮於  
九月十四日。此後每年是日之瞻禮。愈見熱鬧。四方信輩。來日路撒冷。敬聖  
木。時時顯得有聖蹟。自此迄今。聖教辦此瞻禮。於是日不斷。望各方信輩。全  
心謝主贖罪之恩惠。誠意自勵。效從吾主謙遜忍苦救己救人。



聖雅伯 主教

雅伯生於法國多花城之地。幼時言正行端。讀書至細。行善至切。愛貧苦致脫身上之衣而衣之。年紀二十餘。位當狀師。特專助小民伸冤免害。家資分兩股。一股行哀矜養孤獨老邁。聲名傳於四方。而謙遜日增。某年都爾城鑿牧過世。衆推雅伯繼位。聖人久辭不能免。竟陞神品當主教。

此後善功自然不減。而隨時進於大德。時考聖人言行而盡心效法。天主賞之顯聖蹟。一日在某處聞有三犯將正法。主教憐此三人未奉聖教。身死不能享天福。來見官求赦三人。許他將來必習好不害民。官不放。主教跪地誦經。當時見三犯所帶之鉄鍊自斷落地。三犯跪聖人足下謝恩。官見聖蹟不得不赦。三人赦後學好。領洗善生善終。又一日信輩送一負魔之少年。口內出

煙若腹中燃火一般。少年見主教卽鬼怒上前欲傷之。主教畫一聖號。魔鬼不能支。離少年之身而奔去。聖人當主教七年而安逝。喪事之際。衆聞美香撲鼻。樂人之心。時西曆四百五十。華宋文帝二十六年。

### 切想

吾主耶穌將死之前。謂宗徒們曰。迨予高舉離地。必引萬物歸我。若望十二章三十二節

吾主所言高舉離地。先指其將釘於十字架身死。釘主舉苦架之後。如達惡徒羣立主前。欺笑道。曾救他人。茲不能救自己。果是依贖爾王。祇須下架來。我卽信之。瑪竇二十七章四十二節吾主本能顯此聖蹟而下架免死。苦鞭茨冠釘手足。所歷之刑所流之血。足以贖萬世。但吾主聖意未滿。另要高懸十字架上。死於天地之間。使天主父垂鑒而饒人類衆逆子。使信輩仰望而依靠哀禱。昔

日世人與萬物似像屬魔鬼之權。而事之爲王。吾主要死於高架上。以神權引萬物歸己。豈不見主死之際而物大感乎。日失光。地震動。石破裂。墓自開。亡者活。諸奇異。此乃物之識主在苦架若坐皇位。而轄制萬有。時守主之兵弁擊首捶胸道。此真天主子也。此後迄今學從此武將而認識卸死之耶穌爲天主者。誰能數之。大國之衆民俯首額地敬拜。帝王人主認之爲君。各學之奇才傑士自下其學。而讚頌爲萬師之師。千九百年來。耶穌以苦像自顯於世。而普地之真賢歸之。默思其道而道未窮。享受其愛而愛未盡。數歲之孩見苦像而以無罪之心感動顯愛。二三十歲之青年人正在費心用力之際。簸於世海陷於身慾之戰。目見苦像卽心堅加望。老邁身困於年之重担。心愁於日前之災患。望慮於將來之無定。目見苦像卽望後世之再生而和

平待終。且棄世入靜院。終日百法益人之貞女。有何依靠焉。全無他。惟苦像  
是也。出家入曠野之士。生平獨修避惡操善者。又何望焉。無他。苦像是也。萬  
萬致命男女老幼。輕視萬刑賤生。願死所學者。誰無他。惟苦像是也。吾主之  
言不虛。高舉苦架上。必引萬物歸之。

且異教之地。苦像高舉於人目之前。而人心歸之。何耶。曰。人感於天恩。乃回頭  
奉教。以苦像爲旗。爲號。而不離。或效學如達人。硬其心。而不從。不化。但不歸  
以愛。必歸以恨。此乃苦像於各方。遭遇之不同。或取人愛。或取人恨。且恨者  
不能袖手旁觀。遇機必從。苦像之讐。首撒膽。而心欲害之。害苦像不得。卽遷  
恨於愛。苦像之人。而尋隙加害。各世各方之風波。本根於此。因苦像之故而  
一省一國之士。庶互相析別。或歸苦像以愛。或歸以恨。歸以愛者。真福。雖遭

人之害。辛苦數年何妨。其賞永備。歸以恨者禍矣。錯想能除苦像。而枉自縱其暴虐行兇肆殺。苦像竟立天地間不能滅。敬苦像者愈死。拜苦像者愈生。殺信輩者從昔日如達之凶人。在世願避苦像而不能。死時望逃之亦不能。靈魂出身卽見天主聖子立於十字架之側。問他恨苦像殺信輩之理。一生未能勝苦像。終爲苦像所勝而隕於永刑。禍哉其人也。或士或庶或君或民皆然。苦像前不分大小賢愚。只論歸以愛或歸以恨者。以愛而歸必生。以恨而歸必亡。

世界窮末之時事事一理。天主聖子依十字聖架現於雲上。十字藉天主之光。輝耀過日百倍。時普地世世聖教異教萬萬人聚集。而仍然分析。或歸苦像以愛。或歸之以恨。凡在世以苦像勝魔鬼世俗。忍當凌辱辛苦者歸以愛。凡

爲鬼魔爲患難爲身慾所勝者。必歸以恨。愛者升主前同榮同樂。其愛日增。其樂日益。而萬世無窮。恨者下到撒膽位前。與之同暗同苦。地獄中永遠見苦像。愈見愈恨。愈恨愈痛。而萬世爲苦像所刑。此乃吾主聖死之驗。萬物當歸之。人自察如何而歸。則可自料將來亦何如。

省察 普地之人。或聖教或異教。當歸於主。但或歸以愛。或歸以恨。以愛而歸。必永福。以恨而歸。必永禍。我知之麼。

定志 自今以後。我倍加愛苦像。事主以愛。惟輕薄世福。望永息。

## 十五日 聖雅沙爾 院長

古書載此聖之言行如左。

西曆六百餘年。華陳朝之末。法國博都省有名家夫婦事主熱切。某年夫人娠將彌月。大病幾乎喪命。許愿若平安產子。將必獻之於主入神品。隨後果生一子。取名雅沙爾。過十六年。父親見兒人品可觀。乃引他進京入朝。偕各省貴家之子習武侍帝。越兩年雅沙爾知道母親昔日所許之愿。來稟父親。願棄世務出家隱修。父親猶豫數日後准行。母親歡喜勸子恒心守志。雅沙爾辭了父母進本省隱院名聖如應。在此緊守規矩讀書修德。越數載陞神父而倍增善功。如是畧二三十年。

此時如箴日院長聖斐理伯度造一院在省城外。取名經斯。且聞雅沙爾神父

之才德。稟鑒牧後。推之爲新院長。自回如箴日去。復越一兩年。願卸任去。別院謙遜隱修。再求主教准雅沙爾來接位。管本院。主教允諾。願同去見雅沙爾。說此事。是夜雅沙爾安寢。夢中見主教偕斐理伯度立於床邊。一執院長之權棍。一執聖本篤之規矩書。謂曰。仁兄可起而以聽命之德領新任。可讀此規而考其所涵。可杖此棍引多多隱士守規習德。雅沙爾驚然而醒。以爲虛夢而不查其意。次日主教與聖人來見說來意。雅沙爾聞言思想前夢。乃天主預事之命。遂不敢辭。隔日聖斐理伯度入卯木。跌院善終不題。雅沙爾過如箴日去。

時院士九百人。才學聖德有名。爲長理事。非常人之所能任。新長不辱位。衆見其行聞其言。無不心服。更因天主賞以聖蹟先知之能。而名譽輝揚。有許多



病疾爲人抬來院門。而蒙聖人轉達醫好。各步行回家。一日衆隱士在外作手工。有數位在大樹之下。時聖人在書房沉默。忽神見一魔手執若火斧。奔到那大樹揮斧而砍。意欲樹倒壓害隱士。聖人忙忙出院來此地。一聖號將鬼逐出。時衆隱士覺得硫磺氣臭。不知何來。聖人說了情形。並指大樹與衆看。果見樹脚燒黑。衆隱士要伐樹。聖人說道。不可。存之作記念。惟須時時在意防鬼之害。聖人每夜手提聖水遊院內各屋。素常蒙主開神目得見鬼魔。或在此或在彼藏匿。誘惑隱士。是以時常哀號主前。寧可身死不願見手下。一人犯罪。某夜入經堂。一邊見有一天神至美至光。手執若棍。一邊有一魔鬼至黑至醜。天神責魔敢來此地誘惑天主之僕。又說他雖惡不能勝隱士之德而害之。一面魔鬼自誇不枉然用心。此來必有所獲。聖人一心懇祈主

矜全衆隱士之靈魂。天神謂曰。汝禱爲主垂允。四日內此院有隱士數人將身死升天。我棍所點者是也。可勸誦經辦告解領聖事預備善終。說訖以棍點指數士。卽欲出外去。聖人見鬼仍立在彼。乃虔懇天神曰。主之使神旣將去。何不逐此惡獸。勿使害人。天神曰。不必畏懼。我時時守此院不離。將死之隱士數位。魔不能害之。惟主准他暫留此屋現形與各人看。使衆見愈加怕地獄。愈增痛悔罪。次日聖人將天神棍所指那數人。導勸預備善終。衆人無一不信實。遂晝夜祈禱。尅苦百般補贖。哀哭主前。第四日衆人領聖體。是日逐一接續善終。生者無不願同亡。各自定心倍行善功。待上主所定之日。聖人理院事多年。竟得默示。不時將棄世。遂歡樂盡心預備。九月初旬患病。到十五領聖事後。集院士善勸相愛相和。提醒以嫉妬仇恨之大惡。而卸世。

時西曆六百八十七。華唐中宗四年。

聖瑪瑟祿聖瓦肋利約 致命

古傳記二聖之言行畧如左。

按六月初二日所載。西曆一百七十七。華漢靈帝十年。法國里勇城風波甚重。致命之主教神父信輩不知其數。時有神父名瑪瑟祿。六品輔祭瓦肋利約。避難出本地進布爾我義省。神父一路傳道入沙隆城。六品輔祭行到度爾路斯。數月內瑪瑟祿神父勸得有人奉教領洗。一日路過某地。異教羣從菩薩遊城鄉辦會。其中有武官帶兵數十人。異教見瑪瑟祿請入羣從菩薩行

祭之禮。神父不肯。異教疑惑道。是天主教。神父道。我果然是。官令押送在菩薩前致敬。神父曰。汝等所稱之菩薩。乃昔日作惡之罪人。現今在地獄受永苦。我不能敬。官令鞭打。神父忍受。官復命押送過河。在某菩薩前獻祭。神父不祭。官令一再鞭責。又押到某菩薩前。神父不祭。官命用火苦之。究竟令掘坑將聖人豎埋。留出肩頸。派兵看守。聖人在此三日三夜。頌主勸人。第三日痛死升天。

隔十日。官帶兵由度爾路斯過。聞得此地有天主教傳道。即時派兵去捉拿。次早兵押送一少年到案。乃六品輔祭瓦肋利約矣。官問曰。與汝同邪之瑪瑟祿。日前死於刑。諒汝不知道。瓦肋利約應道。我知之。是以愈加有心效學其德。恒守善志。官曰。汝可自省。回心敬菩薩。菩薩乃至尊當敬之神。遂指曰。此

是某菩薩。此女菩薩是他的妹。又是他的妻。再指兩個謂曰。這兩位又是兄妹。又是夫妻。瓦肋利約應道。見兵差執事。人知爾是皇上之官。但聞爾說話。實實不似官。據爾所出之言。則見得皇上與通國士庶所敬之菩薩。污穢不堪。豈不知各國之法嚴禁兄娶妹。革姐嫁弟乎。兄淫妹弟淫姐之罪。實是滔天之惡。人不可行之事。神豈可爲哉。此神不但不可敬。且當除當絕。我所敬乃肇造天地。全能全智至善無缺之天主。官怒。命套聖人於椿。用鉄爪抓他。少頃聖人全體刮爛。鮮血流徧地。官見他不改變。命拿出斬首。兵差依令。聖人一路讚頌主。既到法場。跪地求首先致命六品斯德望助力恒守。遂仰頭曰。主於爾手。茲付我神魂。復喜色喊道。我見聖斯德望在天上。手執花冠來接我。少焉斬首升天。地方中人時時敬愛不忘。

切想三續愛人之德

天主愛人類如己全能之妙工。特此造地球飛禽走獸五穀百菓金銀珍玉等萬物。特此賞人以靈魂三司肉身五官。能推論善惡益害。能識能享各物之美。且以此不足。而許人永生永樂。人類負恩背命本當消滅。或盡投於永火。天主反使聖子辛苦慘死救他。雖見多人背義從惡。上主猶愛之。施恩與之。回心保其身衣食能活能行。每年冷熱雨晴。不分善惡。而使普地隨宜潤暎結實。此乃我等愛衆人之原規也。

主耶穌效聖父之妙愛。爲善惡者降生。惟願救衆人得永福。受鞭打戴茨冠釘死於十字架。而獻其苦於聖父。爲惡仇回頭改行。而到常生。現今藏在聖體內。不避信輩冷淡冒領。異教人等憎恨踐踏之惡。惟願感良莠之心歸善升

天堂。前世若此。現在若此。後世亦將若此。不變。此又是我們愛衆人之規模。聖母瑪利亞亦效學天主聖父。甘心捨己獨子耶穌受死。惟願普世善惡沾其聖血之恩。恒毅站立十字架傍。如鐸德立於祭臺前。獻聖子於聖父。作贖萬靈罪惡之犧牲。以後世世聖人聖女捨家資濟貧。費盡心情身力以益衆人。忍當辛苦忻然致命以救異姓異地之民。此又是我們愛人之規模。

不操愛人之德者。可謂與主耶穌與聖母與衆聖人分路另行一道。然主耶穌曾曰。我是路。不由我者。不能歸父。若望十四  
章六節是以主耶穌訓門弟又曰。頭一誠分兩端。一須愛天主。二須愛人。兩端意同無分。

況此誠與各人本性相合。我衆以仁愛爲本。仁愛原蘊含於人心肺腑。惟久習惡則能滅。若依原義操仁愛。則本心順。而心下實樂。其樂勝過身樂遠多。如

是則愛人者樂於地。而將來永遠樂於天。誰人自愛而不願習此善德哉。  
今日之聖皆從主操愛德。聖雅沙爾晝夜祈禱。天主保佑衆隱士恒行善路。寧  
可受苦不願衆士犯罪。此乃愛人之明據。聖瑪瑟祿聖瓦肋利約風波之中  
冒凶險傳道救人。被拿受刑。堅忍不怒。甘赦仇人之罪。自獻性命於主。願主  
饗之。而施恩與衆奉教到天堂。此乃無比之愛德。正學天主聖子之妙行焉。  
省察 愛人之德至貴。天主永遠懷之。主耶穌操之至死。聖母瑪利亞與衆聖  
人從主操之。這是天路。不由之而行。必不至天堂。我知之麼。

定志 自今以後。我竭力效學吾主與聖母聖人聖女操習愛人之德。此題未完

九日



十六日

聖女歐拂彌亞

看本月二十四日

聖閣助理

教宗致命

閣助理是羅瑪城人。幼時讀書領神品助理聖教事。年紀二十六七。不怕風波。陞神父竭力堅固信輩。西曆二百五十年。華漢後帝年間。教宗奔駕。閣助理神父繼位。

城內有一鐸德名諾法相。爲人有學無德。日前負魔。隨又在官前背過神父之職以救命。雖罪惡不堪。而貪望陞教宗之位。見事不如意。卽肆恨新教宗。時處處流言冤枉。好個神父時亞非利加又有鐸德名諾罰。貪財圖名。暴躁輕浮。因同別神父四人作謀分裂。爲家爾大我主教聖西貝盎。看下篇所棄絕。怒甚。過海進羅瑪與諾法相共力亂聖教。時常遣人遊城鄉傳言。說新教宗才德

均非不可任大事。務須廢之。另立一明士禦敵教外之人。否則聖教事必敗等語。常人生成多信惡疑善。當時之信輩亦患此病。常聞說教宗不堪其位。而信以爲實者不少。究竟有鄉城主教數位不查不問。將諾法相陞爲羅瑪鑒牧名稱教宗。乃假教宗諾法相遣使見各省鑒牧。一面毀謗閣助理如常。一面報自己雖不願而迫於無奈陞了教宗。亞里山之宗主教回文畧曰。如迫於無奈而陞。當甘心退位。以免聖教紛亂。加爾大我之總主教西貝盎集亞斐利加鑒牧七十位。將所得閣助理教宗之通文宣讀與衆鑒牧聽。而全未題諾法相之文。但委鑒牧兩位過羅瑪細查聖教事。二位鑒牧回來說實情後。衆鑒牧意決認閣助理爲教宗。稱諾法相之無理。時各處待背教與犯大罪。如殺人。姦淫人妻者。有兩不是。或罰不足。而當時准

犯者入經堂與聖事如常人。或罰過分而概不赦此宥。聖西貝盎會同衆鑒牧商議後定規矩。將各重罪列成單。犯各端者當行補贖或數年或數月。但明錄無有不赦之罪。總須容罪人作補贖。不可棄之失望回異端。背教之鐸德當准他補贖得赦。但不可用於聖任。事議畢。使人進羅瑪將所定規條各端呈上教宗鑒察。教宗集主教六十位議事。准聖西貝盎之規矩通行各方。一面將諾法相及附從者棄絕。並將陞僞教宗那三主教貶黜開缺永不准復。此後聖教漸平於內。

時崖路斯爲帝禁聖教。將教宗充到某城。聖西貝盎聞信使人呈書恭賀。約生死同心証顧聖道。過數月帝令解教宗回羅瑪。逼令祭神。聖人惟說恨鬼魔恒從聖教。帝令掌面。然後解教宗到某廟祭神。若或不祭即斬。武弁帶兵解

聖人由本家過。且因妻風癱多年不能動。乃請教宗進屋醫治。教宗允諾。誦經後。將婦人醫好無恙。丈夫和手下兵數人奉教領洗。帝聞言令解送到廟內。同教宗一齊斬首。少頃衆聖靈魂離身升天。

時西曆二百五十二年。

同日

聖西貝盎

亦稱西伯  
理亞諾

主教致命

西貝盎或書西貝廉。乃羅馬國亞斐利加省加爾大我城名家之子。父母未奉教。西貝盎孩時效從父母信菩薩。年紀二十餘。才學舌辯出常。加爾大我文墨人敬愛。請他開學。西貝盎允諾。此後財富名貴。高枕度日。惟專強學取樂。

且依着異教習俗而樂中不分正邪。衆見無不稱爲有福之人。如是混過多少年歲茫不可定。彼時名士則濟理約奉教陞神父來本城看顧信輩。諒是六月初一之聖二人日前相交來往與否事不可查。但則濟理約認識天主後見西貝盎聰慧異學如是。卽勸他棄虛假之道奉從聖教。西貝盎與聖人辯論。霎時明悉天主造萬物普地當崇之要道。但彼時聖教多難。皇上革禁異教士庶厭恨。更兼規誡難守。須禁驕傲邪淫嫉妒忿怒等惡。當朝夕自慎嚴省諸思言行。西貝盎得於多年之快心肆慾而難改向。鬼魔時時驚嚇於內曰。汝富貴尊名之士。豈可學習區區小民自賤如此。正在青年身壯。豈可斷絕佚樂之路而自苦如此。現今汝安然無慮。體和心平。豈可奉教而時時畏懼。恐兵差來捕解上公堂問罪。那時若不背教。豈可勝刑甘心致命哉。好好不

要錯想。只可依先人之道畢生便了。萬一有朋友來勸。不可相信。另奉此遠來之教。西貝盎內外受攻。而一時意決不改舊路。但過三兩日。或爲則濟理約所勸。或爲上恩所感。而覺心中若密聲責曰。西貝盎。西貝盎。勿管路之艱難。汝務要行到天地主宰去。如是反覆多時。竟勝誘惑。從聖恩。習學聖道。領洗。此後覺心內改變。日前戀財帛尊貴。現今愛貧窮卑賤。日前事身樂畏難怕死。今尅身尋勞不辭苦。將田土變賣散濟後。獨居修道習聖學。過一年奉主教命陞神父。同則濟理約看顧信輩。再越一載。卽西曆二百四十八。漢後帝二十五年。加爾大我總主教身亡。衆推西貝盎繼位。

新主教身體儒雅。言行溫和。雖身有所苦心有所慮。而喜色不改。衣裳與位相等。不奢不儉。交人至仁至義。見貴不諂。遇賤不慢。管治屬下如父母之理家。

時時細察信輩身靈所需而竭力益之。衆神父信輩敬愛。惟心不正的數人嫉妒欲生事。主教待之仁威相兼。惟顧大局。全不念私辱。前數年風波之際。有許多教友未能守信德。因懼刑或祭了神。或雖未祭而錢買了祭票。惟心想買票之罪不如祭神之罪大。孰知兩樣罪相彷彿難分大小。天主臺前皆是背信德。以後背教之各犯悔罪欲復入聖教領祕蹟。但依舊規預先當補贖多時纔可如願。遂在受過充流監獄苦刑之各信輩處求轉達。望鑒收鐸德。看在聖人們面上而赦罪收納。受過刑之信輩素依其所願寫票求救。而主教神父見字。即免些補贖。隨後受了刑之信輩作事過分。亂出票。請鑒收鐸德。赦某人某家入經堂領聖事。票內雖用請字。其意似若出令。於是規矩大敗。有許多神父見票即免各罰。致背信德者不補贖而復入信輩之數內。

衆見以爲背教之罪輕。可犯以免苦刑。西貝益總鑒收集本屬衆主教商議此事。定法如左。凡背教者當依老規矩嚴行補贖。可看在受過刑者面上。而免他人或數年或數月之罰。但不可因此而全赦。總要背教者預先嚴行補贖纔開罰。於是通屬內難畧平。惟神父中嫉妒主教者五人不服。其一名諾聖閣助理行實才衆信輩分裂。罰看上篇

時聖閣助理陞位教宗賢管聖教。待背信德者與西貝益總鑒畧同。羅瑪有嫉妒新教宗者。亂傳閣助理無才無德。軟弱無剛。錯准背信德或犯大罪。如殺人姦淫諸惡之人。復入聖教。此等大犯不當容。惟須棄他。概不收納等語。並另陞一人名諾法。相爲教宗。而廢閣助理。聖閣助理將假教宗與附從者棄絕。並旨令各方待背信德與各大罪犯。必當依西貝益總鑒等所議之善法。



此後聖教以此爲各世之定規不移。是年加爾大我裂教人推一神父當主教。望信輩分裂。但衆人知弊未從假鑿牧。次年風波復起。教宗閣助理致命陞天。

復過一年。崖路斯爲兵所弑。

無理而殺人  
多爲人所殺

法肋連繼位。初善待信輩不分民教。

天主降福其善。內享太平。外尅衆讐。西貝盎乘勢寫書講道化人。一面定善規治理內事。自尅身習德如常。聲名遠播於四方。孰知才德雖出衆。而聖道內有一端未能明達。聖教規矩。遇裂教人回頭奉正道。卽察此人領過洗否。若說領過。再察他領洗由正禮否。察得他昔日所附之裂黨由正禮付洗。必不復行聖禮。若察得那教之人所用之禮不正。必當復洗。或察不確其禮之正邪。必疑然復洗曰。爾若未曾領洗。我洗爾。因父及子及聖神之名。彼時此

道雖興。却尚有數處不明悉。比如加爾大我之地。凡見裂教回頭奉正道。不問他領洗與否。卽時復洗他。西貝盎鑒牧欲各方依加爾大我之規矩從事。東方有鑒牧數位與依同心。別方衆鑒牧與教宗則不然。於是爭論數年。究竟教宗集衆鑒牧。細察後斷理。隨諭各方令依上錄之規矩行事。西貝盎卽時心服。合教宗之意。

西曆二百五十七年。帝出示禁天主教。命辦信輩。致命者甚多。西貝盎鑒牧著書堅固各省之教友。勸之忍苦甘心殉身買天福。是年八月內。兵差解送鑒牧入總督衙門。總督問是否西貝盎總鑒牧。聖人應道是。總督問本城之鐸德藏於何處。聖人道。國例與聖教之法嚴禁指人名與官辦。予豈可犯此法乎。汝可尋之隨意。總督充聖人出城外畧一百六十里。聖人卽去。到此處頭

一夜得默示。知道隔年必致命。少焉聞得主教九位被拿解入山上銅廠苦工掘礦。乃寫書相賀相慰。那數位聖人回書謝情。信輩或憂或樂。鑒牧必同心。次年得回加爾大我。有許多異教貴人背地來見。勸往他方匿身避死。聖人不從。隨聞總督將遣人捉拿解他過魚地家城致命。聖人另擇一地而藏。並寫書與本屬信輩畧曰。予願在加爾大我。不願在別地致命。鑒牧在官堂所吐認揚天主之言。可謂是本地衆神父教友所出之言。且想加爾大我聖教之善得美名。我若由他處棄世去見上主。必辱爾衆。是以常求主賞我在汝中。而爲汝衆認識讚頌主棄世升天。汝衆細心守規誡。不要造次生事。不可自交於官。惟須待官捕拿而認主。求主教全汝衆性命。忠心事主至死。隔日總督過魚地家城。命提監禁之一百五十三人。逼問背教。否則死於石灰。

審。衆願死皆致命與審內。事畢。總督回加爾大我。聖人知之。出世不藏。總督遣一將駕馬車取聖人上車去城外十餘里。該將家內住着待審。城中異教與信輩聞風羣來陪聖人。是夜朋友數人與鑿牧同席用饌。聖人自自若若。勸勵安慰。說致命升天之福。次日九月十四。那將送聖人行半里到總督所居之鄉莊。衆朋友陪從。總督問曰。汝是西貝盜。聖人應道。是。總督曰。背國神之鑿牧是汝否。聖人應道。是我。總督曰。當奉聖旨祭神。聖人道。我不祭神。總督曰。汝當自慎。聖人道。汝有命只管奉命。總督商議同審者數員。然後說道。汝背國神已久。時時集多人與汝同惡犯國法令神怒。至聖之帝旨諭訓汝。悔過歸正。汝若罔聞。今日當以汝死儆衆正法。是以定案令刀斬汝頭。聖人喜色道。讚美天主。衆信輩聞案同聲喊曰。我輩願一同斬首。武將數員帶兵

解聖人出外行到鄉下陰涼之地。衆友陪送。聖人跪地。誦經後脫外衣交與六品輔祭。惟存白麻布衫。劊子手到。聖人以金錢數枚賞他。然後自取手巾蒙眼目。送雙手與六品輔祭。網縛。竟跪地禱曰。主。懇祈爾救我於今世之患。如昔救聖女德格辣於忠獸。說訖引頸待死。信輩週圍鋪白巾接血。少頃兵揮刀。聖人之頭落地。

時西曆二百五十八。華漢後帝三十五年。

衆信輩與朋友收聖尸敬埋在近處。聖教中靈牧之名莫勝於聖西貝益之名。世世讚頌。過兩年帝率軍敵波斯。爲波斯人所獲。殺後刮其皮存於廟內。殺人無理者死於非命。理所當然。

切想

西貝盜勿管路之艱難。汝務要行到天地主宰。

行到天地主宰乃認識敬愛天主。生死不離。此卽萬事之最要。此卽普地各人之正向。背者或男或女。或貴或賤。或富或窮。或君或民。皆自欺自害。其害無限。惟身後則可明悉。人生天地間。可比行路之旅。其路或長或短不定。而兩頭有天主。始則主賞他生活。交接人衆。令用各物行善。終則主問他交人用物行善何如。言行合主聖意。主卽收納入福。未曾認識主。或認識而不遵其令者。主棄之歸永禍。此乃世人不可免之光景。豈不當自慎哉。

西貝盜明人也。出於異教之家。始則從異教度生。惟圖富貴書名身樂。久之看書聽善人勸論。始知人非身死氣散之物。還須死後永生而禍福無疆。其福其禍皆由天主見善惡所定。以其聰慧才學考察。明見此道憑理無虛。便自

警曰。我當奉天主教。竭力行善。但人慾多端。世物多阻。西貝盎縛於多年之懈怠邪樂。而一時不能脫。不能從良心所指之正路。但常覺其責於心曰。西貝盎。西貝盎。勿管路之艱難。汝務要行到天地之主宰。究竟勝惡慾而領洗。盡心歸向主。竭力行天路。身樂不眷。世福不戀。惟望死後之安息。惟貴造物主之寵幸。且蒙主恩惠。心懷信德。而能格萬物之虛實。懷聖愛而自足。無所求於物。是以恬然自適。惟求通其樂於人。著書舌辯。勸異教奉聖道。固信輩守信德。或官示諭。或帝旨令。革聖道。西貝盎如罔聞。效從聖保祿。惟願終其役。奉其勸人之委。生死何足計焉。未竟官捕拿西貝盎。如昔之拿聖保祿。而西貝盎仁愛溫和。可比宗徒。異教奉教愛聖人之大義美德。而羣來陪送。聖人將死。而富貴貧賤從他。若將登尊位之人。衆友辦席。若與友餞行。聖人在

席上和平安慰訓誨朋友不自惜。令看者追念主耶穌將釘十字架而哀惜訓誨宗徒門弟。官定案之時。聖人惟應讚美天主。若言我路盡也。再待一時。我必到天地主宰之前。我願滿也。我福將至也。少焉在法場視劊子如開天門之人。而賞他以金錢。朋友眼淚奉陪。聖人訣別後毅然自蒙眼目。如自獻之犧牲而跪地引頸待死。究竟首斷。靈魂飛上主前受永賞。讀者當以聖人之德自壯。亦當以聖人之言自勵曰。勿管路之艱難。我務要行到天地之主宰。

省察 我或願或不願。當歸於天主審判受賞罰。現在壽之長短。地位之禍福不大緊。只須行善免永禍得永福。我知之麼。

定志 自今以後。我以聖西貝盎之言行自警自勵。百事之中只貴救靈魂爲



大事。

十七日

聖女依爾德安

童貞

西曆一千零九十八。華宋咨宗十三年。日爾曼與法國交界之地。某諸侯轄下有夫婦二人。夫喜爾德伯。婦默爾地德。皆族貴家富。有一女名依爾德安。此女孩時性善。獨愛聖事。父母細查其言行。得知天主有特恩賞賜此女兒。便欲助他善應主愛。時有諸侯之胞妹名如地達。隱居獨修。頗有德名。父母將女兒托之訓誨。依爾德安在此度生如天神。蒙主默示於心。時時神見奇事。神聞異言。且心想衆人亦有所見所聞如此。是以不時談叙。明提此事不瞞。老師聽聞大異。隨後幼女知覺別人與他不同。方纔禁舌不敢說。但操德愈切。而上主賞賜愈妙。如是三十年。依爾德安偕老師隱修。可比美花在深幽之林。無人目得見。而甘香薰佈四方。聖女年及四十歲。天主命之筆記所見。

所聞。聖女未曾讀書。是以畏懼不敢動筆。况所受的默示深奧。人言不能盡其隱微。是以推辭不奉上令。再過兩年。一日見若天開。有極光之火燄飛下其頭上而入其心。當時覺得明悟大開。聖學全備。通透古新聖經諸難處。此後雖復再受默示。而仍不敢筆記。天主罰他一身無力不能動。依爾德安恐懼。將此事細談與神父聽。神父在明士數人處求謀。然後命他試記所受之默示。聖女許如命。恰記數篇。覺得身力復原。遂著一部書。交與某院長察看。院長看後。稟馬央斯總鑒牧。時教宗歐日擲第三駕來得肋勿城。鑒牧以此事上奏。教宗委某主教與明士數位來依爾德安修道之處。查考其言行果如衆所傳否。主教等奉委轉來。奏以聖女之聲名不虛。教宗歡喜。令鑒牧數位明士亦數位會同查看其書。明士中有聖伯爾納篤

八月廿日

聖人細看此書

大悅。說其題旨非由人思而出。而與正道全合。鑿牧等所見亦同。教宗命寫書與聖女。勸以細心謙遜存守大恩無失。並准將來筆記所受之默示各端。此後聖女德名遠傳。有顯家之女十八人來從學。彼時如地達已卸世。依爾德安稟命鑿牧願造一院在聖陸白度山。隔馬央斯城鑿牧准之。完工後。依爾德安引衆伴來居此所。從本篤會規矩協力操善。諸侯之女亦入院修道。聖女在此受默示如前。時常神見若光亮。而光內看奇異。書上記此事曰。我自孩年時常見此光在我靈魂內。且不以眼目見之。不以心思推之。不以五官覺之。此光之模樣我不能言。但知其勝天日照雲之光。列位學士稱之爲活光之影。可比日月星辰之鑑於水。上主賞我觀各物各事。似像鑑於此光中。致我一目了然。我說各事所用之言乃我所聞之言。非聞之如人舌出之言。

惟見之若火若燄由光出而入我心。學士所稱活光者。我不時見之。但次數稀少。其模樣更不能言。主賞我觀之之際。我即忘却諸苦。惟似若變轉數歲。不知罪愆之女兒。聖女雖異見不斷。却言行如常人。未見魂超失覺。雖務外事。而時時留心觀內光。聆聖訓。依爾德安連年著書數部。講所見所聞之密事。解聖經與公義。所寫之書信。或答各方多人之問。或勸善。現今猶存一百餘封。其書之題旨奧微。言語似聖經先知之句。來見而問道者多。聖女見面。素能透其心之隱密。是以勸勵訓誨不左不右。而直言如所宜。

天主異恩賞依爾德安。時常以身靈之異苦練之。論身苦。則病痛至重。而世藥不可治。論靈魂之苦。則受魔鬼誘惑無息。時覺自矜自驕之意。可比撒膽昔日傲犯上主。時懷憂悶失望之念。似像地獄之惡犯。聖女晝夜如在波浪之

中哀聲呼號主名求助力禦敵。時時望慮怕依從了鬼而失主聖愛。衆魔見不能勝。只得縱其獸怒攻打。數次有天神手執若火劍來拯救。投羣魔下地獄。人中亦有不信聖女之德。時或背地誣訟他詐僞假裝聖人之言行而實無善。時而當面責他謊言騙衆。依爾德安忍聽不答。惟謙遜自認爲罪過不堪之女。但天主賜聖女以神權明証其德不虛。所顯之聖蹟醫病除魔多端。妄訟聖女之數人爲主所罰。只得認錯。纔息主怒。

聖女壽八旬得默示不久將身終。期到果然加病。領聖事而卸世去見愛主。時西曆一千一百七十九。華南宋孝宗十六年。墓前時時顯有聖蹟。

## 聖福樂瑟 致命

羅瑪安多尼諾皇帝年間。法國窩登城之地。總督法肋連嚴禁聖教。暴虐信輩。有十餘歲之幼童名福樂瑟。揚揚誦經不畏懼。總督提之來案。勒令背教。幼童不從。總督命綑縛於刑架鞭打。幼童忍受。謂刑役曰。天主乃我之佑。乃我之力。總督令加刑。幼童道。天主乃我之剛勇。汝枉自害我。總督命掌面。刑役如令。將幼童之牙打落。總督令投之在惡獅洞內。惡獅欲害。聖童禱曰。全能天主。懇祈爾佑我。言未訖。惡獅倒地而死。聖童跪地謝恩。刑役來報此事。總督曰。此童有邪法。可焚燒其身。刑役燃大火投聖童於內。只見雨下傾盆而火熄。總督復稱邪術。命用粗鉄針穿其舌與雙手。然後定案斬首。刑役引聖童到法場斬訖。

時西曆二百五十七。華漢後帝三十四年。

### 切想

或曰。聖女依爾德安自孩年蒙主挑選受異恩。不行常人之路。讀其言行與我。有何益。曰。信輩讀聖人言行。其當取之利。非效聖人受上主之異恩。惟是學從聖人善用天主大小恩惠。耶穌在福音上曰。我實告汝。若不更性。變氣爲孩。不得入天國。瑪竇第十八章三節可知操德有兩路。一則自小存守孩提之純善。生平不背聖愛。一則敗了此善。而專痛悔補贖。以復原孩性。依爾德安孩提神見異事。神聆異訓。乃主之異恩。上主特意挑選此女。而不選他人。你我不可問故。女兒於此亦無功。但年新月舊。女兒長大。恒存孩性。事主潔心。交人純善。萬物不眷戀。惟後世是貪仰。而上主之恩加增。時時賞他異見異聞。此依



爾德安之功也。聖女愈習小孩之行爲，主愈加賞賜異見異聞，致聖女雖老而自覺可比數歲不知罪惡之女孩。設若父母不托女兒於聖女如地達，恐女兒難保孩善。隨後年進十六七，女兒情竇大開，設若依爾德安不修道，不盡心制慾竭力勝誘惑，亦恐難保原善。原善不保，而主恩隨斷。主恩斷，而依爾德安必成不足奇之一常女。讀今日這數篇書，可記天主特選依爾德安之愛以讚頌，亦可念依爾德安應主愛之苦功而效法。可謝上主施恩之美意，可學聖女存恩之神力。吁，有許多孩兒，孩女受了天主非常之恩惠，若幸而存其善，可成大聖立妙功。但或因父母不善於教訓，或因孩兒，孩女年長懈怠於德，漸爲物慾所敗，而原善遺失。原善遺失，而恩泉乾竭，不但不成聖，且恐成惡而陷於永苦。豈不當慎哉。豈不當生平恒勉哉。

省察 天主隨意選人領受大恩。但各人存恩成聖，另須盡心善用主恩。竭力禦敵鬼魔避惡。我知之麼。 我受了天主許多恩而未會成聖。其故無他，因未曾竭力存恩習善。我知之麼。 現今之事，當盡心效學聖人操德而復昔日所失之原善。變還如孩。我知之麼。

定志 自今以後，我盡心善用主恩習德，望復所失之原善而救靈魂。

十八日

聖若瑟號古白定窩

顯修

西曆一千六百零三。華明神宗三十年。意國納爾多之地。古白定窩小城有貧窮夫婦二人。木工資生。是年生一子。取聖名若瑟。此兒可比昨日之聖女依爾德安。孩提時受主恩絕異。用飲食似像無味。與同年嬉耍冷落無趣。所愛或在經堂與聖事。或在家跪聖母像前誦經。稍長發蒙讀書。言語正實舉動端肅。但難進於學。朝夕思想聖事而心不空。書不能入。不時蒙恩超魂。雙目離書。惟向空中注看。老師見。不知其故而責他。若瑟受責後認錯許以發奮。但過片時心仍然飛去不在學堂。惟安想天主所賞他看之諸妙。七八歲患重病。用藥不聽。竟爲聖母所瘡。此後愈見歸向靈魂之事。視天國如鄉。現世如徙居之苦地。十餘歲奉父母命學皮匠。但在鞋舖如昔日在學堂。時時若

心不在眼。呆目定。手不動。工不作。受師傅與父母責罰。恒忍耐許改。而隔時仍然如初。年紀十七。聖德可謂精熟。但手藝至粗。出師無望。是年入方濟各會院打雜作粗工。時神病未愈。或掃地或担水。忽覺異感。魂超而跪地。一兩點鐘不起。或於飯堂供饌。然爾魂飛手鬆。竟而碗盞落地粉碎。老師罰他用繩套爛器各截。然後挂於身上。久跪在飯堂內。若瑟倒謙。遂受罰。但枉自許改。隔日新買之碗盤等器。落於他手。早遲難免不毀爛。究竟長上開發不肯用。此地另有一院。若瑟的母舅在內。母親去見胞兄。說家內實是難過。哀求用子作雜工。母舅視外姪如無用之物。但迫於胞妹之哀懇。乃納其子爲馬夫。若瑟在此數月。若問那馬每日飽食與否。我倒不敢答應。但母舅細察外姪言語舉動。早已覺他聖德超羣。遂稟上會憲。請准若瑟讀書入神品。會憲

批准。若瑟大喜。竭力讀書。一連四五年。日進於善。但猶碍於前阻。而學問始終淺淡。會憲不由才不敷而去之。惟因德有餘而留。若瑟年紀二十六。得陞神父。

此後操德愈妙。而所受之恩愈異。在外破衣赤脚。謙遜爲衆。隱士丐食。短句勸善化人。某年補修隱院。終日抬石背灰。自稱爲馱物之驢。雖辛苦無息。而飲食至賤至粗。五年之久。未曾嘗過麪食。十五年未飲酒一滴。惟用清水小菜扁豆而已。方濟各會規矩。隱士每年守大齋百餘日。若瑟以此爲不足。大齋之時。每七日內。只用食一次。或多則兩次。此外苦衣苦鞭。自責皮破血流。聽上士之命令。可謂無私情。上所願。伊亦願之。衆所愛。伊亦愛之。工課完結。卽誦經沉默以歇息。

若瑟全心全靈全意愛主。朝夕惟欲歡樂主心。一面天主賞他異見異聞。比昔日愈妙。時常魂超失覺身事。不時雙足離地。懸空中若無軀之神。一日聖七主日瞻禮六。經堂內備得有一墓。記念耶穌之慘死。衆隱士在墓前誦經。若瑟在數。忽見他離地飛在墓上久跪。不知不覺。神靈似像在天堂。聖方濟各瞻禮日衆。又見他飛上聖人祭臺上。或時見他在屋內離地騰空中。不動手脚而行。如至輕之物順風浮運。或在飯堂手執碗盤。魂超即飛上半空不動。彼時聖人之身似像變性。用針錐之不覺。以火燒之不痛。大聲呼喊不聞。但聽命之德猶存。只須上人細聲令他下地作事。而聖人即時如令。且見衆士圍住。只得羞愧滿面。自稱有暈病。病發即無可如何而失覺亂爲。聖人有病是實。但非肉身而實是靈魂之病。因出世以來原善未敗。靈魂蒙主恩受了。

聖愛之傷。竟爲聖愛所憑。而舉動與他人有異。或目見聖物耳聞聖語。或心思聖事。或天主顯妙與他見。愛病卽發於靈。愛病發。而靈魂竭其神力。向萬善之原而歸。時上主賞他若神其身。而身輕快畧似復活後之身。是以隨靈魂離地。浮行空中。如無實之形。惟願離此罪惡之塵世。而飛到衆聖靈見愛主之美所。

方中無人不知若瑟之妙德。是以常來求轉達。聖人每年所顯之聖蹟多端。或畫聖號於病疾身上。而病痊瘉。或因主聖名令暴風息。而風如令。或貧窮將缺食。而若瑟以聖號倍加其所有之飲食足數日之用。某年勸聖女加納會院之貞女曰。汝等細心熱切誦日課經。我明日遣一鳥來陪。次日衆貞女在經堂將要誦經。忽見一小鳥立於窓下。清聲妙唱。似像請貞女頌主。聞者覺

得心下愈加熱切。那鳥一連五年來此。喃唱未斷。某日一女不知何爲將他凌辱。此後鳥不見來。衆院女惜之。使人稟神父。神父早知道來歷。應道。誰叫你們辱我鳥。却勿慮過分。我再叫他來。那鳥果然復來。每日在經堂內妙聲讚美。主不避人。某日一女繫一小鈴在他身上。那鳥飛去飛來。叮叮噹噹不愛。遂不見來。再去稟聖人。聖人應道。我遣鳥在汝處唱經。不遣他搖鈴。隔日我命他再來。隔日那鳥果然來。迨至聖人奉命另行別院去後。鳥纔不見。讀者勿言此事小有碍於聖人之榮。此事雖小。却足証聖人與嬰孩之性相近。天主特愛若瑟之故。卽此也。一日在鄉下路行。忽見一鬼爲犬追逼。直直奔來。鬼更不疑。藏在聖人長衫之下。聖人雙手抱着。而竟救他的性命。每瞻禮七。聖人在某村小經堂集隣家農夫誦經。一日來此如常。見衆人在田裡四



散割麥。經堂一空。近處又見羣羊和和平平放草。聖人高聲請曰。羊乎羊乎。汝衆乃天主造成之物。人既不來誦經。汝衆可替他認揚主。話未訖。只見羣羊快奔來聖堂。聖人在門外明聲誦經。衆羊端然圍着。迨至經完。各羊仍然去尋食。

此時若瑟之名普聞於意國。方濟各會總長願衆會友得見而學其德。是以時遣在彼時委在此。某年若瑟在羅瑪從會憲朝見教宗。正在仆伏謙拜之際。魂超不覺事。眼日向天。雙脚離地。身在空中慢慢浮上而不動。教宗久看無言。末竟總長命若瑟回覺世事。聖人聞命如醒。卽時雙脚落地。羞慚伏於教宗足下。求赦失禮之罪。

魔鬼自然恨聖人而欲害。一夜若瑟在亞西色院聖堂內沉默。忽聞堂門咿呀

有聲而開。轉頭一看。見若有人穿着鉄鞋而進。片時堂內各燈皆熄。那人將若瑟抓着。鉄手夾其頸項。不能呼氣。若瑟心內自托於主。只見聖方濟各手執亮由墓出來。聖方濟各之墓在經堂內將堂燈點燃。魔鬼見。卽時放若瑟而奔去。又一日聖人在堂誦經。見本會一士進堂。來他身邊跪地。似像念經至切。聖人低聲謂他曰。請兄助小弟祈禱。言未訖。假士迅速立身。抓着若瑟。打他半生半死。纔放而不見。天主又准魔鬼誘惑聖人於內外。原來若瑟安享聖愛。心下悅樂。容顏喜色不改。一日忽覺內情全變。以前之志似像廢却。誦經意亂絕。不能歸主。欲發愛德而不能。默想耶穌苦難。見苦像。而心木無動。將做彌撒。卽覺心厭。望德亦無趣。不但不仰慕天主。而且畏懼欲避。邪淫之念。時時又絞擾不斷。魔鬼奇能設邪怪淫狀。現與他見。若有實之形物。若瑟朝夕受誘。

感若沉於海。哀號主前求救。而主遠然無應。異恩皆斷絕。聖人目無所見耳無所聞。正可比斷翅落地之天鳥。初則奇異不自在。繼則深覺其災患而愁悶無味。晝夜垂淚。自訟曰。我負了大恩。致惹主義怒棄我。痛得若瑟面上土色。雙目若瞎。但雖心無慰。而昏亂若絕。信望愛三德。却力敵鬼魔。願死不犯一罪。如是多時。自視如可惡之物。而實積功勞。比前愈多。究竟試畢。天主賞聖人照舊安平悅樂。奇見異行如昔。做彌撒如見主活身在祭臺上。時時魂超如在天堂。

且說若瑟之聲名震動意國。貧富常來求恩。會憲恐外來人多而規矩難守。或慮鬼魔誘惑若瑟。犯矜驕敗壞大德。遂遣聖人過山地某靜院。嚴禁外人與之通。但日復月新。信輩知悉聖人在彼。而常來求見。再換一地。而隔月四路

的人復來。如是數年。聖人隨各會憲之意聽令如小孩。年及六十。在窩西麼院患病月餘。忍受身苦而朝夕貪望見主。因不能獻祭。每日有神父來送聖體。聖人聞鈴聲。喜顏謂侍者曰。我樂將至。領聖體後沉默如不覺外事。九月十八日瞻禮三領終傅。喜色異常說道。妙哉天堂之福。奇哉天音。美哉天香。某紅衣主教奉教宗委來降福聖人。聖人道。蟻虫如我。豈堪領此大恩。遂下床跪地受降福。是日半夜和平而逝。

時西曆一千六百六十三。華大清康熙二年。

### 切想

聖詠載曰。主爾轉顏背我。我即失安。詠二十九節春氣溫和。天青日明。下地山鳴谷應。萬物若笑。但狂風驟至。黑雲遮日。霎時萬籟無聲。山水毅然。游者無趣。只

可進屋躲風避雨。人心之日光天主也。靈魂之溫和主恩也。天主密感於內。人即覺萬行至易。視現今無慮。想後事無憂。而神靈歡欣大安。但人事易反。只須上主自匿其顏。自斷其恩。而人心黑暗無光。劣弱無力。欲想而亂思無定。欲行而方向若失。尋覓天主而主似像不在。哀聲祈禱而朝夕無應。魔鬼乘此昏暗之勢。千方誘惑不息。人自覺如波濤中無主之舟。爲風吹去吹來。難免沉下。昔日之樂去也。心下無趣。百事俱難。視今觀後。皆納悶畏懼。正是聖經所載。爾轉顏背我。我卽失安。

此乃靈魂之重苦。天主以之練人。必有意。或見大聖。如今日之若瑟。恐其網落於人之讚頌。生矜驕自恃。自靠。而功德有敗。是以絕恩。令他明悉本力之不足。爲善。而倍加仰望於主。萬善之泉。並令此聖雖無味。却恒守聖志。而功勞

愈妙。或信輩回頭離惡歸善。天主素常先則施恩賞他有安慰以定其心。後則斷恩使他受誘感神苦。一面試他回頭之虛實。一面令他補贖昔日之惡而積功。

讀聖人行實各當自警。神樂神苦均不覺者。可信自己熱切不佳。功不足而無所賞。德根不深而主不試之。享神樂者不可自恃自驕。樂皆爲主所給。主又可斷之。自己或有微功。將來必受誘感愈重。而不知勝負如何。受神苦者不可心亂失望。天主暫轉聖顏自匿。若日之掩其光。只須效法聖人。不管有味無味。而時時恒善如常。早遲上主必復至。日光必開雲。彼時爾心安平。可欣然借聖詠讚頌曰。主爾將我泣涕。改爲樂。爾以泰安圍我。

省察 天主賞信輩以神樂。望他加心操善。信輩神苦。訓他勿自恃勿矜驕。我

知之麼。 覺得神樂。後必有神苦。覺受神苦。若恒容。後必加倍神樂。我知之麼。

定志 我恒心效學聖人。蒙主恩覺有神樂。必謝恩不自恃。不矜驕。蒙主准我神苦無味。我不廢志。惟恒行我苦路。哀求主勿斷恩於我。

十九日

聖讓努亞畧等

致命

西曆畧三百零三。華晉惠帝十四年。羅瑪國本也。方城鑿牧讓努亞畧之聖德。稱於四方。時弟約格肋斯爲帝。嚴禁聖教。主教不自惜。遊歷各處。堅固信輩。海濱碼頭彌塞納城。異教人甚迷於菩薩邪道。而憎恨教友愈切。此地有六品輔祭索削。年紀三十。才德出衆。朝夕訓誨衆人。絕不以風波生死爲念。惟以習善永福爲至望。鑿牧甚愛之。一日駕臨彌塞納入聖堂。恰值教友聚會。索削在堂講聖道。鑿牧蒙主照其神目。得見索削頭上射光如出火燄。並知道他不日必爲主致命。遂歡樂上前當衆恭賀。六品輔祭將升天之福。此事証二聖之功。一則享聖愛之火於心。而燄光出於外。一則心淨而蒙上恩。見此密事。合福音之言曰。心淨者乃真福。爲其將得見天主也。



越數日有人控案在制軍處。稱彌塞紉天主教中索削爲首。因才貌超常。頗能  
 蠱惑小民跟從。制軍命捉拿送到布得阿里城來。捕差如命。制軍坐堂謂索  
 削曰。汝素有才貌之名。茲看汝果知名不虛傳。但因傍人訟汝從邪教。汝當  
 祭國神自白。索削應道。予自襁褓入聖教。時時細心守規誡。豈可一旦廢志  
 而反正道哉。制軍曰。勿以身體之青年力強而自恃過分。若不奉旨祭神。我  
 用重刑之後。必投汝下獄受饑渴。那時汝恐始悔今日之固執。索削應道。惟  
 望事不如爾所料。蒙上主恩佑予不能敗於刑。監獄刀矛不能間我離吾天  
 主。昔日惡龍魔鬼巧言害得原祖吃菓失性命。已今蒙吾主之聖死復活了我。  
 爾雖是龍制軍雖狡猾誘惑千方。却竟不能勝我。制軍命刑役曰。可重鞭。訓  
 他不再犯本部堂之威。刑役依令。索削忍當鞭責不見變色。制軍道。此人假

作不怕苦。可投他下獄受饑渴。刑役如命。六品輔祭博故羅同有名信輩兩人來監看顧索削。並面責異教人不容物。譏誚他見好人不敬魔鬼。卽陷他於罪等語。早有人將此事說與制軍知之。制軍提索削同朋友三人來案。四聖受鞭責後一同投監。隔數日制軍卸任去他方。

且說讓努亞畧主教知道彌塞納之事。卽來此地顧信輩。新制軍放差捉拿解送諾辣城。在此問主教願否奉旨祭國神。主教應道不祭神。制軍命燒窰投主教於內。蒙主顯聖蹟。聖人在窰多時衣服不燒一線。頭髮不焚一絲。昔家爾得之帝見依臘爾三童出窰無傷。卽認天主全能而服。制軍不然。復提主教回堂命重鞭。致渾身之筋如斷。聖人喜色忍刑。本屬六品斐斯度與二品德西得聞風來諾辣入監與主教請安。制軍令捉拏二人同主教來堂。遂問

主教二人是否轄下之士。主教應道。然。一是六品輔祭。一是二品宣讀。制軍曰。伊等自稱天主教。是否汝輩惑他所爲。主教舉目仰天說道。予確望二人奉從聖教。不止以言而實以心。制軍問斐斯度與德西得以聖道。二士無懼色。明聲應答。並說願爲天主致命。制軍退堂。次日上車。命縛主教與兩士在馬傍。而御車出城。三聖在車前行到布得阿里城。制軍命投之監獄。獄中有索削同博故羅等三人。七聖相見大慰。主教曰。勉哉衆兄。協力抵鬼魔與衆鬼奴。上主遣我來此。惟願鑒牧與棧羊不相分別。勉哉諸兄。使萬刑不至。問我等於天主。主必佑我衆勝過讐仇。

次日通城士庶集在戲場。制軍命解七聖入場。少焉見七聖慢步行到戲場正中。一排並立。主教在中。制軍卽令場夫放野獸出籠。七聖抬雙手向天祈禱。

自獻性命於主。坐臺上之衆人寂然注看。籠門開處。羣獸如風奔來。忽見立定不動。霎時去惡變馴。行到聖人足前伏地示敬。衆民驚訝稱奇。並說此事明証奉天主教無罪。制軍恐懼。遣兵忙忙將七聖解出場去。同時定案斬首。恰將案宣讀。制軍招天主之罰。雙目失光。初則心怒忿恨而咒罵。次則想及纔見聖人馴野獸之能。便命送主教來。哀聲禱曰。求全能天主之臣助我轉達。使能復見日光。主教欲証聖教之真實與衆民看。乃跪地求天主顯聖蹟。究竟將手按在制軍目上。畫一聖號。制軍當時痊瘉。喜甚感德。軍民踴躍稱天主是真神。有五千人願奉教。制軍兩難。一面欲救聖人以報恩。一面思想逆御旨。必觸皇怒。叅官。况奉教者甚多。設若不用刑警衆。恐通城一時背祖傳。認識天主。遂令送七聖到法場斬首。少焉七聖致命。刀下升天。

現今聖博故羅等之聖髑在布得阿里城。聖斐斯度聖德西得之聖髑在白肋方城。聖索削之聖髑在彌塞納。聖讓努亞畧之聖髑在納玻里城。皆在經堂內。爲本方人世世所敬。而列聖隨機施佑。納玻里城外三十里有山。不時出火。時黑烟冲天成雲。細灰遮日飛散四方。坭石燒化成火江。由山頂流下。西曆七十九。華漢章帝四年。近山之地有兩城。是年山忽然出火。烟灰背日。化坭流下進城。人民逃奔多救得性命。數日後山火將息。天上微明。人衆回來。看不見一屋一頂。兩城與週圍之田土皆變成灰海。無奈只得去別地。隨後灰漸漸變坭生草木。過路者不考銅鑑。誰知路下埋有城哉。現今過一千八百年。皇上費庫銀若干。將塞蓋房屋街道之坭掘出。連開而古城復顯。城墻廟殿民房皆存。乃磚石所造納玻里雖隔山三十里。却居民亦恐懼。見山將出火。

卽求聖讓努亞畧轉達主前救城與人命。一千數百年來其望未虛。山雖吐灰坭至凶。然納玻里未見受害。

又有一奇事。當言聖人之骸骨尙存在經堂墓內。頭顱爲貴盒所裝。時放祭臺上以敬。有玻璃瓶兩個裝聖人之血。其血平時乾凝黑色。若將瓶顛倒。只見血附結於玻璃不少動。但移兩瓶近聖人骸骨來。卽見瓶內血化色鮮而搖動若火上之水。此乃時時衆人所見之奇。到今日未斷。

眞福依默爾達

童貞

依默爾達生於意國波羅尼亞城。自孩年純善異常。十歲輕視本家之富貴。求

父母命入多明我會之靜院。在此可比天神欽崇天主。朝夕無他想。惟事事考主命而奉之。以入聖堂爲樂。久跪祭臺前奉陪耶穌聖體。告以本心之意。靜聽上主之密諭。兩年如是。安平享其神福。所愁者年紀尙小。未能領聖體。而以切願時時告於主。

西曆一千三百三十三。華元順帝元年。五月十二日。耶穌升天瞻禮晨早。衆貞女在聖堂與彌撒。彌撒中皆領聖體。惟依默爾達不能領而膝跪在傍。兩行淚流美容上。眼目注視聖體。痛然祈禱恩主。問幾時哀憐准他與衆伴同席。福食永生之糧。愛情切極。心血由眼目湧出無斷。忽見聖體由聖爵飛出。直來依默爾達跪處。空懸於他頭上不動。衆貞女見奇甚。不知天主將顯何異。神父初見亦不免驚心。未幾或受默示。或自明天主聖意。乃下祭臺。以聖盤

接着懸浮之聖體而送與依默爾達領之。女兒面容全福，捧手埋頭謝恩。若要比之，則不像世間之女，而儼然天上從救世主之貞聖。過半點鐘，女兒仆地如深拜。久之，同伴見他不動，恐身不安，近他一問。依默爾達不應。貞女等只想他歡喜不勝而失覺，快快抬他進屋，置於床上，用藥欲令他醒。依默爾達面容福樂不變，目閉不開，身木不動，似像安然眠睡。果然眠也。但如此眠者，不再醒於世。依默爾達不覺而身亡也。主耶穌屑享其貞潔，躬親來接。靈魂久已從主飛上天去。臥於床之身，乃聖靈所住之美寓。衆伴貞女兮，可裝飾此身，手執送新人燈。昔日婚禮幼女數人，手執燈，半夜送新婦到夫家。八月廿一日切想。聲唱喜詠送之入墓，恭賀貞女得潔夫，讚美主耶穌賞賜貞德，以永貴之恩惠。



## 切想四續愛人之德

懷愛德本是願益人之意。此意發於人之志，非出於人之情。隨情愛人，非愛德也。心不覺情向某人，而願益此人，愛德之行也。本意覺厭惡某人，而恒願益此人，真大愛之行也。如是則朋友讐仇皆可愛焉。由之而推，愛人之德當時時超出本性。其超性之故，乃天主之命。或朋友或讐仇，我當不依情，而因主命，實願益其靈魂肉身。若獨因情而益朋友，則無功也。

愛德之終向亦當超性纔有功。作好事，須願幫助朋友讐仇與眾人善生善終升天。否則願益人以現世之好，而自無功焉。

愛人之德又當出於實。口說願益他人而實無此意，非德也。詐偽也。內意又當顯於行。遇便能益人而不之益，明示其意虛也。其德假也。

愛德須包含衆人。不拘何國何方。天主愛衆人如子女。耶穌稱衆人爲兄妹。善功分散普地各洲各國。願分者隨意分之。雖大罪無所不爲之徒。上主願他改志歸善。許他以永愛永賞。此真愛也。包含萬靈也。人心生來則從私意。內則自愛。外則順其本情。惟愛親戚朋友數人。如是則不成主耶穌之真門弟。真門弟須依聖師之善道寬擴其心。寬之足包含地球各色各種之人。擴之足愛朋友讐仇而願益衆人享永福。可知操愛德。人情必不足。以人情可愛數人。不能含萬靈。信輩當克本情。不牢其心於數人之愛。惟效學聖人願益天上父衆子女。如是則熱切信輩以血親爲小家。以萬靈爲大家。而廣其愛以包含兩家。日積功以益之。從此道者。可稱天主的兒女。在世孝學天上父。死後同享永業。

聖讓努亞畧等是主耶穌之真門弟。愛天下之人如愛己。願益萬靈以正道。風波不避。身死不畏。訓誨堅固。信輩如本家。剛勇忍苦。致命証聖教。其愛至公無私焉。

省察 愛德乃超性之德。出於志不生於情。要立功得永福。當從天主之命操之。寬擴其心。包含普地之人。朋友讐仇。願意衆人得靈魂肉身之好。善生福終。遇便當顯此意於行。我知之麼。

定志 自今以後。我依此道習愛德。此題未完  
看二十日

二十日 聖歐大覺 同妻與兩子致命

古書傳此聖之行實如左。

兩曆畧一百年。華漢和帝年間。達納讓爲羅瑪帝。此國東方有名人巴拉濟多。爵居將軍。深熟兵法。軍功蓋衆將。某年罷兵告假。引妻同兩小兒下鄉居住。府第寬大美麗。僕婢甚多。夫婦雖未曾認識天主。却賦性慈良。愛作善功。方中窮民無一不稱頌其德。將軍所悅。騎馬獵獸。一日帶僕衆入林。見一鹿高大非常。將軍躍馬便趕。但那鹿逃奔如飛。那裡趕得上。衆僕馬力不佳。逐一落後不見。將軍獨人奮然上前不丟。忽見鹿停步轉頭安視。將軍搭箭欲射。只見顯一十字在鹿頭上。兩角正中。並聞異聲責道。巴拉濟多。汝何故趕我。將軍驚然下馬。步行前進問道。說話者誰。命我何事。聲曰。我是耶穌基利斯。

督。由無而造天地萬物。以亮而分晝夜。以四季而定歲月者。我也。由土而造人類。以十字苦架身死而贖萬靈者。我也。將軍跪地祈禱曰。我信主。纔訓諸端。惟求再教。耶穌曰。汝若信。可見我鐸德求領聖洗。然後復來此。我另訓汝。將軍歡喜回家。將前事說與妻聽。並勸他奉教。夫人應道。吾夫此言是也。主耶穌亦曾發現與我。訓以奉教得罪赦之緊要。是日將軍夫妻與兩小兒領洗成了信輩。將軍取名歐大覺。妻取名寶比。子一取名亞葩。一取名德阿禮。畢夫妻卽領聖體。若望神父降福四人道。天主特恩招選爾等。早遲必授以異賞。惟望爾等在天堂助我若望轉達。次日歐大覺奉主耶穌之命上馬行到前日受訓之處。下馬跪地求教。吾主發現謂曰。汝真福也。以洗滌祕蹟領了聖號成了我棧之羊。茲我試汝以世間之患難。若甘心忍當辛苦。必成我

永世富貴之臣。說訖不見。歐大覺回家將吾主之言說與妻聽。夫婦想及將來之艱難不免一時心下愁悶。究竟效學耶穌在阿里瓦園向天父祝禱曰。父如可。願此爵去我。然勿遂我意。惟爾旨是行。便跪地將自己身靈並小兒家資盡獻於主。願百事奉主命。生死萬苦不辭。但求主隨機施恩扶佑。

是年夫婦家敗。田土爲他人強佔。財帛爲賊所搶。親戚朋友一時變情爲仇。二人自然不免疼痛。但以災難爲主耶穌先言之驗而忍當不埋怨。將軍一面欲奏皇上請調用。以昔日之軍功。以帝之寵愛。上奏必准允而前貴可復。一面思想現在之難。乃天主考他所致。其神利不可失。遂不上奏。惟願謙遜傭工以養妻子之身命。妻曰。吾夫昔日爲此方之富貴。不可屈身賣力在此。不如去他方無人認識之地。則傭作無碍。歐大覺然其說。隔日夫婦引兩小兒

離本地行到海濱碼頭上船出海向厄日多。船主爲人好色無良。見夫人青年色美。便起心不善。迨至歐大覺夫婦小子上岸之際。船主帶水手數人將夫人搶回船來。便開而出海。歐大覺在海濱痛然遙視而無法。久之船不見。只得雙手提兩子而入內地。次日行到河邊無船過渡。遂背一子下水便過。既到對岸。把子放下。轉頭回來取那一子。未到河正中。忽見一獅將小子啣去。歐大覺忙上岸追趕不見。又想及前背過河那兒。恐爲野獸所害。卽時下水來顧。忽然孩聲喊處。見一豺狼口啣子逃奔入林。父親心疼若狂。憤然上岸遊林尋覓亦不見。遂跪地哀聲祈禱曰。主爾言驗也。艱難至而極也。已今家敗人亡。惟存我在此。求爾助我忍耐忠信至死。於是全服天主聖意。行到有人戶之地。而傭工尋日用之糧。並日夜祈禱操德。名譽至善。十五年如是。

過十五年，夷蠻犯羅瑪東方之疆界，深入內地搶掠財物許多而退。帝令備軍伐之。且知巴拉濟多將軍深熟蠻夷之風俗兵法，乃推他爲都督，令帶兵去洗國家之辱。東方總督領皇旨問巴拉濟多將軍何在。轄下官員應道：將軍十餘年來未見，不知所居何方。總督遣認得將軍的武弁數十人四方去察踪跡。察出必重賞。十日內詢得巴拉濟多在某鄉村，改名歐大覺。武弁兩人來見，果然是昔日帥皇兵百戰百勝的巴拉濟多。但無大官之富貴而穿着如工作之人。二弁拜後，說皇上推將軍爲都督帥軍伐蠻之事，並將總督命尋將軍之通文呈上。歐大覺讀畢說道：皇上有令，臣當奉從。奇得方中人衆無不稱歐大覺之妙德，無不自恨無眼力，每日得見皇上一寵臣，藏在鄉佬之間而未能認識。地方官聞風來拜，並獻衣服行李盤費。歐大覺謝情拜



別卽來見總督。隔日帥軍入蠻地而勇謀如昔。數月之光景。將蠻國霸佔平  
息。

且說前十五年搶歐大覺之妻者。乃此地之人。搶後欲與夫人立婚。但夫人生  
死不從。蒙主保佑。賊不敢無禮。惟引夫人到本鄉。心想早遲事變而可如願。  
恰到本鄉來不久。天主罰那賊身死。夫人能自主。惟願回本國。但無盤費錢。  
又不知丈夫現在何所。無可如何。只得鬱鬱徙居外地。針黹養命。大德修身。  
十五年如是。不望見丈夫。兩子有日。忽聞羅瑪大兵將至。便心喜。或能順勢  
回鄉。未幾打聽得羅瑪軍都督又名巴拉濟多。又名歐大覺。遂思想道。都督  
或是我夫亦不可知。究竟兵至。夫人得見一將。問明都督是誰。查得是丈夫  
無疑。卽求那將助他見都督。有緊要之事相稟。那將稟上都督。說有羅瑪國

一婦人在此欲見而以緊要之事相稟。都督令傳來。少頃歐大覺正同大將數人說話。兵士來報曰。所傳那婦到了。都督無意之中轉身一看。忽然變色。眼目注定似像見已亡之人。夫人臉白無血。欲向前而不能。願言而無聲。衆將寂然不知是何事。未竟都督如醒大聲說道。夫婦間離十餘年。蒙主恩得復見。遂優禮請夫人入帳。二人垂淚後心下少定。問以相離後之情形。兵將聞得此事。歡樂來恭賀都督夫妻相見之大喜。

喜果然是喜。但夫人問及兩子。都督只得照實談其兇死之苦情。母親心痛雙目如泉。丈夫以信德相慰。說兩兒雖慘死。却尙在孩年無罪。久已升了天堂。將來可再見同福。夫人然其言。惟服本意在天主聖意之下。願苦在世。望有賞在身後。誰知天主另屑賜夫妻以大無比之樂在死前。

是日通營知道都督夫妻昔有兩子在孩年。一爲獅一爲狼所食。某大將聞言來稟都督曰。卑職轄下有少年將二人。年畧二十歲。昔日爲人救脫於野獸之牙。二人莫不是都督之少爺。都督應道。兄所言兩將之年歲與弟小兒之年畧同。可傳他來。查是何方何家之子。少頃見二少年身高力強玉貌亭亭而來。兩相彷彿並肩入都督帳下。拜後端立候令。都督默然注看片時。歡然自想道。四五歲之孩成人雖有變。却細看這兩將。而面容似像猶存我孩兒模樣之影。遂問原籍家族。一將應道。小將無家無父母無兄弟。昔在孩提於某處河邊爲忠獅所啣入山。鄉佬數人看見捨命把小將救活。隨後在他家內長成。到十六歲投軍學武藝効國。那一將亦稟道。小將與此朋友同鄉。但隔大河素不相識。小將亦無親。昔日年方三四歲。爲牧羊之人拯救於豺狼

之口。隨後同恩人牧養牲畜長成，並習武操打。去年入營得陞爲將。二將所言長成之地，恰是都督矢子之地。兼之年歲相合。都督自想道：二少年必是我兒。但此事不可輕忽。候再查的確纔說。遂好言撫慰兩將而放之。直來見夫人說此事。夫人說道：我兩兒身上生有瑕癥，一在某處，一在某處。查得兩將有此記號，卽是我兒無疑。都督再傳兩將，請開上身之衣。果驗有瑕痕如夫人所言。遂認他爲子，叫他去拜母親。喜得二將如再生。拜父母後，互相拜認爲弟兄。四人如在夢中怕醒，垂淚互相注看而無言。迨至心定纔把十餘年之苦情訴了一番。究竟跪地感謝上主患難之中救父母二子性命，賞賜今日之大樂。各營聞信無不恭賀都督夫妻兩兒之福。

彼時皇帝崩駕，亞弟央繼位。歐大覺引手下數將與家眷來羅瑪京報捷。文武

軍民出城迎接。帝設朝賀都督之功。並示諭文武上廟獻祭謝平東之恩。次日歐大覺同衆大臣從帝到廟門外而不入。祭畢回殿。帝問都督不入廟之故。都督應道。臣所敬天主也。臣每日祈禱主前謝恩求保護國家與陛下。帝怒罷朝入內。次日命都督背天主教敬國神。都督奏道。陛下有令臣必奉之。惟有犯天主命之事臣不能從。帝愈怒。命投都督全家四人在戲場死於野獸之牙。城中士庶聞言奇甚。但無人敢言。刑官如命將四人解送入場。命放惡獅數頭。獅將野性變馴。到四人足下伏地顯情。示人之不帝見獅不傷聖人。命用鉄獸。當知彼時與鑄銅牛。內空足裝一人或數人。背上有門能入內。由門可放人下其肚腹。脚下又可燃火而焚死之。帝命用此刑辦都督家四人。刑役送四聖到銅牛立處。將要動刑。歐大覺祈禱曰。主。爾昔日艱難試我

四人無有不甘受。茲我夫妻與兩子願殉身命於爾。不背。懇祈爾勿棄我等。惟屑享此祭。賞賜我等同爾。衆聖受永業。禱畢入牛肚內。妻與兩子跟從。刑役閉門。燃火便走。次日火熄。銅牛已冷。刑官命開門。料四人必焚化無存。牛門開處。只見四聖在內。似像眠睡。取之出外來。查得四人身死。但渾身無傷。異教稱奇。有許多奉教。信輩把四聖之尸。抬出城去安埋。隨後城中造一經堂。將全家之墳遷在內。現今聖堂猶稱爲聖歐大覺經堂。內有四聖之聖髑。時西曆一百一十八。華漢安帝十一年。

切想五續愛人之德

據前言愛德。包含衆人。親戚與外人。朋友與讐仇。設若恨一人。愛德卽不存於心。愛親戚朋友。以本性之情。不足立功。尙須善其意。而因天主所賞親戚朋

友之各美善愛之。另當竭力助他救靈魂以實此愛。論讐仇與庸常衆人。雖不愛之以情。却須自勉自強。願意益他靈魂肉身。遇便當助他於各樣艱難。再者上主造萬物有次序。令人操愛德亦有先後上下。父母當愛在萬人之上。父母以下夫當愛妻。妻當愛夫在別人之上。夫妻又當愛兒女在餘別人之上。愛兒嫌女者大反愛德。兒女以下當愛弟兄姐妹。姊妹以下當愛親戚。親戚以下當愛朋友。朋友以下當愛熱切信輩。熱切信輩以下當愛冷淡者。冷淡信輩以下當愛異教人。本國衆人以下當愛普地餘別衆人。以上的次序只定愛人的先後。不關愛情的輕重。比方愛兒女之情似乎愈重。却在危急當先救父母然後顧兒女。

懷愛德的信輩不可忘自己靈魂肉身。靈魂當愛在普地萬人或親妻朋友之

上。勿要因親朋妻子兒女而自陷於罪於永罰。否則非愛德。乃邪愛也。論肉身。我等不可姑息而愛之過分。致從其邪慾行惡害靈魂。惟須愛之以德。何也。曰。愛身。當因他是天主所賜與我等同靈魂。積功在世。而後同靈魂瞻閱天主享其福在天國。愛肉身以德者。學賢母之愛小兒。時常細查其言行。不准他放肆。惟引他習善避惡。懷愛德者。不可因救他人而失自己靈魂下地獄。但遇危急而爲親朋國家捨命死於危者。不但無罪。反且有大功焉。或問。我見一人性命在危急。我或能救之。但有大厄危。若去救。恐性命難全。我有責任去救麼。曰。汝本無責任。但若望救他而冒厄危去救。必有大功。若不遂意而死於此危。天主臺前汝功愈妙。若望救仇人而失命於危。汝功則大無比焉。



省察 愛己愛人有規模有次序。好信輩當依此規行其愛。我知之麼。

定志 自今以後。我依天主所定之規模次序愛我靈魂肉身。親朋國人萬靈。

此題未完  
看廿一日

二十一日

聖瑪竇

宗徒聖史

瑪竇亦名肋味。出於如達國加理肋省。幼時讀書。從每瑟古教。時如達乃羅馬之屬地。瑪竇買一收稅之職。助羅瑪總督收稅。特此爲本地人憎恨。或難免勒索不公道亦主耶穌能識人之心。目擊瑪竇並知其將來之善。一日過路。見他坐稅關。慈顏命之曰。從我。並特恩光照其心。感動其情。瑪竇不稍疑惑。離稅關職任而從主。此後同伯多祿若望等。每日敬聆聖師之訓誨。習善操德。主耶穌升天後。瑪竇同宗徒門弟等。領受聖神。智識全備。神力健壯。在日路撒冷。集如達各方之人。講道理。見奉教者日多。恐信輩以耶穌言行互相授受。久之不免差謬。是以筆寫一書。畧記吾主所出之言。所行之事。現今所稱福音。聖瑪竇撰是也。

宗徒們分散各國傳道之時。瑪竇南面行到厄日多。善禱聖蹟化人甚多。竟行東南入厄弟約彼亞國京都。皇殿內之信輩不少。乃聖斐理伯日前付洗之。太監五六月所訓誨。是以宗徒能入皇殿。城中能傳道隨意。有巫師兩人顯怪。欲阻止士庶奉教。但宗徒以聖蹟勝過巫師二人。衆見愈加信服。越逾多年。太子患病身亡。王以無嗣繼位而大痛。臣上奏說宗徒神權能復活亡者。王召宗徒入朝請顯此聖蹟。宗徒誦經後命亡者復生。亡者當時如醒。下床無恙。特此王與后及太子公主皆奉教領洗。公主意斐日尼願守貞不嫁。宗徒許之。公主同幼女數人共居一屋。貞守誦經修道。通國士庶多半認識天主。領洗。宗徒乘勢各方陞主教神父立經堂訓民。

不幸國王崩駕。親王異兒大各廢新君篡位。並欲娶公主意斐日尼爲后。公主

不從。王召宗徒來，請勸公主嫁他，卽后位。宗徒不但奉命，而且勸公主恒守聖志。公主謝教，願死不從。忠王怒，使人入經堂，將宗徒殺死。以後之事，受廢之王與公主之生死如何，皆不可查。

若納 先知

若納乃如達國人。生在耶穌前八百餘年。周宣王年間。聖經列其名於十二小先知之數。時如達之東方亞西里亞國大興，以尼尼福爲京都。此城至大，週圍固牆高十丈，厚畧三丈，嵌以二十丈高之塔一千五百座。城內民繁而富，朝夕事樂。一日天主默示若納曰：汝去尼尼福講道理。尼尼福之忠上至我

前。若說此城居民罪重若納不願去。遂背命下海邊若北碼頭上船出海。欲逃外地。天

主使颶風亂海。船主見浪至凶。命棄貨下水。並在菩薩前獻祭求救。時若納高枕安睡。船主把他喊醒道。起來。祈禱汝天主前。或能施佑。少焉見風愈猛。船不能勝。乃聚衆人拈鬮。看是誰之罪。觸天怒而陷衆。鬮判指若納。船主問道。汝何人。由何地。欲到何方。所犯何罪。若納道。我如達人。特敬造天地風海之天主。因不願奉主命去尼尼福講道理。特上船欲逃遠地。船主道。當何爲。方見風平息。若納道。棄我沉於海。風卽平也。船主祈禱曰。主。此艱難乃爾所致。勿歸此人之血於我。遂命捉拿若納拋之下水。當時風靜浪息。

且說天主備有一大魚。接着若納在口中而吞之。若納在魚腹如在黑獄三日三夜。蒙主全能保護不受傷不死。惟痛悔前罪求主寬恕拯救。第三日天主

一命。魚近海濱，將若納吐出堅土上來。

若納魚罪住三日在魚之肚腹表意。天主聖子背負萬靈之罪死而埋三

日之久。天主又遣他曰：汝去尼尼福講道理如我所示。若納奉命去。既到，即入

而通日遊城，大聲喧喊道：再過四十日，尼尼福必滅。城民信服。話傳到皇殿

內。帝即時棄皇服，著苦衣坐灰上。

補贖之狀

並旨諭通城曰：自人至畜牲，凡在尼

尼福生活者，務須守嚴齋穿苦衣。人衆當哀號於主求寬宥。或見主息怒不滅我衆。士庶奉命守齋著苦衣，尅身補贖，哀求罪赦。天主鑒君臣士庶之改變，乃息怒。

且說四十日內，若納遊行各街，宣告城將滅之言。到第四十日，出城外安坐。等候艱難之至。因覺天氣暑熱，欲尋陰涼之地。天主特生一葦麻樹，片時長得茂盛至極。若納喜，納涼於下。但見日期過，天罰不降。尼尼福城無恙，即覺心

下悶倦無趣。說道。主。今日之事正如僕日前所料。僕欲逃遠地不來此。因知

道主慈悲仁愛。惟喜寬恕罪惡故也。

看切想便可明  
先知怨言之意

茲懇求爾取我靈魂。我

生實實不如死。天主應道。汝發怒其有理乎。遂生蟲吃葦麻樹根。樹當時落  
葉而枯。少焉若納在日下焦頭難支。埋怨那樹之凋卸。說道。我生實在不如  
死。天主責道。汝怒葦麻樹之死其有理乎。若納應道。僕理可發怒至死。主曰。  
汝雖未曾費工生養此樹。却見他乾枯難捨而出怨言。尼尼福城內不能分  
左右手之嬰孩不下十二萬。無辜之牲畜又無數。我難捨他死而寬容。其不  
至理乎。

若納以後之言行無由考查。其死在何地何時亦不可知。此章事錄可信爲本  
人悔日前背令發怒之罪所記。

切想 六續愛人之德

爾當仁良如爾父天主之仁良。路加六章三十六節人而爲父母其眷愛兒女之情深重不可測。豈不常見爲母親者雖知道子行惡。雖受其辱罵搓磨而恒一愛之。見子遭艱難必竭力救之。區區一人可懷情愛如是。而天主至大無限之愛何如其愛也無量。其慈也無疆。且普天下之人乃天主之子女。皆爲天上父痛愛。無一出此妙情之外。異教棄主敬鬼魔。主見雖不悅。却仍然愛異教。信裂教各端者從邪背正。天主雖目厭其事。然亦愛裂教。聖教衆信輩犯規誡者多。天主情雖義怒。却時常息怒愛罪人。此乃信輩當效學之正愛。以順從主耶穌訓誨之言曰。爾當仁良如爾父之仁良。

但見許多信輩不但不效天主無限之愛。以寬擴其愛。反且欲以自己的窄愛



而滅奪天主聖愛。若納之時。如達人自稱爲天主所招選之民。心想將來救世主降生後。獨有如達人沾恩。異教衆國或將滅或爲如達人所征服。若納雖明人。却心意與同時之人無大異。是以天主有命去尼尼福講道理勸民悔罪補贖。若納即自想道。尼尼福乃異教大國之京都。早遲與我國有曩而害我民。我去講道理。恐士庶聽而痛悔。痛悔後天主必寬宥。不如不去。則民不行補贖而天主必滅他。一則他不能害我國。一則我國見而倍加靠望上主。遂背命遠逃。若納雖痴獸如是。然天主不棄他。乃顯大聖蹟而強他過尼尼福去。迨至君臣士庶痛悔尅身。主赦其罪不罰。若納尙不知此意。出城遠看。惟願見地開而吞下此城人民牲畜。一時欲萬萬人身難凶死。自己又不

能當日晒之小苦。天主憐惜生草麻樹遮日。此乃訓他愛惜人之聖蹟。若納

不明主之美意。在樹下納涼。仍待大城之滅。竟知天罰不來。而復再狂言。責天主慈悲過分。主不怒。惟使蟲齧葦麻。片時落葉。若納心下。愈加不平。怒葦麻樹之乾枯。時天主以仁父愛物之言責他曰。汝雖未曾費工生養此樹。却見他凋卸而不忍。尼尼福城男女數十萬。不知事之小孩十餘萬。皆我生養之物。豈不當憐惜哉。正慈言也。正可愛之父也。可信若納得會天主之美意。而心服認主。非一人一國之父。乃普地萬國之共父。

勸爾信輩亦勿由私心私利。料天下之事。勿學從小人。怪天主不顯全能降災難。罰異教裂教等。每日祈禱轉達。勿獨思想自己的親友恩人。本堂本國。勿視他洲他國之靈。如不干於爾之外物。可遭艱難滅亡無碍。勸爾寬擴爾心。效天上父之心。視四海之人如至親。每日懇求主降福普地。聞遠地被難必

爲他求免。見主保存罪惡施恩於衆異教裂教。必喜悅佩感。不求全能天主顯能除無義之徒。惟求天主倍加恩澤於左道之人。望他感動回心歸善。如是則效學天主愛人容物之仁良也。

省察 或時見異教裂教背正道害信輩之事。我學從若納埋怨天主不罰某地某國麼。思想人類與萬物皆吾主所生造。我效學仁主愛人愛物麼。見外人在艱難。憐惜了麼。見他受福。歡喜了麼。

定志 自今以後。我寬擴我心。效學天上父仁良愛人容物不分彼此。見人苦必憐惜。見人福必歡樂。每日祈禱必求天父施恩於衆。使善者存善。惡者改

惡。此題未完  
看廿四日

二十二日

聖多瑪斯

由未辣諾瓦

主教

多瑪斯乃西班牙國多肋多省富家之子。出於西曆一千四百八十八。華明朝弘治元年。賦性聖善。愛誦經學聖道。效從聖人。尅身苦衣苦鞭等功。以行哀矜爲大樂。時常引窮苦來家。給其所需。甘心受餓以食他人。或時見過路者。露體無衣。卽脫本身之服以衣之。父母仁德不俗。見兒自幼習仁愛。如是大喜。每每助他行善。多瑪斯十二歲奉命居亞爾家納城操各學。年及十七喪父。喪事後勸母親造一病院。母親依言。完工之後來居此院。日夜顧病人。扶侍湯藥終身。功德傳於後世。多瑪斯卒業後在亞爾家納教格物。一兩年之光景。大樹才學舌辯之名。但無心於世事。獨重聖德功績。是以棄門生過酒。納慢格城入聖奧斯定會隱院修道。

守規矩尅身之外。多瑪斯在此習聖學操愛德愈精。同院之士患病。多瑪斯朝夕在他身邊看守。凡不拘何事。言行至柔至慈。許愿後陞神父奉命在本城大學堂教公義書。並在各聖堂講道理。此地多年以來未曾見異才異德如是之神父。信輩爭先入經堂來聽。城鄉風俗改正。棄世務入院修大德者甚多。帝嘉畧第五聞風召多瑪斯來朝講道理。聽後歡喜留住身邊。推爲朝廷宣講之鐸德。多瑪斯不求虛文樂耳。但跪苦像前深默切禱之後上臺。時常說。欲奇學華詞驚人者必難燃聖火在其心。不如祈禱主前自熱本心。則所出之語如火箭。所中之心神易生火而燃。或時聖人在臺上講救世主生死愛人無限之情。而聖愛發於本心不能止。是以魂超言斷目定。惟眼淚下垂如泉。以內情之顯於外。雖不言。而感人勝言百倍。某年耶穌升天瞻禮。說間

魂超。自晨早至午下五點鐘纔回覺。見者無不感化。遠近聞知倍加信德。聖人在外大功如是。本會衆士悅樂示敬。連年推爲數處院長。多瑪斯在任賢智過人。待士柔而不弱。嚴而不猛。頌其德。不令他生驕。責其過。不使他喪氣。况蒙主恩光照。素能透各人心思。而照其密情。出言見士冷淡犯規矩。卽歸罪本身。而苦鞭自責。並吐肺腑之慈言善勸。冷淡者知情。難以不感化歸善。帝寵幸多瑪斯。欲推爲主教。聖人哀求。初次得免。過一年。帝推聖人爲瓦能西亞總主教。聖人無可如何。只得行陞鑒牧之禮而上任。時年紀五十六歲。聖人當鑒牧。改裝不改心。府第寬大美麗。但家俱平常。待客合時宜。而燕居私處。則飲食粗薄。視本屬如家。朝夕設法拯救。駕臨各方講道理之外。又委神父數位訓小民。各堂開貧戶名單。細心存留。隨時遣人賜衣食等件。或賞銀

錢助父母送兒讀書嫁女。富貴人敗家無靠。主教背地施濟。總之凡遭身靈之艱難者。幸而使聖人得知。必獲恩佑。論背善從愆之罪人。主教可謂是法用盡以化之。誦經尅身爲他祈求而尋便提醒他回頭。或時引他入本府書房內。善勸後自脫上身之衣。手捏鉄鞭自責。至紅血淋漓濺地。罪人心不能支。無不跪地求主教自惜。許改過自新。慰鑒牧之慈愛。

彼時教宗旨諭各國鑒牧聚於奧國德里登東。會同議普地聖教之事。聖人切願赴命。但身弱多病不能如意。本國各方鑒牧赴會由瓦能西亞過路來拜。聖人無不稱其能奉教宗命之大福。衆鑒牧上船出海向東行。忽起大風。海水滔滔勢危。但見瓦能西亞鑒牧發顯。手執權棍立於船頭。一令而浪靜風息。

聖人雖妙功如是。而時常憂慮。恐難過天主審判。惟願棄位入隱院預備善終。年紀六十七。聖母取潔瞻禮誦經之際。聞得苦像出聲說道。多瑪斯不必憂。再忍數月世苦。聖母聖誕之日必受官。是年西八月二十九日患病。歡歡喜喜領祕蹟預備大事。便問當家尙有銀若干。當家算後應道。尙存五千兩。主教命散濟貧窮。次日問散盡否。當家說尙有一千五百兩未散。主教道。可即時尋貧戶而濟之。貧者乃我在主前之中保。其數愈多。其禱愈靈。當家問曰。主教之家俱當作何用。主教應道。請施與某處學堂作用。我床賞賜某人。遂傳此人說道。此床已今是汝之物。若不願我睡在上。我就下去臥地待死。聞者難禁不下淚。未竟聖人禱曰。主。我將爾財濟盡無存。我實心貧而終。九月初八聖母聖誕命神父在臥房做彌撒。彌撒後和平棄世升天。



時西曆一千五百五十五。華明嘉靖三十四年。

貧窮哭之如父。隔日良友二人不捨主教之死而悶倦。聖人發顯慰曰。爾等不但不該憂悶如是。且當歡喜我離苦就全福。隨後連年顯聖蹟甚多。通國世世靠望求轉達。逾過三十年遷墳。見屍如纔死。西曆一千六百五十八。教宗亞立山第七登其名在聖人之冊。

聖貌理爵將士等 致命

西曆二百八十六。華晉武帝二十年。羅馬帝馬濟密亞諾帶大兵由法之東方過。九月間行到馬爾地泥城扎營。並旨諭轄下將士尋拏本地之信輩以殺

之。兵中有一軍號曰特白。厄日多軍之名城以貌理爵爲大將。厄蘇伯落與甘弟度斯爲副將。手下兵弁。其不知名共六千六百人。皆認識天主從聖教。是日聞旨不但不奉令。而且揚言信輩是良民。皇上不該分彼此。惟須一視同仁。早有人將此事上奏。帝聞兵中有信輩。勃然大怒。帝身力可比馬牛。虐性可稱虎狼。卽時傳特白總將。問不奉旨之故。貌理爵敬奏特白軍將士皆欽崇天主。不能暴虐同信無辜之良民。帝愈怒。令異教軍兵殺特白軍中十人之一。時特白軍扎營於谷中。近亞我肋城。貌理爵回營勸兵士恆守信德不辭死。衆應願死不背主。少焉異教軍到。總將宣告君令。務要特白軍奉從。否則殺十人之一。特白軍六七千強兵若動干戈。勝之必難。况爲性命從事而以一人當十。但將士無反亂之心。衆人一聲答曰。不奉令。隨帝核奪。總將把十名之中呼點一名。着點

者逐一出陣外自獻便斬。餘衆目覩各在各地立定不動。六百六十人斬訖。總將問願否奉令。衆應不奉。總將去復命。

貌理爵等亦上奏畧曰。特白軍將士本是陛下之民。亦是天主之僕。臣等事陛下每每捨命守忠。亦須敬天主而畢命於信德。陛下賜臣以俸祿。天主賞臣以性命。陛下之旨不反天主聖旨。臣等必奉從如昔。否則從上主而逆陛下。

投營誓信

羅馬人投營當將士須誓生死忠心効國事帝

之先。臣等領洗許過守天主命之愿。今日

若背逆上主。陛下豈可恃臣等爲忠士。今日背天主。陛下豈可信臣等日後不逆國君哉。陛下設若用臣等攻國之仇。臣等不問其數必攻之。若命臣殺天主之僕。虐無辜之男女嬰孩。臣等不能奉。陛下旣尋信輩以殺之。臣等皆信輩在此。何必他尋。臣等信敬造天地之天主。奉從其獨子耶穌基利斯督。

昔日同僚朋友等恒守信德斷頭致命。臣等見不畏懼。惟喜心慶賀其剛勇。惟願效從其德。非臣等二心反叛。臣等不能動器械。陛下或用百刑。臣等甘心忍受。不肯信德。生死必欽崇天主。帝覽奏。獸怒填胸。令異教各將帶衆士圍着特白軍而殺盡。貌理爵在馬上遊行各隊善勸將士致命勿戰。六千將士一齊拋器械脫盔甲和平待死。少焉。號聲大作。異教數萬兵四方上前。片時將特白軍殺得聖尸橫野。善血成河。衆將士靈魂成妙軍。同上至主前受永賞。

是日帝施酒肉大犒三軍。有一人名味多爾由營中過路。昔日當過兵。現今年老離營在鄉下。營中兵士邀他上席。味多爾問今日有何大喜。兵將前事談叙一番。味多爾慙然離席便行。兵問道。看來你亦從天主教。味多爾應道。不

錯。我正是信輩。兵即時拔刀將他殺死。味多爾雖不是特白軍之士。而從衆聖升天。

一千六百年來特白軍衆聖有名在聖教。各時各地之信輩敬愛不忘。奉教將士敬聖貌理爵爲主保。

### 切想

依撒依亞四十九章十七節曰。着義爲甲。聖保祿致厄弗蘇人六章十節勸信輩云。汝等當着天主所備之戎裝。使遇敵能戰。須束汝心以真道。着義爲甲而寤。

昔日陣戰。各軍以石矢刀矛相攻。將士帶盔甲可免受傷。聖經視人生如戰。是以設喻勸信輩武備束心以道。着義爲盔甲。許善用神武者必勝而得永賞。所言之義何也。義乃四大樞德之首。引人敬神交人如所宜。考察古新聖經

各本天主明是肇造保存掌管天地人物之總父。昔日刻善惡之法在人心內。日後見人心變惡。接續遣先知正世。究竟委聖子耶穌來世訓誨普地人衆。以敬主愛人行善得永福之正道。自此以來各洲人人當學習此道。習者義。反者不義。

或曰。我結交人仔細別上下而行所宜。誰說我不義。曰。交人以所宜乃義德之一分。非義德之全。得其全者欽崇天主守規誡。而以正禮待衆人。又曰。我善交人之外。尚信我國我家所信之神。而依祖人之禮敬之。豈不足爲義哉。曰。不足。普地之人所當信敬之神惟一。卽天主。從別教者背人類之共父天地之真主宰。其義無本末。

今日之貌理爵等正是世間之義士。當將士効力愛國忠君。但君上欽崇天主。

君旨諭殺害無辜。將士明知此命犯天主上命。是以逆君旨不肯背天主之令。君怒欲殺。將士奏曰。投營誓忠君効國之先。臣等領洗許奉從天主誠命之愿。今日若背逆上主。陛下豈可信臣等日後不逆君乎。正金言也。真明義之士也。義當全則實。不全則虛。爲臣而欽崇天主。確信將來過審判有永遠之賞罰者。斯人生死必止於忠。不欽崇天主不信審判與後來之賞罰者。其義不實。隨機必忘忠而從私焉。

**貌理爵等**聖道明通。行爲合理。是以着義如盔甲而臨危不懼。義於天主而願殉命不背。義於國君。雖被殺無理。却甘心拋器械自獻於刀槍。但身體可殺。聖靈爲義所固不可勝。聖人在亞我肋戰場靈魂離殘身升天。在天神萬軍之中合成一新妙軍於天主位前受異功之賞。聖人聖女慶賀唱曰。爲義而

被窘難者乃真福。爲其已得天上國也。

省察 要救靈魂升天當懷義。義又當全。交人無過不足。還須欽崇天主無缺。我知之麼。 義於上主者必義於人。不義於主者不可保他久義於人。背主者見利必背人。我知之麼。

定志 自今以後。我細心操義德。義於天主以守誠命。我必義於人。尊上愛下。不犯。



二十三日 聖李律士 教宗

李律士是羅瑪國縛納得肋人民。從聖伯多祿爲師。因才德可稱。入神品陞鑒牧輔宗徒理事。西曆六十七。華漢明帝十年。聖伯多祿致命。李律士繼教宗位。管治聖教十一年。記聖伯多祿言行之外。令婦女入聖堂須戴頭巾。陞鑒牧十五位。鐸德十八位。末竟九月二十三日致命升天。埋於聖伯多祿之側。西曆一千六百三十年。教宗命整修宗徒之聖墓。匠人拆舊牆掘出古墳一塚。墳上刻有名曰李律士。乃聖人之墓也。

聖女德格辣或書德加辣 童貞致命

聖保祿宗徒在羅瑪國里高坵省依各坵城傳教時。城中有異教幼女德格辣。

年紀十八歲。許與某家之子爲妻。聞得宗徒所講之新道甚善。暗地同別家婦女來聽。竟認識天主領洗許愿守貞不嫁。未幾聖保祿爲官捉拿投監獄。德格辣愛宗徒如父。切願安慰其心。遂將首飾變賣。賄賂獄官。同信輩婦女數人來見宗徒求教。此後幼女言行與昔日大不相同。舉動端正謙遜忍苦避狂樂。在家助母親理事之外。愛獨居沉默誦經。母親居孀。爲人暴躁愛世榮。又最迷於異教菩薩之道。常行燒香問卜等虛妄之事。覺女兒之變。乃問故。德格辣將實情稟明。母親大怒。朝夕責罰不容。過數月親家欲按期行婚姻之禮。德格辣只說守貞不嫁。母親聞言暴性發作。將幼女交與官用刑。隨意。惟須逼女兒棄新教從祖傳。官命解女來案。少焉幼女到。官以刑恐嚇。命背教出嫁。德格辣美容毅然無懼。只應不肯教不嫁。官猛怒命備乾柴一大

堆。然後令幼女改志。否則投於火焚身燼骨。德格辣堅執不改。官任性喊刑役投幼女於火。刑役解幼女出堂。火備在外。德格辣見趨步前進。上在柴上端立俟候。官命放火。刑役四方燃柴。忽見天變色。大雨傾盆將火焰灌熄。德格辣無傷。慢步離官衙便去。無人阻止。

此後官復拿幼女到案。德格辣恒守如前。官命投他於戲場。放野獸喫其肉。幼女不管性命。但請官保守其貞潔。官命送他到某富家托於主母。主母名德里斐納。憐惜幼女之艱難。優情相待。次日差來拿送到戲場去。民中有許多不服官虐一弱女之惡。揚揚稱此案之無理。德格辣和平如常端步行到場正中。立定伺候。守野獸之役放一母獅進場。母獅平常野性至虐母獅見幼女即馴。慢行到他足前。臥地不動。官命送德格辣出場。次日再來。德里斐納倍情迎接。

恭賀救命之幸。備好飲食與他壯身力。聖女感情講道理與夫人聽。說天主全能要救人性命不難等言。夫人覺心內愛聖道。遂謝教請聖女安心。是夜德格辣久跪主前謝今日保守之恩澤。求降佑於明日復戰。

次日捕差來取聖女解送到戲場。德格辣仍然端立場中待死。役放熊數頭。熊數日來未食。籠門一開。枋腹入場。向聖女奔來。忽見性變馴良圍着聖女。但不傷。而且若願顧他於險危。衆民見有許多感動稱妙。官命送聖女出去。次日復解來場。備野牛兩條。粗繩一根。繩一端緊縛聖女。一端繫於牛角上。然後策牛跑奔前進。不料粗繩拉斷。牛發怒角傷刑役便逃。聖女無恙獨立場中。官命集惡蛇數條在一深坑而吊聖女下去。德格辣目擊心驚。但靠主恩請聖號便無懼。只見惡蛇身木不能動。德格辣在其中安然無憂。人衆情

感吶喊。稱幼女無辜不該死。官提德格辣來案問曰。汝何人致野獸不敢相害。聖女應道。我乃永活天主之婢。野獸之不害我無他故。因我常靠天主聖子耶穌是也。耶穌乃救人之路。窘難者之托。懷信德者之望。信耶穌者永生。不信者永死。官放聖女曰。天主之婢德格辣無罪。國法定親之男女行婚禮之前可退親不可強成事

故曰無罪軍民歡喜送德格辣回德里斐納家去。夫人悅樂不可言。接德格辣如

親女。隨奉教領洗。留聖女在家。引得城中許多婦女認識天主。德格辣在此良久。百方善誘母親回心歸化。但母親心硬如石。不但不化而且不納女同居。父母無情致出首送兒女於官殺之安得動心歸化德格辣無望。乃離本鄉過彌辣城見聖保祿宗徒。早已知道聖女所立之功。父目得見。歡幸不自勝。問日前各種窘難之情形。德格辣遜然細談了一番。宗徒感謝主恩不已。並將遊各州縣化士庶之

細情講與聖女聽。二聖大慰。德格辣自慶有如此之妙師。宗徒自賀有異德如是之徒。

此後聖女過斯呂西城居山洞隱修。在此地勸有許多婦女認識天主。不時以聖號醫治病疾。城中異教醫生嫉妒。使無聊之徒來聖女居處。意欲強姦以敗其名。但惡徒到。忽見洞口之石兩頭動移相合。淫徒無門可入。無趣回城。談此事。伊等去之後。洞門自開如前。以後聖女修道在此七十年。德名遠播。竟壽九十安逝升天。聖尸埋在斯呂西之地。墓前顯聖蹟甚多。是以常常有信輩來求轉達。聖女之名由東傳於西。教友世世敬愛。遇身靈之窘難必哀求聖女德格辣求主恩降佑。千八百年來聖女所撫慰男女老少之辛苦。誰知其數。聖教以聖女之名爲至貴。特此願臨終經內日日處處誦曰。如爾曾

救童貞主証女聖德格辣於三酷刑。望主亦然屑救斯僕之靈魂。賜之偕爾同享天上之福。請爾信輩續繼各世各處之聖傳。靠望聖女德格辣每日求他轉達。

切想

聖經云。美哉貞輩。其名無朽。天主與人皆知之。智書四章一節天主聖子將降世。貞德如美花即生於地。貞女之首天主子之聖母也。聖母之貞潔噴香普地之後。四方貞輩世世相繼。聖書素以玫瑰花比貞德。是以稱聖母爲立義玫瑰。玫瑰芬飾花園。貞德榮華聖教。玫瑰分紅白二色。白玫瑰表貞女熱切冰心事。主。紅玫瑰表致命之貞女傾血以証信德。而紅白二色自獻於主。聖教乃天主世上之園。園中貞德如玫瑰紅白燦爛。聖母以下聖女德格辣乃証主貞

女之首。聖教之初愛慕童貞之潔配耶穌。十八歲矢志守潔。隨爲惡母虐官。百方搓磨。而效法潔配天主聖子殉身命奇愛還愛。雖未曾死於烈火與猛獸。然非其不願。惟出於主耶穌之聖意。屢次顯聖蹟來救貞配。母親亡情。昏官悖義。皆願投弱女於慘死。但造物主馴野獸之性。而獸懷情不敢犯貞女。豈不羞人耶。豈不替人行仁。而人替獸爲虐耶。人與獸情理顛倒如此。貞女立於人獸之間。而甘心自獻於主作善祭之犧牲。見人怒而無懼。觀獸仁而不悅。惟願頃刻命斷而上升見愛主。如是雖不殺身而實成致命之功。雖不傾血而紅玫瑰不缺於額。

美哉貞輩。其名不朽。德格辣貞女中首証天主聖子。其名存留至今。將來人永遠不能忘。其名之存非虛禮焉。世世之信輩仰慕其德而沾其恩。女中烈德



之貞女爭先步其後塵。德格辣德格辣汝之家寬大。汝之妹繁多。請視各世各方之貞女。卽汝之親妹。美哉其德。盛哉其功。汝潔配之花園植栽於各國四海。園中之玫瑰叢叢如林。白而表其潔。紅而証其義。每日主來園摘紅白玫瑰而帶之入天。紅若則濟理亞。依搦斯路濟亞。亞加大。加大利納等。白若日諾無法司各納。嘉辣德。肋撒等。皆偕汝在天堂時時新歌讚頌恩主。美哉貴哉汝衆姐妹。汝福無疆。汝榮無窮。汝愛常生。生而常滿。懇祈汝天堂之衆貞花時時轉達主前。使世間貞潔之園不敗。使園內之貞靈常存汝等之德。恒慕恒事天主。使主見其功而恕天下之人。使主愛住其園中而不離此萬惡之地。幸哉幸哉。

省察 我蒙主所選守貞者有聖女德格辣等愛貞潔厭世樂之心麼。有則可

謂耶穌園中之美花。我爲男子遇着艱難有恒心如德格辣否。否則不如一弱女。

定志 自今以後我守貞願成吾主園中一噴香美花。特此朝夕效法聖女德格辣之善。我爲男遇窘難必以聖女之堅信自勵而效其輕身死望永生。

二十四日 聖安多實等 致命

古書畧載聖人之言行如左。

西曆畧一百六十餘年。安多實神父同伯尼諾初十一月神父弟爾斯六品輔祭。

或由羅瑪。或由西里亞斯彌爾納來法國傳教。三聖由馬西里亞理勇等處。

續至窩登。在此化聖性福良八月二日之父母認識天主。同全家子女僕婢領

洗。越一兩年安多實與弟爾斯由亞肋西亞過所里野。時在此。時在地茸城

傳道。有本地富商名斐理斯奉聖教。接聖人在家盡心助於善功。十餘年內

聖人遊城鄉勸化居民甚多。

時馬爾谷俄肋爾爲帝。各省之總督依舊例嚴革聖教。一日地茸城異教人訟

安多實弟爾斯於總督。總督放差捕拏。差兵卽入斐理斯家。將二聖與主人

網縛解送見總督。總督問曰。汝等何人。何地而來。所敬何神。安多實應道。我姓名安多實。二弟一名弟爾斯。一名斐理斯。我等由遠方來。所敬卽造天地之天主。總督曰。汝等來此希圖敗風俗廢祖傳。神父道。奉天主子耶穌之命來此傳聖道。總督曰。豈不知皇上有旨。不敬國神者當殺。神父道。我知也。然亦知道不可悖宰治天地之大主。以敬無耳無目之偶像。總督曰。汝敢稱魚霹得之菩薩爲無耳無目之物。神父道。他本是不能見。不能覺。不能行之頑像。總督曰。汝等當祭國神。何必捨命信敬鈔死的一人。三人同應不祭。神父說。我等願死。不肯背主失永生無窮之福。汝等願逃地獄不熄之火。亦當認識天主。總督交三聖與刑役。刑役把三聖雙手網吊懸空。脚下縋一重石。三聖在刑一日恒心讚頌主。迨至日西。爲役放下之時。三聖身體健然如常。

次日總督命燃大火。投三聖於內。但見火燒其縛。全不傷其身。究竟總督命用棒。少頃三聖死於棒下。

時西曆一百七十八年。華漢靈帝十二年。

聖歐佛彌亞

童貞致命

古書傳聖女言行如左。西曆三百零三。華晉惠帝十四年。羅瑪東屬家爾斯端城之官恨聖教。百般搓擔信輩。是年某日捉拏五十人。其中有宦家之女歐佛彌亞。德色出名於通城。官假人情誘惑信輩祭神。祭者許必重賞。五十人堅心恆守。皆忍當苦刑不背。官將四十九人投下監獄候審。留歐佛彌亞獨

人在堂。欲巧言惑語引他違主命。聖女說道。我弱女也。但不能受惑於人。主耶穌必救我於汝之惡。官命備刑架。架有數輪。縛人於上而動其輪。人必粉身碎骨。架備好。將歐拂彌亞縛於上而動刑。各輪滾處。幼女受重傷。但瞬息之間架斷不能行。幼女之傷亦好痊不現跡。官目擊驚訝不知是何故。少頃謂聖女曰。汝不改志。我投你於火燒身焚骨。聖女道。所言之火可燃可熄。我不畏懼。所懼者永不熄之火。信敬菩薩者將來焚於之。官命備乾柴參以松香硫磺等引火之物而燃之。刑役奉命之時。聖女在傍誦經。官令二役投之於火。二人上前欲行令。但見聖女兩傍有天神。便不敢下手。官見他立身不動。不知何故。另使二役奉令。二役或未見天神不可知。奉命擒拏聖女而推之入火。只見火燄奔來將二役焚死。聖女在火中安坐無恙。見天神那兩役

當時認識天主。隔日致命升天。官命送聖女下獄。

次日再提謂曰。汝須奉旨祭神。不可執固如是招神人之怒。聖女應道。狂者敬人手所雕之像爲神。賢者欽崇天主。我從賢不與狂同道。官令集惡魚於深池。投聖女於池。心想魚必食之。孰知惡魚背負歐拂彌亞浮水面上而不害。官商議巫司曰。此女有邪術當如何處置以破之。巫師道。可掘深坑。內插刀矛藏機弩。然後坑上設薄木而鋪沙。使人不能疑。竟放幼女由此地過。他必落坑內死於刀箭之上。官依言。但聖女爲天神所護而行坑上如飛。背後有異教數人跟從不知有計。脚踏坑上薄木即斷。人墮坑內陷於刀矛。又爲機弩齊發射得渾身中箭而死。官無趣。令解聖女回監。歐拂彌亞虔求天主賞以致命之恩。上主允之。次日聖女爲刑役解送入戲場。少焉場奴放熊數頭。熊

坐在聖女前不動。歐拂彌亞哀求主曰。主耶穌。萬君之君。爾連救賤婢於險危。足証爾無限之威權。明顯鬼魔惡官之無能。茲懇祈爾施恩。歆享賤婢所獻本身之祭。收納我靈魂入爾聖國。同諸天神。致命聖人永世愛爾。言未訖。只見一熊立身在聖女頸喉上咬一口。而仍然坐下。聖女紅血淋漓。端端臥地而死。羣熊敬然圍坐。父母暗地遣人將愛女屍首贖回本家。禮埋於城外。天主保存聖尸鮮然不朽。頸喉之傷不時出紅血。過一百五十年。教宗聖良聚鑒牧六百位在家爾斯端城議事。棄絕歐弟革斯之敗道。看四月十一日公事完結。衆鑒牧四散之後。尚有信輩不心服。宗鑒牧約衆神父祈禱主前。求顯聖蹟。化民去疑。遂錄衆鑒牧所宣告之信要經一張。歐弟革斯所傳邪道各端一張。皆置在歐拂彌亞墓內聖女心上。然後閉墓封門。誦經三日求聖女轉達。



主前明示虛實。越三日宗主教引衆神父信輩行到墓來。去封開墓。只見錄歐弟革斯謬道那張棄在聖女足下。錄鑒牧所議之信要經在心上。聖女手取之而遞與宗鑒牧。然後毅然無動。衆人心服棄邪歸正。

切想 七續愛人之德

愛德尊貴超逾別諸德。萬德若臣。愛德若君。操愛德者每日無時不積功。或私下誦經求主降福。親朋與普地萬靈。或結交往來。善言善行益人靈魂肉身。而所存之神財無算。愛德引人直行天路享永樂。而先令人在世中神樂。受人靈魂肉身之哀矜者樂。哀矜窮苦靈魂肉身者愈樂。此樂勝過富貴之樂多也。

實意愛人者。天主視其心若殿。如聖經云。我等互相友愛。天主必居在我等心

中。若望一書四章十二節身後愛德乃衆聖人之第一功。其功之賞勝過餘別諸賞。

世上無藥能變化銅鉄坭石爲金。愛德有此能。實變善人諸思言行爲精金。可買天國。懷愛德而哀矜人冷水一杯。無不受賞。凡人爲己私事用財若干。所有之財必減少若干。惟因愛人而用財。則財不但不減少。反且有加。世財乃不久長之物。數年必離我。惟爲行愛德所用之財。從人在死後永遠不離。私愛乃萬過萬惡之根源。愛德克私慾而導人習諸善。

且餘別之德難爲。而愛德無所難。此不能守齋尅身如聖人。彼不能守貞不娶不嫁。但爲人而不能愛人者誰。愛人乃此生之美味。苦味以之而變甘。凡有難行之事。若以愛德行之。則難去而變爲飴樂。

論愛德之權。誰能言之。愛德能馴人心。變矜驕爲謙遜。改忿怒爲忍耐。禁暴虐

成仁惠。無愛德者願害衆利己。懷愛德者願自損益衆。愛德令人冒突身危。甘受辛苦致命以益他家或他國之人。愛德之權勝死亡。死之利害不過於靈魂之永死於罪。愛德勝永死。令人復活常生不再亡。

愛德之權能勝天主。令天主聖子降生死於苦架。令上主赦大罪。施恩寵助信輩善終到天國。

省察 愛德乃衆德之君。其美無限。其權無疆。能馴惡爲善。能強主施恩。能樂人於世。能福人於天。我知之麼。

定志 自今以後。我竭力操愛德而貴重之。如萬德之君王。此題未完  
看廿八日

二十五日

聖赫門福

隱修

西曆畧六百年。華隨文帝年間。法國東方白桑松之地。有宦家之子弟兄二人。一名赫門福。一名瓦爾德肋。幼年在家習文操武。同心事天主。年紀畧十八。從父親入朝事帝。帝寵幸。二人在朝廷才德日顯。奉命則求主利。絲毫不尋私。交衆臣則敬上愛下。雖賦性正實。而行事柔然和順。更不以皇殿之奢華而敗其志。不以事之冗煩而亂其心。思念可比指南針之無二向。安逸辛苦。惟以天主聖旨爲北斗而朝夕拱仰。越數年。父親過世。赫門福欲棄俗出家。隱修。遂上奏求帝准卸官獨事天主。帝猶豫良久。纔准。赫門福回家造一大院。在舉桑斯之地。完工後。入呂斯爾名院。十一月。從聖瓦爾伯爲師。虛心操聖學。畧過四年。陞神父。離老師回舉桑斯院來。同幼士數人。與呂斯爾之規

矩潔意度生至善。越數年四方有人來從。隱士不下三百人。赫門福之胞弟瓦爾德。亦卸官回本鄉。在舉桑斯近處住家。特專施給隱士之所需。兩弟兄一可比瑪大肋納。安坐於主耶穌足下。靜聽其訓。敬答其問。一可比瑪爾大多慮多動。以應外事。赫門福管院畧四十年。賢德遠傳各方。究竟瓦爾德助染病善終。兄埋之在院中經堂內。越不多時。赫門福亦染病。領聖事。少頃隱士數人。集在臥房。誦臨終經。忽見大光圍着長上。彼時聖人和平而逝。隱士埋之在胞弟之側。墓前點燈示敬。天主顯聖蹟。證聖人之德。燈內之油。不但。不減。而且倍加。漸漸溢滴出外來。院士奇甚。設一盤在燈下。接之。所接之油。足另點一燈。在聖體前。數年後。則聖蹟見止。致墓前之燈油。隨時點盡。如俗常之油。

聖女歐日尼亞

童貞

西曆六百八十餘。華唐中宗年間。日爾曼國亞爾撒斯地諸侯名亞德爾白。乃聖女和弟肋十三日之胞弟。妻名厄爾林。夫婦頗有信德。訓誨兒女至善。女名歐日尼亞。自孩年受天主密超特愛聖事。在母親左右讀書針黹。喜心順命。心神潔淨。舉動端正。每日從母入聖堂。顏貌悅樂。似像見主。或看顧病疾窮輩。而喜色慰其苦情。時而心覺異感。避衆尋靜。跪地祈禱。沉默。其心若鼎爐。其思若香。自地直上主前。小姐年近十五歲。德色雙異。別地諸侯子弟有許多求之爲妻。父母任女兒或嫁或不嫁。隨本人從天主默示定奪。小姐祈禱商議父母之後。願貞守終身。父侯以此言答覆外來求婚者。世人聞此言多嗟嘆曰。女中如此之珍玉。而藏匿獨居何用。豈不當出嫁。以美德光榮本

家益衆哉。但天神喜悅讚頌主耶穌尋獲此真玉而收納入庫。是年諸侯夫妻駕來何狼布隱院。將女兒交與聖女和弟助。聖女歡歡喜喜接姪女入院。並請主教來行授巾之禮。次日諸侯夫妻親戚朋友多人在聖堂。主教在祭臺前端立。小姐爲貞女數人圍着。慢步恭赴祭臺前跪地求出家守貞之恩。主教允之。便授以頭巾。善勸恒心。事主忘却世俗之虛華。母親目見耳聞不免垂淚。但心想女兒心願滿足。亦覺母情微安。究竟諸侯夫妻回家。衆客散去。靜院寂然如常。只聞林中百鳥清聲唱和。如請人樂心頌主。

歐日尼亞在院內悅樂可比鳥之在林。每日將身靈獻托於主。惟願時時刻刻承行聖旨歡樂主心。一面上主甚喜幼女心神無玷之潔。而異恩賞賜不斷。長上愛之如女。仔細教訓不倦。隨後諸侯胞弟之女二人亦入院修道。三姊

妹同心習德在孃孃日下。可謂院中之三妙花。月復年新。聖女和弟助患病。一日集衆貞女告辭。並勸和睦同心事主。竟見三姪女在榻前垂淚。謂曰。吾女之痛哭不能免我死。時候將到。我必去見大主。汝三姊妹可到經堂去誦經助我善終。三人如命。良久轉來見聖女在床閉目無動。料必身亡。少焉聖女若醒。謂姪女曰。天主賞我隨路濟亞。是日乃聖女路濟亞瞻禮升天見聖人之福。未幾衆女見一天神自天而下送聖體來。聖女容顏全福。領聖體。謝恩後不改喜色而逝。喪事後。衆女推歐日尼亞爲長。

靜院之長可比家中之母。當愛屬下貞女如母親之愛兒女而竭力益之。所異者。母親生成愛兒女而似像不得不愛。院長手下之女非親骨肉。是以其愛須不生於本性而出於德。纔可懷衆人無私。可隨機應事不敗。歐日尼亞知



之。特此棄本性之情，惟體天主之心而均愛衆人。更加習善日切，使神財愈多而能分散愈廣。心想救世主以生死之窘難而顯其愛人至極，乃時時默想吾主苦難而以本身本靈之辛苦效其愛。衆女見長上愛天主之情，無不覺心願學從其德，微分其神福。有身病心苦之窘難者，蒙長上公愛不分彼此，慈顏扶持湯藥，母情安慰堅固，無不勝誘惑復新堅志，恒行善路。是以每日謝主，取聖女和弟，助升天之後，不相離之恩。惟賜姪女步趨孀長賢德而繼其妙功。

歐日尼亞心廣如地，靜院豈足囚哉。其愛包含普天下萬靈，而誦經幫助轉達。善功通於隣地，而恩濟身靈。常帶一兩女同遊鄉下窮寒病疾之家，施給酒肉細食之外，每每好言撫慰，善道訓誨。有問病人曰：汝願飲食良藥，而聖女

不來。或願聖女來而無藥食。那人應道。聖女慈悲愛情似天神。見之如忘辛苦而福生。我願聖女不濟食物。而駕臨我屋。聖女之大慰顧鄉人在臨終也。跪在榻側。時而沉默祈禱。時而勸勵。或講天主仁慈之無限。天堂福樂之無疆。而臨終者大望。甘心卸世。貴哉是人。也。患過重病見臨終在邇而復生者。獨知其價。聖女又設一屋在院外。遠旅無盤纏。或路中染病者。必接入此屋。給錢濟食。容其病養好纔放行。天主喜悅愛人之情。是以賞聖女神樂在內。顯聖蹟如無藥醫病在外。方中知悉倍加敬愛。昔日說小姐守貞隱修無益於世者。此時諒必不敢復出此言。此人勿說無益於世。反且可說須留世不死。但善功之度滿。天主必取人靈以賞之。聖女掌院十五年。覺得身病力弱。惟心內時時歸向主。愈切難轉想世務。數月之光景。其愛如火。弱身如燈油。

爲聖愛之火焚盡。致聖女於臨終。領聖事後。柔言安慰衆女。勸以當行之要。約將來再見。翕心愛主在天。竟捧手沉默不動。少焉氣絕而逝。

時西曆七百三十五。華唐玄宗二十二年。

通省聞風無不嗟嘆。稱聖女之美德不止。諸侯引衆文武赴喪。方中男女送喪。貧窮羣圍聖尸不捨相別。隨後墓前時常有人來求轉達。蒙主顯聖蹟。聖女之名愈輝。世世敬稱不斷。

切想

聖詠曰。予注目盼。居於天者。直如僕婢之眼。目在主人。主母之手。予目亦注天。主候其憐惜。一百二章主人主母之雇傭者無他心。惟願使令僕婢如意。僕婢與傭工之職分亦無別。惟須朝夕用命。是以說其眼目在主人之手。只須主

人手動。僕婢會意卽行。主人之心意可謂僕婢之指南針。水師出海不辨方向。晝夜考察指南針纔可分北極而駕馭不差。僕婢同然。時時細察主人之志意可理家事不悞。聖人乃天主至忠之臣。其眼目亦在主之手。所異者僕婢多則畏懼主人而奉命。聖人則愛慕天主而守規誡。其心志可比指南表之針。其針乃鋼所成。本不能爲地氣牽制向南北二極。獨有磁石則有此性。用磁石擦磨鋼針。磁氣漸傳於針體。針含磁氣卽有磁性。懸之自動。必爲地氣牽制合于午線。而畧向南北極不錯。

人心亦然。爲原罪阻止。本不向天主。惟含聖愛者則爲天主牽制而仰慕其美善。聖人獨專於愛。其心爲聖愛所傳。如鋼針之爲磁氣所侵。是故自自然然向天主。若磁針之向極。

今日之聖赫門福離朝廷卸官修道。聖女歐日尼亞棄諸侯府第輕視榮華身安。皆含聖愛於心也。神目不背離上主。惟朝夕察考聖旨而欣然勤從。聖女懷聖愛至切。願見願事救世主儼若尚在如達辛苦之時。然因不能如意。特記主之言曰。凡施與我一小弟。即施於我。是以尋貧窮艱難者而百般施濟撫慰。眼目所見人也。心意所歸天主也。聖愛隨時愈加而向慕主之志意愈強。究竟身力不能支。日漸衰弱而亡。靈魂棄世隨聖愛向天主上升得永生。眼目仍然在上主手上。偕天神奉命。但較生前而福樂萬倍焉。

省察 我爲信輩。眼目在天主手上。時時刻刻候令否。我心本爲罪阻止。自不能向主。惟須有聖愛則得其正向。我知之麼。練過聖愛以牽制我心向主麼。

定志 我心硬鋼冷鉄也。不能自動向主。我當以聖愛改變其性。則將歸主。如鉄針擦磨以磁石則向南極。

二十六日 聖西彼廉 聖女如斯弟納童貞 致命

古書載二聖之行實如左。

西曆畧三百年。華晉惠帝年間。羅瑪東方洋弟約家城有夫妻二人自幼信異端敬菩薩。夫在廟廷內爲司祭。有十五六歲的女兒名如斯弟納。一日女兒在屋聞得街上有人明聲講道理。不知所言何事。暗地將窓門半開窺看。見一青年之士端立屋前。數十人圍着靜聽。如斯弟納在窓門後亦細聽。此士非他。乃本城聖教中之六品正輔祭博合畧。正在說聖道。如何天主聖子由童貞女瑪利亞生於地。如何天神羣現空中異聲讚頌新生之嬰孩。如何三王自東方來拜而獻禮。如何耶穌顯聖蹟無數。醫病復活死人等奇。如何甘心苦難救贖普地萬靈。如何死後復活升天等諸聖事。幼女聰明心潔。聞聖

道。當時爲天主聖恩感動於內。隨後不知如何得見信輩受教而認識天主。隔日謂母親曰。我等所敬之菩薩不過銀木坭石之死像。無志無力。所敬之神邪惡不能益世人。天主教人畫一記號能勝之。母親責之曰。此言汝須細心。勿說與參參知道。再過數日。幼女復向母親曰。女兒不瞞參參媽媽。知道天主獨是造管天地人物之主。女兒信服奉其正道。母親以此言告丈夫。父心不悅。但不知當如何處置。是夜蒙主異恩。夫妻在夢中見一羣天神。其中主耶穌威立請曰。可向我來。我賞汝以天國。次早二人同女兒進聖堂求見主教。輔祭博合畧送三人去見。夫妻將夜中所見所聞談了一番。便求學習道理領洗。主教大喜允諾。隔日三人一同領洗。成了天主子女。此後如斯弟納在家守貞可謂衆女之模式。



且說城內有宦家某少年從異教。素聞如斯弟納德色超羣。欲娶之爲妻。遂請人作伐。如斯弟納回言不嫁。少年聞言邪愛愈熾。欲行搶婚。心想信輩時常畏懼風波。不敢官前呈訟。事雖無理。量亦不至有大禍。遂使匪徒數人路邊埋伏。乘如斯弟納來經堂。須搶他到某處藏匿。匪徒依令。但下手捉拏幼女之際。恰有信輩數人得見。憤然攻匪徒。把如斯弟納救出。

隔日少年去見一巫司名西彼廉。謂之曰。我欲娶某家之女爲妻。他心厭我不肯嫁。先生妙法可否使他心私從我來。巫司應道。可。少年許黃金若干。只須那女如意。必交清不悞。巫司應承。此日祝祭呼鬼。魔鬼發現。此事當讀以下切想巫司以少年之事相告。並求魔助力。魔應道。汝在如斯弟納房屋近處用術。我在幼女身邊設誘惑。保汝得意。說訖不見。是夜三更。巫司在屋外作術。魔鬼卽

至。時如斯弟納效法列世聖人。乘萬物宿靜。便下床誦經。忽覺大亂。惡念滿心。如河水汜溢而冲田土。幼女慌忙立身向四方畫聖號。並哀號於主曰。天主聖子造原祖似爾者。賞之無罪無惡而受享萬物。又憐惜原祖於犯罪之後。賜之靈魂脫罪肉身得復活。主萬物所讚頌之天主。救萬靈之恩主。茲懇祈爾來壯我力。使能稱爲爾婢而不辱爾。撒膽在此攻我無可如何。說訖畫十字聖號在本身。上而向四方吹氣。鬼魔不能支。當時逃奔。幼女和平謝主。魔鬼發現與巫司道。那女我不能勝。他所畫之號利害不可當。巫司心想道。此神胆力弱小無用。遂復祝祭。呼一狠魔來。

新魔果然發現問命。巫司以心腹事相告。魔應助力。保他此次必勝。是夜三更巫司在如斯弟納屋外作法。鬼依言卽至。時幼女仍在臥房誦經。忽

覺心神大亂。邪情入於三司。身血似火上之沸水。如斯弟納駭然跪地禱曰。主我夜間離床稱頌爾名。造管天地之主宰。施人破鬼之權者。豈非爾乎。救大尼額爾七月二日於惡獅之牙者。豈非爾乎。折毀白爾同日與蟒蛇者。豈非爾乎。勝死亡令人復活者。豈非爾乎。可愛之父。懇祈爾寬容爾婢。撒膽在此。父。快來救我貞潔。使我不辱爾能升天讚美爾。榮應歸父及子及聖神。亞孟。說訖向四方畫十字聖號。並呼氣而吹。惡念當時散去。魔鬼發現與巫司說道。那女勝我也。他所畫之號誰可當之。巫司奇甚。次日復再祝祭。呼魔中至狼之魔。請爲設法。那魔應承竭力攻如斯弟納而敗其德。

是日魔借一幼女模樣來如斯弟納家。如斯弟納素常認得此女。不防納之入屋。二人坐定。客女謂如斯弟納曰。妹此來欲聆教效學姐姐守貞。請說守貞

者現在光景如何。身後之賞又如何。如斯弟納歡喜訓誨他一番。良久客女說道。開闢之初。天主教亞當厄襪傳生佈滿世界。我等守貞豈不犯此言乎。將來過審判豈不因背命而受罰乎。此言未訖。如斯弟納覺得攪亂如昔。邪情如火發於心。知覺此女非常人。乃向他面上吹氣。並畫聖號在本身。當時客女不見。如斯弟納心神安然。鬼發現與巫司曰。此女所畫之號。我亦不能當。巫司愈奇問道。所畫之號何如。鬼曰。被釘十字上者之號。巫司默然片時。道。看來被釘十字架上者權力很大。你不如多也。現在見其號。你不能當。設若見其面。更當何如。你時常自誇己能無敵。殆非欺我而何。鬼魔大怒抓着巫司喉嚨。欲局斃之。巫司禱曰。如斯弟納所敬之天主請救我。天主即使天神趕逐鬼魔。逃竄不見。

巫司感恩來到聖堂。心願奉教。早有人稟上主教。說巫司西彼廉在聖堂。主教官驚。怕他愚惑信輩。忙入經堂。責他曰。汝可說謊。哄騙異教人。但基利斯督之權無限。汝枉自費心攻聖教。巫司謙遜應道。基利斯督之權。僕已知之也。遂在主教前將設邪術害貞女如斯弟納。而未能如意。鬼魔忿怒。欲殺他。諸事談了一回。竟求主教憐惜。准他入聖教。主教好言撫慰。勸他恒心祈禱。學習道理。然後可領大恩。西彼廉回家。將所有之菩薩邪書等物。盡行折毀焚燒。此後全心歸向主。操聖學。練德而領洗。一面如斯弟納在屋修身。日進於善。

畧越四年風波大作。制軍捉拏西彼廉與如斯弟納來案。責西彼廉信敬被釘於十字架之人爲神。西彼廉當堂講昔日信菩薩。結交鬼魔。使邪神誘惑聖

女如斯弟納之事細談了一番。然後說道。是時我始知天主獨是管治天地人物之主。是以背邪神棄邪事而奉從天主聖教。制軍命用鉄爪抓其身。並綑縛如斯弟納於樁而鞭之。二聖人受重刑讚頌主耶穌不絕口。制軍令投西彼廉下獄。交如斯弟納與異教某家看守。蒙主恩助聖女美德感化全家。人奉聖教。

越數日制軍再提二聖上堂。命燒一大鍋松香黃蠟投二聖於內。二聖手畫十字聖號入於鍋。似像入溫熱水。無燒煎之傷。時皇帝弟約格肋斯正位義各默弟城。制軍命解二聖進京都候案。並上奏。將西彼廉如斯弟納之事錄與帝鑒察作主。帝將奏覽畢。批曰。將二人提出城外斬首。西九月二十六日刑役送二聖到河邊。聖女歡歡喜喜引頸待死。刑役一刀將他斬訖。西彼廉明

聲稱頌天主賞賜其婢致命升天。少焉亦跪地引頸。刑役揮刀。西彼廉頭落地。靈魂歡然隨聖如斯弟納靈魂去受賞。

### 切想

福音書講世界窮末之將至。載曰。時偽先知出行。大舉奇工。瑪竇二十四章二十四節聖保

祿講假基利斯督云。他來世有撒膽之權。能顯奇異惑人。致載撒勞尼人第二書二章九節

或曰。書上載云。有人能藉鬼魔之力顯奇。敢問結交魔鬼有定法麼。凡用此法者。可否遣使魔鬼行事如意。曰。巫司自誇有此術。百發百中。其言虛假。反正道。魔鬼乃天主之叛臣。雖逐出天堂外。却仍然屬上主之權。雖力大能奇。雖恨善至極。然不能隨其惡性亂世害人。他時時事。為主全能所制。放他則行。禁他則止。鬼不可絲毫越逾聖旨。天主用他煉善罰惡。有定規。魔只能

滿已責任。責任一滿。其權即休。

事既如是。可知巫司並無定法遣使魔鬼行事。否則鬼不屬上主。而實屬人之權。豈可有此理哉。自古及今有巫司。而各世各方之巫司。自稱能作術使鬼。或益或害世人。其言虛也。巫司有意結交唆使魔鬼是實。祝祭作術願呼鬼。又是實。但魔鬼成應不成應。發現結交巫司與否。或奉巫司之令從事與否。皆由天主命令定奪。天主全智。時而禁魔鬼應巫司。則鬼雖願交他而不能。時准鬼魔成應。則老魔可發現而與人交言作事。

若論巫司所用之法術。則皆妄誕可笑。無頭無尾之狂作。其法魔鬼見之如人見戲。惟揣巫司用此諂他之意必喜。隨機或願或不願成應。但究竟不從其願而獨服主令。所以巫司說法術之靈驗是虛言。法術並無靈。惟天主之命



至靈。魔鬼不得不奉。可見巫司教徒弟以密學。又是虛言。他並無密學。譬如未學邪術之常人心實欲交魔鬼。雖不用法。若天主准。鬼可發現來交他。再設讀邪書多年之人。雖有心交鬼而用巫司之萬法。若上主不准。鬼必不能發現交他。倘問天主時而准。鬼魔交人。時而不准之故。此乃上主管治普地人物玄奧之意。其理世人絕不能考。

由上而推。憑聖經與聖師之書。世人可與鬼魔結交。借其力顯奇爲邪。世界窮末之假基利斯督必是此人中之頭等大惡。將有撒膽之權能顯奇異惑人。但此事罕有。自稱巫司者百中之九十九乃手巧舌利而無良心之徒。有法騙人而絕無術使鬼。使鬼非人所能授人之學。乃上主所獨有之權。巫司所教之術。只縱徒願結交魔鬼而犯大惡。絕不教他實實借鬼力害人。爲信輩

見巫司。當厭而避他。不可心怯而畏懼。萬一是一個結交魔鬼之人。如今日之西彼廉信輩。若善生避惡。以聖號必能勝而敗他所使之鬼。

天主知道如斯弟納之德。准鬼助巫司誘感他爲惡。鬼三攻三敗。自認不能敵主耶穌之聖號。而天主未竟一舉兩得。一則聖女操貞潔練大善。一則巫司識聖教之真實。棄魔認敬天主善生善終。但此恩非常不可望。常事願交鬼魔者。雖不能如願。却心懷此願。即自棄於主恩。而實成鬼魔之奴。多必昏迷至終。惡生惡死。

省察 世人常說有法術可學。結交鬼而使之如意。此言虛妄。絕無有此學。邪法書乃惑人之狂語。我知之麼。結交鬼之人。希少至極。自稱能使鬼者。平常乃巧言手足快而不乾淨之物。萬一能交鬼。此事由天主全智所准。彼時

使鬼者非巫司，乃鬼乘主准而借力與巫司作惡。我知之麼。遇鬼奴欲借用鬼力，信輩仍然不可畏懼。只須善生靠望天主，便可藐視巫司與鬼魔。

定志 自今以後，我信以上之正道而依行。

二十七日

聖葛斯默聖達彌盎

弟兄致命

葛斯默與達彌盎弟兄出於亞納彼亞國。父親善生，青年福終。母親居孀，帶五兒來羅馬國東方西里西亞省葉日亞城居住。家教至善。葛斯默與達彌盎在彼從名師讀書學醫，並效法聖人操善。年紀二十餘，醫學過衆，善德奇妙，聲名遠傳。四方來請看病，二人所醫痊之病疾，不知其數。且愛主耶穌福音，上之言曰：心貧者乃真福，爲其已得天上國也。不但不尋財，而且願貧窮終身。是以素常不收脈禮，或取之甚薄。素穿素吃，所餘納出濟窮。天主聖子降生來醫治世人靈魂之病，自稱無有枕首之地。葛斯默等愛貧真，可謂聖師之徒。天主寵幸，賞二人以顯聖蹟之權。此後弟兄見平常之病，卽用藥如前。遇世藥不可治之疾，乃以神權醫之，而聲名愈增。

西曆畧二百八十六年。華晉武帝二十二年。風波大行。西理西亞總督放差捉拏二人來案問曰。汝等何人何名。家資如何。葛斯默應道。我弟兄乃亞納彼亞之人。我名葛斯默。弟名達彌益。家資全無。信天主者不尋財帛。總督曰。汝等願背教。皇上必重用。設若執固不從。我異刑苦汝。致汝竟不免奉旨祭神。弟兄應道。可用刑如意。天主聖子必佑我等忍受。不致背正奉邪。總督命用牛筋鞭之。弟兄忍受無聲。總督見二人堅守不移。命銖鍊網縛而投於大海。刑役解送弟兄向海邊而行。二聖一路誦聖詠。既到。刑役投二人於水。少頃見二聖無縛安坐海濱。刑役去。總督處稟命。總督心想道。日前風聞此人異術顯奇。以今日之事可信前言非虛傳。乃命送回二人下獄。

次日復提來案問曰。願否祭神。二聖應道。我等不祭邪神。總督命燃大火。投弟

兄於內。刑役依令。二聖立於火中。讚美天主。毫不受傷。總督曰。此非邪術而何。葛斯默道。天主連救我弟兄於水於火。汝稱邪術不自省。可謂有目而不見也。總督令痛打二聖。然後縛之於十字架。亂石擊之至死。刑役如令。孰知所投之石不但不傷二聖。反且倒轉打刑役。令弓手來射。所射之箭亦反回射人。總督怒氣勃勃。令放下二聖斬首。二聖唱聖詠讚主。然後引頸待死。少焉。刀下頭落。二聖一同升天。二聖之胞弟三人同日亦斬首致命。

聖爾瑟亞聖婦德爾斐納

夫婦

西曆一千二百八十五。華元世祖六年。法國亞位隆之地有夫婦二人。皆數世

大官之後。名輝才廣德盛。是年生一兒。取名爾瑟亞。母親將他獻於天主曰。主。造生萬物之主。感謝爾賞賜兒於我之恩澤。懇求爾屑納之於爾僕之數。而百事降福。設若預知他將來犯爾聖旨。求爾取其靈魂於領洗之後。願他死於孩年。不肯見他生而獲罪於爾。母親與聖類斯皇帝之爾瑟亞孩年効學雙親之德。賦性柔善好濟。每日用食。使家人邀佃戶同年孩兒來府同席。雖爲方中主人之子。而毫不矜驕。言行端宜純朴。畧到十歲如此。時父親交他與胞弟瑪西理亞聖味多爾靜院之長。隨意訓誨。爾瑟亞在叔父處攻書習善愈切。凡讀聖人言行。必覺心愛而竭力從其善表。年十六歲奉父命辭叔父回家。

時里也之地所爾斯靜院內有德爾斐納小姐。乃貴家之女。昔日七歲喪父母

無兄無弟從孀孀來院。現在十五歲色美德顯。一心願隱修終身。南方諸侯乃聖類斯甚愛爾瑟亞與德爾斐納之兩家。遂欲少年與小姐結婚。聯二家皇帝之姪。爲親。特遣人作伐。成此事。爾瑟亞之父親歡喜應允。所也。院長上以此言告姪女。並說此親事難以推辭。德爾斐納初不從。末竟奉諸侯命聲應出嫁。是年爾瑟亞家接德爾斐納。大辦筵宴作婚禮。兩家親朋在此陪新夫妻作賀。是日客散。德爾斐納謂爾瑟亞曰。妹有一言相告。願兄聽而納之。爾瑟亞應道。妹妹只管言。德爾斐納曰。妹之實意惟願隱修貞守終身。今日奉情嫁與兄。望兄待我如胞妹。爾瑟亞微奇。應道。妹妹此言關係我家之後嗣。弟願暫且同妹妹守貞。容慢慢熟商賢才人之後。纔可定生平之志意。妻然其言。於是夫妻二人如兄妹相待。德爾斐納每日同婆婆誦經續織作善功。婆媳敦



睦互愛如親母親女。爾瑟亞從父親與老師習文武以應後事。並操練大德。守齋用苦鞭苦帶。懇祈聖神謀策示以當行之路。一面問賢人以宗嗣之事。或可守貞與否。是年在瑪西理亞叔父靜院內過聖母蒙召升天瞻禮。彌撒中領聖體後覺得心下熱切不可言。片時身力不支而昏絕。隱士等以爲生病。抬之入臥房置於床上。爾瑟亞醒覺放衆人出去。自獨留臥房。愈覺聖愛發於內。似若心消化而與耶穌聖心結合爲一。時天主光照其明悟。得見世俗榮華身樂之虛。天堂永貴長樂之妙。爾瑟亞心神全福。感謝上主日前賜以守貞之恩。並願棄俗隱修畢生。但聖神默示他曰。不必棄俗。在家亦可習大德。爾瑟亞心想道。在家究竟恐難守善志。聖神密應訓曰。汝所能爲。我知之也。力所不足。我必助汝。爾瑟亞心定回家。將前事談與妻聽。並許之同居。

如兄妹至終。德爾斐納歡喜感德不止。此後爾瑟亞度生愈妙。助父親理事之外。每日誦日課如神父。時身端面喜讀誦慢聲。似像聖詠等經有異味而嘗之。每年復活前四十日。聖誕瞻禮前三十日。四季四日。聖母與宗徒各瞻禮頭一日。每主日瞻禮六守嚴齋。俗衣之下戴苦衣不脫。每日誦第五十詠。天主依爾大仁慈云云。每節以鉄鞭自鞭三次。瞻禮主日領聖體。心內神樂。特此常言世間之樂。領聖體爲大。更兼事事惟願避罪成善。言行至理。孝上至敬。至忠。交下至公。至慈。凡能益人必益之。每日養貧窮十二人。席前與他洗脚。洗後善言訓誨。一日入病院。見有患大麻瘋六人。爾瑟亞不但不厭。不避。且與他送食洗瘡。當時病院內衆人覺得美香撲鼻。六人痊瘡無恙。爾瑟亞忙忙出院去。並囑家僕勿言此事。但人不言而天主要顯揚其善德。爾瑟

亞出病院之時。衆見其頭上異光燦然朝上。迨至入屋之際纔散。德爾斐納朝夕見夫之行。聞夫之言。而盡心效學其善。二人你進我從。可比狼將爭先。功德難分上下。主耶穌歡樂。視夫妻之屋若聖堂。不時發現與二人看。慈訓如師。而愈加聖愛以燃灼其心。

爾瑟亞年及二十三喪父。繼伯爵之位得祖業。屬民數十萬。

上有南方諸侯諸侯以上有法帝

職分當經營衆人肉身靈魂所需。當設學斷案練兵等務。夫婦知道治國必先齊家。遂協心倍加善表善訓。引衆家人操德。男女皆當每日與彌撒。每瞻禮領聖體。邪言歪語當避。嫉妒怨恨辱罵當棄。今日互相辱詈者。今夜當取和。取糧聽訟者不可勒索小民分文。每夜事罷。衆人當聚在經堂聽道理。一兩年之光景。爾瑟亞夫婦家實實奇妙。內習善可比靜院。外德功芬芳可化

衆同善。屬民似若成一家。以主人爲父母。夫婦亦不辱父母之責任。心下愛民如兒女。百事設法益衆。

爾瑟亞賦性雖柔善。却遇惡之當禁而不稍軟弱。帶兵交戰亦憤勇不避危。但

每遇民衆不法。先必用善正其過。法境界外另有數城屬其權。現屬斯地之意國

人狡猾不善。某年爾瑟亞在彼。居民藐視其令作亂。爾瑟亞忍辱不嚴懲。德

爾斐納雖異德之女。却見民之無理太甚。而責丈夫不自重。理當拿獲爲首

作亂之賊而辦之。爾瑟亞慈顏應道。世理固如此。我每見人辱我。心下亦發

怒欲懲。但追念救世主尊爲天地大君之子。而忍受萬辱萬難。我心怒卽息。

惟願以善報惡。德爾斐納聞言不得不稱善。此後與丈夫協心善待惡民。逾

數月民化歸善。大感主人赦罪之德。

爾瑟亞年及二十七。欲當衆許愿守貞終身。妻允諾。隔日聖瑪利亞瑪大肋納瞻禮。夫婦行此禮。衆民間事無不加意愛善。未幾南方諸侯推爾瑟亞爲世子的教讀。爾瑟亞雖願安住本業。却心想位居教讀。可訓世子操德傳善於屬。是以奉命帶家眷入朝上任。那諸侯又是納波理小國王。今乃意國屬地是年此地之民相爭不和。諸侯駕去平息。爾瑟亞在法南方理事。賢智公平可稱。小民雖無人情無銀錢而能伸冤無阻。麥糧珍貴之際。聖人出國庫之銀養窮民而未見國庫空虛。世子蒙老師朝夕訓誨才德亦大進。次年諸侯在納波理爲難。知道侍讀有安邦治國之策。即召他來主政。聖人送家眷回本地。自帶文武數士上船飄海。星夜南面到納波理。在彼輔佐主王不自惜。聖人或

在朝或在營中雖公事忙祿而神工不冷落。朝夕似像恒在天主前。頃刻不

忘。聖婦德爾斐納在法地。不時遣人寄信請安。聖人屢次回信柔言撫慰。某日書內載曰。賢妻若欲見予。不必他尋。惟在主耶穌肋旁之傷內而尋。予久已擇此美所以居住。予在此。心下慰中大苦。而苦中大慰焉。上主特賞聖人輕視世榮。恒守聖志之德。不時異恩樂之。異訓教之。聖人書上又載曰。譬如予見普地衆人背逆聖教。却蒙主所密訓於心。予獨人必信從無疑。予願被萬難就萬苦。以證聖道之真實。

是年日爾曼軍侵界。納波理王集兵迎敵。推胞弟爲都督。爾瑟亞輔之。兩軍交戰兩次。都督與爾瑟亞韜畧出奇。納波理軍大勝而返。此後聖人回思前事。心覺憂慮。恐臨陣一時性發而率軍殺敵。不免有罪。此念絞亂於心。致晝夜不安。久之聞天主密聲撫慰於內曰。汝臨陣果然幾乎獲罪失聖寵。所有之

過我赦汝。足証將士當正其意，束其心，勿至任氣而傷己靈魂。

國事平息，聖人遣僕接妻來納波理。聖婦在朝廷美德芳輝，極投衆愛。文武大臣之婦女敬服。大都加增熱切，細心守規矩，習善功。如是十年。爾瑟亞或在納波理或在法地，事天主奉君命，皆盡其忠。未見因君命而忘天主聖令，或因靈魂之事而懈惰於君命。眞明臣也。彼時聖人功德全也。聖婦亦然。或與夫同居，或夫遠行獨住，而時常恒正其向，無稍偏側。夫榮國於外，妻榮朝於內。二人果是上主之良僕，日夜盡心工作，光陰不虛過。

西曆一千三百二十五年，華元泰定二年，納波理王欲聘法國某親王之女爲世子之妻。遣爾瑟亞入法京說此事。法帝與親王久聞聖人之德，優禮迎接。欸待，並允諾結婚。約期交貴人過納波理作禮。公事畢，聖人欲辭帝而歸，忽

患重病不能行。隔數日得默示知臨終在邇。聖人心下不慌。辦告解後。將家務事料理停當。寫數行字與聖妻告別。約再見於後世。然後和平待死。神父送聖體進來。聖人扶人下床跪地。至敬至虔而領。傅終油之時。聖人明聲應答經典。是日九月二十七棄世去見天主。年滿四十歲。

時聖婦隔京城二千里。聖人發現謂之曰。蒙主慈恩予已得天福。聖屍搬回本鄉埋在亞白得城聖方濟各會經堂內。胞弟繼聖人伯爵位。承業主喪。因亡者所顯之聖蹟多。過四十餘年教宗魚爾把祿第五將爾瑟亞之名登於聖人之冊。

且說德爾斐納居孀。許棄財守貧窮之愿。將本家之田地房屋變賣散濟窮民。重賞僕婢而開發。獨留一婢同伴。竟來亞白得城住一小房屋在丈夫墳墓



近處。在此隱修苦身沉默三十五年。西曆一千三百六十年十一月二十六日福終。埋在丈夫之側同墓。生前死後顯聖蹟許多。信輩世世敬二聖如一體然。

切想

主耶穌訓聖爾瑟亞曰。汝所能爲。我知之也。力所不足。我必助汝。此乃信輩各世救靈魂之真道。信輩升天得永福。乃天主與各人共辦之事。人力所能者。信輩當爲之。人力所不足。信輩當靠主佑。無有人竭力爲善。而天主不助之。全勝升天。設若不盡本力之所能。而靠主拯救。其靠虛焉。天主或助或不助。不可定。總之。信輩不到天福。不可怨上主之不佑。只當自責不竭力。

勸汝弟兄姐妹欲事天主者。若覺路道艱難。本力衰弱。似像難免輸陣敗德。勸

汝不要失心。失心必落於仇敵之手。汝須聽仁主在心慈聲撫慰爾曰。恒哉。勉哉。汝所能爲。我知之也。力所不足。我必佑汝。只須汝每日復新定志向善。而大事成也。懈怠避難者。我不與之賞。惟心銳樂戰血鬥者。我則納之。此戰與兵士之戰不同。願勝而竭力鬥。必不能敗。所勞非筋骨。惟神靈也。所出非身血。乃心血也。勞神靈費心者。我在他左右。見他不能勝之阻。不能驅之敵。我暗地出手。助他立功。汝若怨我不施佑。我問汝自幼至今所費神思幾何。所出心血幾多。汝何日酣戰。而我不汝佑乎。何時勝敵。而不爲我援手乎。在何地敗德受害。而非汝懈怠所致乎。勉哉。大事還在手。汝日夜恒志。事事用力。我在傍補汝之不足。我與人併力。豈可不如意哉。

說天路艱難之兄妹等。請讀今日之夫婦聖人聖女。伊行天路豈不難乎。你我

所有之難可比其難乎。請遠遠效從聖爾瑟亞聖婦德爾斐納輕視榮華身樂。棄絕現世虛影諸事。汝必覺天主有恩與汝而大功可成。可同聖人聖女享榮福於無窮世之世。

省察 救靈魂之事。人有所能爲而當爲之。人之所不能。天主補之而事成。人能爲而不爲者。天主不佑。隨後若敗德而大事不成。不可怨上主。我知之麼。定志 自今以後。我效從聖人盡心竭力習善。忍受辛苦願出心血勝惡。如是上主定然佑我而天國可得。

二十八日 聖文斯老 諸侯 致命

西曆九百年。唐之末葉。歐洲正中有地。名波赫彌亞。今奧國屬地時此地諸侯從

聖教。不幸娶異教之女爲妻。夫人死。信菩薩不回頭。且賦性暴虐無良。而恨信輩欲滅之。續生兩子。長名文斯老。次名波肋斯老。諸侯之母名路彌納熱。切於靈魂之事。功德四方讚頌。見兒媳婦言行無理。乃與子商議。願取長孫同居而訓之。諸侯依允。於是文斯老從祖母學經典道理操善。年紀稍長。從明師習文武。到十四五歲。才德均美。大慰士庶之指望。不幸諸侯患病而薨。世子雖繼父位。稱諸侯。却實恣母代政理事。自然一味任性不公。賞罰如意。究竟推陞異教官。刻薄信輩。阻止神父傳聖道。次子波肋斯老爲母親養成矜驕暴躁。與母同意。恨善從惡。過一兩年。衆民不服。欲反。文斯老乘勢脫母

之權而自主。並陞胞弟波肋斯老爲某省總督。該不波肋斯老懷恨離朝去上任。母親情合同去。文斯老大興聖道。執政至公至慈。每年費許多銀錢散濟窮苦贖虜回國。私下習德可比隱修之士。微暇卽在聖堂恭敬聖體。夜中雖冬日寒冷。脫履赤足行遊各經堂祈禱。足掌凍裂血跡淋漓而不止。與彌撒之時。端正可比侍立天主前之天神。親手備麪餅及葡萄酒與鐸德獻聖祭。論榮華身樂。諸侯視之若糞土。是以不娶妻而心欲棄位入院苦修。數年如是。益衆尅己。鄙薄世福。貪慕天事。

某年隣地之諸侯名納弟斯老帶兵侵波赫彌亞搶掠。文斯老統軍去敵。兩軍隔谷扎營。文斯老欲救將士性命。獨人出馬搦戰。納弟斯老出馬接戰。文斯老說道。兩軍不必廝殺。我二人相鬥。敗者退。納弟斯老然之。遂躍馬直取文

斯老將要交刀。忽見天神二位。在文斯老之兩傍。橫目怒視。納弟斯老驚然。下馬跪地請赦罪。取和後。退兵士回本地。又一日。日爾曼帝約日。召衆諸侯在某城議事。文斯老奉旨去。期至。衆諸侯聚集。惟文斯老未曾入朝。帝不悅。命衆諸侯曰。波赫彌亞諸侯。不按時而到。是無理。此後若見伊入朝。卿等請安坐。勿立身還禮。少焉。文斯老果然入朝。直向帝座而行。衆諸侯如不見。安坐不動。忽然現天神二位。在文斯老兩傍。並步同行。帝見駭然。立身棄位。下平地。厚禮迎接。於是文斯老之名愈貴。四方稱其功。

且說諸侯之祖母路彌納。聖德亦非常。衆稱之爲聖。惟波助斯老母子恨他。助文斯老脫母之權。而欲復讐。某年惡母遣匪徒進京。命尋隙殺祖母。某日路彌納在殿內經堂。與彌撒領聖體。後獨人誦經。匪徒忽至。將聖婦殺斃。諸侯

大痛。士庶無不罵波肋斯老母子之不孝。那時文斯老該統兵伐二人。捉拏  
 後當幽閉。免他舉事害國。不幸諸侯疑慮。恐有碍於孝母之德。是以未懲弒  
 祖母之罪。反而竟爲惡母所算。是年波肋斯老之妻生一兒。母親筵宴請諸  
 侯帶文武駕臨恭喜。文斯老如母親之願。席散後。文斯老進經堂祈禱。母親  
 見諸侯獨人在彼。忙來見次子。叫他乘勢弒兄佔諸侯位。波肋斯老即時入  
 經堂。到兄身邊忽然拔劍而殺之。

時西曆九百三十六年。

波肋斯老位居諸侯。禁聖教殺信輩許多。惡母歡喜。但心樂不長。一日同命婦  
 數人坐車。忽見地開。將軍連人連馬吞下不見。

聖路彌納聖文斯老墓前時時顯有聖蹟。

聖女貌納

童貞

貌納乃法國多花城富貴人之女。出於西曆八百二十七。華唐文宗元年。女兒自孩年愛誦經。每日晨早入聖堂靜跪沉默。或端立樂聽神父們和聲誦日課。迨至九點鐘纔回家。午下復來。在祭臺前膝跪目定面樂若忘世事。不時想及耶穌苦難而眼淚雨下。女兒愈長。熱切愈增。衆見無不奇異讚頌。父親與長兄雖畧有信德。却冷落於靈魂之事。惟圖榮華快活。貌納祈禱外時時勸勵改途歸善。究竟父親回頭習德。兄棄俗入隱院修道終身。天主賞賜貌納顯聖跡多端。能通達密事。隔牆見物。置手於病疾頭上。而病疾即瘳。縫長白衣與神父穿着獻聖祭。而神父心下覺增熱切。本方鑒牧記此事曰。予有麻布長白衣。乃貌納所績所縫。此衣予貴之在金玉之上。昔日獻祭。予心可



比枯木惟候主伐而投於火。或可比無水之土而禾苗全無。獻聖祭之時。予素常冷落不堪。惟食天神之餅。聖體不知飲眼淚之爵。由淚或由痛甚或由愛極而出此白衣化我心。可比亞亞龍之棍。亞亞龍棍擊曠野之石。石開而水湧。予身着白衣。石心即時變柔。淚泉湧出不絕。某神父眼目病疾日重。看看將失光。使人暗地偷取聖貌納在聖堂流淚揩目之手巾。將此巾蒙在目上而片時痊愈。聖女年及二十三染病。母親在側顧守大痛。貌納喜顏安慰母曰。此歡樂之期。離窘難享安佚之日也。媽媽爲而何痛哭。是日鑿牧來顧臨終。神父數位陪從。鑿牧記聖女之死曰。我等在聖女臥房沉默祈禱顧其善終。忽然天樂奏處。衆聞聲謂貌納曰。愛女來兮來兮。予將正位在爾心內。時我等心下怡樂非常。少焉貌納抬頭四方一拜。神父問曰。吾女所拜者誰。貌納應道。聖伯多

祿聖保祿聖熱爾瓦削聖玻羅大削立在罪女床之四方。予生平盡心敬愛。伊等今日在此助罪女趕出惡魔。遂向予說道。主教。罪女之仁父。予尙求恩。領聖體終傳是也。予將聖事送與聖女領訖。少頃貌納微聲禱曰。爾國臨格。說訖氣絕。靈魂升天。時西曆八百五十年。

切想 八續愛人之德

昔日原祖未犯罪之先。地堂乃安福之地。天氣溫和。百菓自生。禽獸馴服。原祖處此。心樂身安。不覺內難外慮。現在世界乃萬物相逆相害之場。人身多苦。人心多慾。內外有仇讐攻打。而原福滅焉。惟懷愛德者。可謂復原義幾分。而心畧享原祖之安逸。些微據聖保祿之言。懷愛德者。不嫉妒。不暴躁。不輕忽。不矜驕。不自恃。不貪嗜。不求利。不嫌厭。不忿恨。不疑惑。不以無義而悅。惟見

正必喜。懷愛德者忍耐。結交必信而仁。於信德固。於望德確。事事是容。萬勞是勝。如是之人立天地間而上下和好。上服天主。盡心榮之。下睦衆人。竭力益之。本人雖身靈苦楚。而甘受不失其忍。斯人有福。身邊亦可福他人。懷愛德之信輩乃世中之寶。但知之者幾人。鄉佬愚昧掘珠寶於地。錯視爲蠻石而拋棄。惟知者過路偶見。必屈腰取檢。深藏於囊。懷愛德者謙遜自匿其功。似未琢之珍玉。常人見而不識。但天主知其貴。愛其美而置之於天國。愛德既尊貴如是。賢者當竭力操習。雖失了金銀田地。雖歷了身靈萬苦。若心下懷有愛德。百殃卽祥。數年之禍過。天福必始。而恒存至於無窮世之世。

今日之聖文斯老與聖女貌納皆習愛德至精。一不以富貴爲念。而獨專事主益民。一不思身樂。惟貞心慕天事。二聖不尋世福。而在世中比從慾者愈福。

一在諸侯位。一在深閨。均乃人中之寶而常人不知也。但上主知焉。二聖早亡。赴升潔愛之國。珍玉得其所也。惡母無愛。恨主殺子。而爲地所吞。無情之罪。得其報也。

省察 愛德包含萬德。乃世上之寶。我貴之操之。有愛德而歷身靈萬苦無碍。缺一愛德而享世界全福無益。

定志 自今以後。我貴重愛德。竭力習之。至身終。此題未完  
看廿九日

二十九日

聖彌額爾及列品諸天神瞻禮

中華所稱天神者。聖經謂之使神。因天主使之專於天地星辰之事故也。聖教之道。未有天地之先。天主造使神無數。據聖師之言。普地世所生人類男女之數。不及使神之數多也。乃純神。不似人之靈魂依附肉軀而生活。人所有之三司。所懷之愛慕憎惡等情。皆由其靈性所發。靈魂使肉身露各情於外。如手之使器。使神全是神體。無人目可見。無隨時損壞之形質。如是則造萬物之後。天主妙工可謂成全。物中有死然無生覺者。如泥石水土。有生而無覺者。如草木。有生覺而無明悟者。如禽獸。有明悟而負形質之身者。如人靈。有明悟愈大而全無形質者。如使神。草木由水土而生長。禽獸由草木而養身。人以草木禽獸辦飲食而生活。人類之上。天主之下。又有使神不飲不食而常存。能透石穿山如鳥之

飛翔空中。而快捷若思念。力大不可量。人力不能與之比。美麗光榮不可言。天下所有之美物。比其美榮。直若星辰之比日。又不能由病痛年老而敗。其強其美。本當永存。無損傷。無死亡。互相交接通意之際。則不似吾人動舌而以氣成聲吐言。使神無聲無言。能互相示其心念。此乃上主開闢所造萬萬使神之淺畧。其性之詳細。人欲玩索。全不可知焉。

上主造使神。聖意願用之爲臣。而福之於無窮世之世。但預先要試其忠信。然後施賞。特賜衆使神能自主。或從善。或偏惡。隨意。善則永賞。惡則永罰。隨定誠命。而令使神謹守。彼時衆使神俱善。愛慕上主如父。子心佩感其恩澤。兼之明悟極大。能分別善惡。明知天主全能之不可敵。全知之不可欺。由是而推。伊等受試量必勝。而存其善。但使神最美最強。美而強。則矜驕之意念生。

矜驕不克。早遲必犯主命。天主由此而試之。所出不知何令。惟知其令有些難遵。除非自謙自下。必不能奉。令出。萬萬使神無不覺心難。矜驕勃發。有意不從。其中多有覺得此情之無理。即時自想道。天主是造我之父。我之強美皆由天主所賞。上主有令。我何物敢抗之哉。遂克勝驕傲。自謙自遜而奉令。餘者不然。雖見傲念生而懈怠於克。初不克。惡念必愈亂而愈覺不服。其一

名路濟拂

譯曰戴光

強美勝過他神而矜驕愈大。究竟任性自高自滿。定志不從

主令。遂揚揚對衆使神曰。我不事也。衆傲神知其意羣圍之曰。我等亦不事也。一使神見勢不美。義怒填心喊道。誰可比天主。視之。亦是最美最強之位。即彌額爾也。譯曰誰可比天主克驕傲願存忠信之衆使神亦圍附之。是以片時萬萬使神分列成兩軍。三中之二偕彌額爾願奉主令。餘者隨路濟拂縱其

傲性而反令。聖經云。兩軍彼時互相戰鬥。非用力動器械而鬥。惟理戰辯是非而已。純神之志堅而難移。奉善從忠。則固執無改。是以路濟拂等恒存其傲意不肯認理事主。試已畢也。天主怒。造一苦所而將反叛衆使神投於內。所稱地獄是也。曰地獄若曰在地正中遭此罰之惡神。聖經稱爲魔鬼。以路濟拂或名撒膽爲總首。魔鬼之數不可知。或曰有衆使神三分之一。或曰未有如是之多。

奉命之衆使神當時爲天主厚賞。艱難過也。其志意永定於善不能變。各依其品照其功享天主之美福。天主處處在。天神無處不事主。分三班。各班別三品。是以常曰九品天神。頭班之頭品名斯納斐默。二品名格侶並。三班之八品名大使神。九品名使神。餘之各品有名在聖經。但華語譯之不同字。故不載於此。各班各品由何而分別。及其所特任何事。亦不可定言。惟知平常奉



使來地者乃九品內之神。遇非常大事則委上品之天神。如報聖母以天主子降生之喜，則委聖加庇額爾。

衆天神之強美榮樂勝過世人所能思想。但各神模樣有異。各班各品猶有分別。品愈高而天神愈美愈強。榮樂愈備。此乃全能者之妙軍。造成管理萬有者之奇臣。天主雖一命能治天地星辰人物如意，却特欲賞天神忠信之功。而時常委權與他理事。比如星辰之多，可信各有一天神掌管。地球各國各城各方。海洋草木飛禽走獸，亦可信爲天神所經營。各人亦有使神同伴助之行善避惡。是以聖人們入一城一家，或會人，必預先拜管此城此家此人。之天神。時常亦尊敬祈禱自己本身之護守天神。天神雖在星辰，或在地球各方各處奉命，却時時見主而享天上妙樂不斷。在人中往來，雖人目不能

見人耳不能聞。而時時在各人左右竭力引導之行天路。但因人類生來有自主之權。是故天主命使神不可行強。可謀策國王或大臣於政事。可默示各人於身靈之務。國王大臣可順可逆隨意。俗人亦然。天上星辰雖至大而繁多。却千萬年運動無差。其故無別。因星辰無靈。不能有本志。只聽天神奉主令管治。惟人類有靈性能自宰。是以爲君而掌國政。爲民而理私事。皆能逆主命與天神之謀策而犯罪。伊行惡而將來受罰。並不可歸咎於主於天神。比如盲瞽行山堙難路。須有明目人援手引導。他上下。則不倒跌。遇盲瞽驕傲棄那人之手。自誇獨力能行。而竟失脚墮下坑谷。傷身斷骨。豈可咎明目人哉。靈魂之事同理。君臣士庶行惡自害。乃本人犯良心所爲。良心是天主與使神之彌聲。犯之而被罰。不可歸罪於天主。亦不可怨奉主命謀策之

使神論肉身之事。可信天神素常默示各人。行此事去此地有凶險。而止他勿去。或人不知其危。而天神引他另行一條路。或早或遲行。致能避危免凶。但各人有明悟能自謀自量其事。是以天主令使神。一面放人自揣利害而行或止。一面管世事須照常規而成。或顯聖蹟免此事之常例。必當希疎。此天神見人在危而素不用奇方外力救之。惟奉令而放各事自然而然。却亦當知或時見人當死於危而不會受傷。衆稱是命或說是偶然之事。孰知乃使神奉上命來救此人於該死之際。天神見人隨從其謀策行善必喜。見其背逆爲惡必憂。但總不失其神樂安平。見國事之亂。聖道之敗於邪傳。或遇人惡生惡。終下地獄。管守此國此人之護守使神並不受責。因使神不能懈怠於任。惟時時盡心竭力故也。

看來天神是天主之能臣。晝夜在世間管理人事。我等當敬當愛。天神之心意與上主之聖意爲一。永遠享天福而時時感激讚頌恩主不斷。四方遊星辰天地奉命而欣然無勞。忠信無私。時時往來相見相交如人之交人。但其交至善至義。不能無禮。以其明悟能透徹天地之各妙學。以天主之慈訓時常能進於上主立奧之美善而歡樂日新。況且記會無缺。所見所聞不能忘其絲毫。故此妙學日廣而福樂日盛。天主造天地星辰之時。衆天神見而踴躍稱美。救世主降生之夜。天神幸然現於空中妙歌讚頌主。恭賀人類。耶穌復活後。天神助宗徒門弟學習聖道。一千八百餘年來聖彌額爾統率天神保護聖教。普天下各國。何處有信輩而無天神在彼祈禱默示。何處有男女爲天主之民而無天神在此密言勸勵哉。信輩中誰操德成聖而無天神同樂。

誰受誘惑爲魔鬼所敗。而無天神在傍憂愁哉。聖教之樂乃衆天神之樂。聖教之榮乃衆天神之榮。本性品秩雖比信輩愈尊而自視如其兄。千方助他行天路。一日聖若望宗徒得見一天神而受其默示。宗徒驚然不自在。欲仆地拜之如拜天主。天神止宗徒曰。不可。我乃汝及從聖道衆信輩之弟。惟須欽崇天主。天神乃至情之好兄。愛信輩在此竄流之谷而萬事不離。信輩在臨終。護守天神在傍侍立。靈魂離身。天神從聖彌額爾陪之到主前。靈魂得永賞。衆天神恭賀而欣然接之在其中同榮同樂。迨至世界窮末。萬萬天神將導引復活之衆人來見天主過審判。以後天神與聖人聖女同心合意永世事上主。各隨其功受賞。榮福雖不一。而皆全樂無他想。

衆天神之中聖教只識三位之名。一日彌額爾。或曰誰可比天主。一日加庇額

爾。或曰由天主之人。亦譯天主之勇能。一曰辣法額爾。或曰天主之良藥。由此而推。可信衆天神各有本名。論所畫天神之像。當知乃虛形無實。惟表天神之德而已。天神無形體。人目絕不能見。或時發現於人。乃以清氣作人身人衣之狀而借之以現。其身空虛也。天神現後。氣散而身沒。聖像上平常畫天神似少年。表其美麗強盛永存不老。或畫之似嬰孩。表其全善無罪。少年嬰孩之身又畫羽翅。表天神之輕快。霎時能遊天地。或時畫天神似強將穿盔甲。手携刀矛。表其戰魔勝惡之勇力。或畫天神似少年手執音樂而彈。或吹。表其讚頌主不斷。或畫天神似少年白衫金帶束腰。目向地。隻手指天。表天神之潔淨勤快。惟願引人愛慕主。輕世務重永事。或時亦畫天神似少年額戴茨冠。肩負苦架。手帶鉄劍。表其奉陪救世主在加爾瓦畧山。同心憂苦。或時畫

天神似少年手執香爐上獻於主前。表其朝夕納信輩之祈禱善功而獻之於主。聖方濟各受印五傷之時。見一天神貌似少年釘於十字架。生有六翅。以兩翅遮下身。以兩翅遮上身。以兩翅飛騰。此亦係無實之表意。列位聖人所見之天神模樣不一。而皆無實。將來我等若蒙主恩得見天神。必知其純體不似人。而美麗不可言狀。各位盡心守規誡操德。必有此大慰。幸哉幸哉。

切想 九續愛人之德

愛德固能寬闊人心以含普地衆人。亦能加廣人心以交朋友。朋情乃愛德之花。能樂人心益人靈。門弟中主耶穌擇十二人爲宗徒。宗徒中復再挑若望爲友。耶穌愛普地之靈。致捨命被死以救之。萬靈中特愛門弟宗徒。宗徒上格外愛其友。此乃人心之常。耶穌真人也。又真師也。特操愛德交朋友之善。

表訓我衆以真愛之理。理可交友。惟須此愛與愛人之德無阻。

朋情隨人意分三等。夕者順性者。超性者。夕者乃無廉恥之鄙情。不可稱朋情。懷此愛者互相賤辱滅德。

順性者乃三兩人同心相契而結交愈彌。如是之朋友互相貴重。互相祝福。聞離必痛。得見必樂。事遂同喜。事逆相助。此或落難。彼來救拔。此乃人性之情。人見有功。但天主臺前不足永賞。

尤有上等之朋情。即超性者。何也。此情與順性者同驗同效。但心意有異。結交朋友者善其情。潔其心。事事必不止心於愛友之樂。而置意在人情之上。愛友之外。尚願益友。益己進善。如是之人求友則求有德者。望友通本德與他。自亦竭力習善。願以本善益增友之善。如是之朋情勝過世間萬好。聖經稱



之爲無敗之固。百效之藥。無價之寶。在生有大慰而情中操大功。朋友恒常如此。其德日精。而將來之賞日增其貴。其一若敗志廢善。友見必不忍。便盡心挽回歸正。且舌辯之士所不能言。妙書所不能辯。朋友能說而透友之心。自耶穌若望結情之後至今。誰能數聖教中善交結之友哉。伊等或互相靠望。同步行天路。或彼跌於路。此來扶助而竟引導至永息。此愛德之花也。養者真福也。

護守天神乃各人之好友。愛人而無所求於人。惟願益人在世而引之入天國同榮。交朋又至信。無地不從。無事不助。顧友在孩提。陪之在青年。慰之在老邁。至於臨終。迎之入後世。噫。天主以下天神乃友中至貴至信至情之友。但知者幾人。聖人有此智。神目見天神。百般敬愛。細聽其言於心而情語相應。

如是則成真朋。天神世人結交互相知音。天神樂而無利。世人喜而大益。兩相友好於現世。而永遠情交在天國。此乃至美之朋情。結之結之。

省察 朋情。夕者。絕不可結。順性者。可樂心而不能益人在後世。超性者能樂人益人在世。能導人得天國。增其樂在永世。操習此朋情。可謂福。我知之麼。

定志 朋情之夕者。我不能結。交友之情。必致超性。此題未完  
看三十日

三十日

聖熱落尼摩

聖師

西曆畧三百四十年華晉成帝年間羅瑪國達爾瑪西亞省

今奧國屬地

有宦家夫

婦二人信從聖教家資富豪續生兩子一女長子名熱落尼摩秉性靈穎愛

學但急躁好勝

如是之人可成大聖惟須克欲正性

自小在家讀書年紀十七八奉命過羅瑪

城從明師在此攻讀之外潔心操德時常遊歷有名之經堂聖所追念古聖

之妙功以效法隨後結交奢華的書生學他冷淡於善事快樂過日蒙主恩

感化漸漸改過歸正領洗卒業後偕某朋友遊法地各省觀風問學次年復

來羅瑪過數月入亞基肋城靜院修道結交明士數人不越一年回家理事

時妄念去也心思全歸於善惟願隱修終身家事畢復離本鄉過如達遨遊

聖地追思聖經所記之聖事隨在羅瑪東方各省訪賢趨教察各處隱士之

規矩。究竟引朋友三人到西里亞之曠野。地名爾西斯隱修。此處甚苦。除隱士。別無居民。惟野物很多。四人在此度生甚善。誦經默想之外。看書細讀聖經。

時熱落尼摩年紀畧二十五。未過六月朋友中一人心下悶倦不勝。棄此地回家。未幾所存那兩朋友患病相續而亡。此後雖有隱士在隣地。却熱落尼摩孤獨無知心而艱難不可言狀。遂倍輕薄性命。守齋尅身。致患重病身危。當知熱落尼摩雖每日恒讀聖書。然心下微嫌聖經之文平常。不如異教之名書篇篇金玉字字珠璣。是以時常披閱異教書以樂心神。此次染病臨終。有隱士數人在茅舍內看顧預備埋葬之物。忽然熱落尼摩魂超。神有所見。本人記之書上曰。余赴審判生死者之天主前。天神聖靈圍之。榮光燦然射我。

目不能抬頭以視。余惟仆伏於地。俟候上命。聲問余何人。余謙遜應道是奉

教人。審判者曰。非也。汝是西斯諾

乃羅馬學士中文墨舌辯之最者

之徒。非我之門弟也。爾

財所在。爾心亦在焉。說訖命鞭我。余默然受鞭打。並覺心下痛悔若裂。未竟殘聲哀號曰。主矜憐我。矜憐我。侍主者伏地助我轉達求寬容。賜我贖罪之年月。余並發誓將來不看異教書。設而再看。願受背教之罰。主垂允。放我回覺。讀者休言此乃夢見之虛事。我回覺世事後。背上所覺鞭傷之痛。足證我罰之實在不可疑。此後余讀聖經。比從前看世書愈見有味。

魔鬼見熱落尼摩脫了愛世書過分之危。卽以邪念攻之。熱落尼摩記之曰。予

獨居曠野。日下焦頭爛額。似厄弟約彼亞之人。

面容焦黑

心神苦楚無慰。終日呼

號流淚無息。瞌睡沉壓。就地臥身而眠片時。飲則清水。食則生菓。忌烹調如

有罪之樂。苦哉。我熱落尼摩畏懼地獄來此。日夜與蛇蝎偕居。而時常以鬼魔之計生怪念。似像我在羅瑪榮華快活之中。幼女在左右美容嬌言亂我心。悲哉。我雖苦功面容且瘦且黑身枯無血。却邪慾常存而燃灼我心如火。似燄。時我伏於苦像前洗之以淚。拭之以髮。守齋之外。晝夜捶胸願息此火。或自怒自厭。深入曠野。時谷中洞內膝跪哀聲懇求。時而爬山跪頂上雨淚仰天祈禱不息云云。

熱落尼摩尚居四年在此。誘惑不見退。世人常說聖人生成性善無操習之難。讀熱落尼摩此篇。可知此言之虛。成聖之功非由無慾。而實由勝慾也。彼時西里亞從亞里無斯<sub>五月二日</sub>等裂教者甚多。主教神父信輩各處分爭。因熱落尼摩才德之名傳於各方。時時有人來野問道。此地之人狡猾好爭論。訓他

以理。他反說你不在正道。熱落尼摩舌辯不常。聖學穩確。邪教各徒不能勝。是以懷恨。流言城鄉。說他從裂教。未竟熱落尼摩厭惡此地。離曠野過如達白零縣。尋明師學精如達言語。以便解聖經。

年紀三十。陞神父。習德愈切。雖不在隱院。而實靜修。不自寬。時在洋弟約家時。

在聖厄比法諾處。五月十一日關駁裂教。甚愛額我畧。納西盎。五月九日文學之淵博。亦

進公斯當定。京都同聖人居住。時聖額我畧年高名大。熱落尼摩敬之如父。

公事稍閒。二聖評古論今。時講聖書之難。時考正道。以關裂教之謬。以後熱

落尼摩常稱聖額我畧為師。復越數年。教宗達瑪爵會同特阿多爵皇帝。請

東方列位鑒牧來羅瑪。商議聖教內事。熱落尼摩從洋弟約家鑒牧與聖厄

彼法諾主教。五月十一日進羅瑪與聖會。羅瑪衆文人復見熱落尼摩。滿心歡喜。爭

先來謁論學。願棄俗隱修者亦來問操德之善法。熱落尼摩謙遜迎接衆人。客之有問。卽時應對。來者無一不稱頌其才德之奇妙。教宗亦甚愛神父。不捨相離。會事畢。列位鑒牧回屬。教宗留熱落尼摩在身邊。

神父在此着隱士之服。沉默誦經。尅身如常。每日朝見教宗。同議各方之事。所有普地寄來問道之書。教宗派熱落尼摩代覽回音。公事冗煩。但神父各學全備。思索如觀書而了事。敏捷至極。是以還有時光著書廣益後世。奉命將聖詠及新聖經各卷繙譯納丁話。自彼時迄今。普地聖教所用新經之卷。卽聖人所譯之書也。邪道數人著書欲惑信輩。熱落尼摩每拈筆辯駁。說得邪士無面見人。不敢傳其毒。

彼時東方有女信輩無數。棄俗守節守貞。羅瑪名家之婦女多欲效學其善。特



來求熱落尼摩訓誨以東方操聖德之法。熱落尼摩應諾施教。數月之光景。羅瑪各名戶有許多節婦貞女修身習善儼如曠野內之聖。老師教他按時默想誦經。按時手工讀聖經。隨機出銀錢作哀矜。或躬親扶持窮苦病疾。遇婦女之廢善志欲棄前功。老師嚴然責曰。汝等守節守貞習大德是汝等之光榮。在現世及後世。但須甘心而爲。若無當此榮之本力。切須棄守節守貞之名。事當從實不可虛文。願學俗作事。卽當自稱爲俗人。願守貞潔。便當立貞潔之功。老師威嚴不常。但羅瑪各大家之婦女乃多世英雄之後。血氣不辱先宗。遂同心協力隨從老師行善路。或留在家立表於親人。或造靜院隱居終身。

世俗乃嫉妬之場。妒人心意不正。故素見人行事而將心比心。嫉妬熱落尼摩

之人不少。欲責其道之不正而不能。乃毀謗他言行不端。時時與各大家之婦女來往不清。熱落尼摩聞風懷厭。願避惡世回東方隱修。教宗時時好言撫慰不放。西曆三百八十四教宗崩駕。熱落尼摩乘勢離羅瑪上船航海到西白肋島見聖厄彼法諾主教。聖人歡喜款待。熱落尼摩復上船泊西里亞與厄日多各岸。去拜有各各地之聖士。未竟來如達白零縣。造一院同隱士數十人居住修道。院外有房屋以便接各方來朝拜主耶穌生死名地之客。熱落尼摩使人寄書回家。請胞弟變賣家業帶銀錢來東方助善。弟依言來白零縣陞神父。效兄操德終身。客到熱落尼摩帶人迎接。親手與之洗脚。備飲食收拾臥房。並陪他談聖地各處之古今。令衆客得聞聖事之細情而倍加熱切。是年羅瑪數世顯家之節婦聖保辣。彼時年三十六前五年喪夫守節帶其幼女來

白零造靜院以住。納婦女數十人隱修。並造房屋。效從聖師熱落尼摩優禮。迎接女客在彼。此後白零可比如達中一美園。善德各種如花芬芳。熱落尼摩乃此園之僕。按時栽種。按季修伐。

數年內東西兩方聖教之內事不平。鑒牧神父隱士之中有許多道理不明。時時依從裂教師愚惑信輩。四方有書來問熱落尼摩道理之虛實。聖人神筆應對無謬。文墨清新。章句明白。事序秩然。其論快若箭確如鉄。熱落尼摩生來急躁。言語辛辣。雖操謙卑忍耐多年。而性未能全變。是以書中不時尖語。錐人。可比養熟之虎。素見馴善無性。但惹他發怒。即見切齒發聲。惹者只可速避。以免重傷。熱落尼摩乃顧真道之虎士。來禮問者可放心。此虎無爪無齒。無理攻正道。虎之性即發。鉄牙利害如刀。干謝天主聖恩。賜了一聖奧斯。

定一聖熱落尼摩於此裂教相繼無斷之難世。二聖得繼阿大納削巴西畧額我畧金口若望喜納廉等之緒。奇才妙德戰萬惡而勝聖教衆讐。奧斯定比熱落尼摩年少十餘歲。時在亞斐利加當鑒牧。某年遣門弟雅理璧過東方觀風查聖教內事何如。裂教頭知悉。背地使舌辯之士款待雅理璧。陪他遨遊東方。同考人物之虛實。無意之中提聖教不平之事。卽歸罪熱落尼摩身上。究竟雅理璧爲裂教人哄騙。未能分別正邪而回。此後奧斯定與熱落尼摩通函。函中有懷疑之意。奧斯定疑熱落尼摩之道不正。熱落尼摩又疑奧斯定懷衛護裂教之心。特此兩邊書信去來。初則二人你爭我論。末竟互明心蘊。友結金蘭。三十年內並力攻邪傳正道。一在東一在西。可謂那時聖教之二明星。裂教人因未能間離二聖。愈加憎恨熱落尼摩。日路撒冷鑒牧

與仇讐同心。數年內百般搓擔。聖人與聖婦保辣。久之熱落尼摩。願棄此地。去住他方。聖婦素性和平。以溫柔忍耐爲本。時時勸聖人留居白零。勿遠行。究竟神父從其善言。學習聖婦。忍當凌辱不說。

身靈雖歷多苦。然時光如箭。不覺卽越數載。西曆四百零四年。聖婦保辣年紀五十六。患重病。其女朝夕侍立榻前。但病日重。不能支。聖熱落尼摩書上記曰。予雖渾身是舌。却萬不能盡言聖婦保辣之德。昔日誕生至貴。現今功積愈貴。昔財帛有名。今爲主窮苦而愈尊。幼居羅瑪花鏤金壁之府第。中年棄之。赴白零鄉地。住苦寒小屋。二十餘年。立功不休。操德日奇。以今在臨終。聖任已盡。善路行到。再過數日。可見賞勝者之主。生平嗜義如飢渴。今將飽飫。可題聖經唱曰。所聞天域之奇妙。予將見之。涕哭已多年。永樂之時到也。久

帶苦衣。着榮服之期來也。可題聖詠歌曰。爾主天已撕爛我苦衣。而服我以樂。聖婦常和其食以灰。常滲其飲以淚。茲可嘗天神之永食。可唱聖經云。嘗而味玩上主之飴云云。熱落尼摩每日看顧聖婦。在榻前跪地誦經盡心轉達。不時聞保辣半聲題聖詠各處。如曰。主。予切愛爾殿與爾顯榮之所。或時曰。全能天主。爾聖殿予愛之也極。或曰。予已願卑居於天主之屋。不願榮住罪惡之府。領聖事後。呼吸作難半日。究竟舉目朝上注視不動。復言道。百花現於吾地。鳩聲聞於吾境。聖歌二章二十節少焉復曰。予信不時必親眼觀主之美。祥在于生者之域。說訖閉目而逝。熱落尼摩雖思想其榮在天堂而大慰。却追思多年同心愛主益人之美。而不免垂淚痛哭。喪事後。推聖婦之女繼母親管女院之事。

聖人年紀六十餘註解大尼額爾聖經一書。書中載明據大尼額爾某處羅瑪城不時當敗而大難。彼時羅瑪興了一千一百年。其兵將橫行四方。將西地久已併成一國。士庶料想羅瑪通國之首永當存守不敗。是以見熱落尼摩講聖經預言其將來之患。有許多人譏誚他失言無理。孰知西曆四百一十年惡王統蠻兵入境。勝羅瑪軍。直至羅瑪城而取之。所奪之財帛不可計量。名家之男女昨日最富。今日最窮。絕無資生之計。有許多上船飄海到白零來。熱落尼摩接男子。聖婦保辣之女接婦女。朝夕與苦者同苦而竭力撫慰。賜衣食助於謀生之路。聖人內外事務雖如是之多。却不輕離聖學。恨翻譯古聖經之納丁書差錯甚多。乃復新翻譯。現今聖教所用之古聖經書即此也。或曰。聖人必須身體強壯。則可多功如是。曰。非也。熱落尼摩多病。一連十

四年未能提筆。晝夜疼痛幾乎無息。但精神不敗。身邊時時有門弟五六人執筆錄老師舌下之言。事雖各別。而老師出言授各人不亂。

聖人壽將八旬。聖婦保辣之女年畧五十患病善終。此女由十二歲時爲聖人所訓誨。賦性溫和似保辣。自幼貞潔若天神。十七歲從母親棄世榮自埋於靜院內。三十餘年陪着母親效其熱切頌主。辛苦操德哀矜救人身靈。竟從母親離此萬難之谷。欣然去享天福。熱落尼摩葬之於母親之側。心血哭之如父之哭女。但以身衰邁不久必再見先亡衆友在天而自慰。次年病痛愈加。不能起床。竟覺將身終。集衆隱士勸以相和相愛。並慰以善死去見天主之福。是日領聖事喜心卸世。

時西曆畧四百二十年。華宋高祖元年。



聖尸埋於白零近吾主降生之所。隨後遷聖髑到羅瑪聖母大堂內。迄今一千四百餘年。聖人之名稱於普地。其書文墨人善義人皆愛讀。

切想 十續愛人之德

懷愛德於心不足。尚須驗之於行。何也。百事助他人於其所需。行靈魂肉身之哀矜是也。普地四海人衆皆我兄弟姐妹。我當每日爲衆祈禱主前。望主施捨各人身靈之恩。賞信輩恒守規誡。異教開迷認識真主。煉獄靈魂苦楚。我當哀號求主賜他享居安所。明白聖道者遇使當訓誨無智識之人學習緊要道理。使能避惡操善到天福。此乃主耶穌聖人聖女所立之大功。效從者將來受厚賞。賢者見他人行事無策。當盡其智謀之不吝。見人不規。本當勸正。但此事甚難。勸者先須求主施恩默示。然後慈言善語說人。能感其心。可

望正其行。見人窘難憂悶。須同苦同憂。而情言竭力開其悶。聖經云。君子之心。在憂苦之所。小人之。心。在歡樂之家。指仁人尋苦者而同苦。如好玩之徒。尋樂者以同樂。他人辱罵我。我不但不可還辱。且須赦之於心。而與他交接如前。人衆讐我。我心下實實相赦之外。還須在外待仇如常人。遇便能益之必益。

肉身之哀矜亦分數端。見人饑渴裸體。必須竭力濟飲食衣服。見客無棲身之地。須助之尋歇宿。又須顧病。幫助其親人扶侍看守。病疾臨終。須倍加愛情。爲他祈禱。助他領聖事。或幫人趕神父。雖當費力用心。却熱切者必甘心作此善功。遇亡者窮寒過分。或無親朋。必願出份錢埋葬。

或曰。有許多人假作窮苦討哀矜。而實是無德之徒。好吃懶做。惟願混日不用

力。斯人豈堪受哀矜呢。曰。明知某人果有此罪。提醒數回之後。可不濟哀矜。但遇識之不確。仁人必濟之。寧可錯認爲好人而濟匪徒。不願錯視爲匪徒而不濟好人。

以上諸善乃天主所嚴命之端。非可爲可不爲之事。豈不聞聖經談叙審判之事。題主耶穌恭賀善者曰。汝乃我父所寵。來享天國。因子饑。爾食子。渴則飲子。旅則納子。裸則衣子。病則顧子。在獄則視子。時義人應曰。主。幾時見爾饑而食之。渴而飲之乎。何時見爾旅而納之。裸而衣之乎。何時見爾病或在獄而視汝乎。主曰。我確語汝。凡施於我一小弟。卽施於我。又責惡者曰。離我。入永火。因子饑而不食我。渴不飲我。旅不納我。裸不衣我。病或在獄不來顧我。惡輩對曰。何嘗見主饑渴。旅裸病或在獄而不供主乎。主曰。凡不施於我一

小弟卽不施我。

聖熱落尼摩聖婦保辣心懷愛人之德。而竭力益人身靈在外。聖熱落尼摩才學可固教友存守信德。引左道之人歸正。是以神筆不息。數十年著書散於各方。可謂巨聲警惡勵善而功不可量。又憐人身之苦。同聖婦保辣造屋接窮旅。視衆苦若主耶穌之弟而食之衣之撫之如見上主。二聖絕不慕世人前見賞。惟願悅主救人。迄今千四百餘年來。有美名在人中。而享全福在天國。主之賞人不差也。

省察 依聖道當視衆人如視主。施捨於人如施捨於主。是於哀矜人身靈之功最大最有賞在天國。我知之麼。生平作哀矜可比勤快貿易賺錢。冷淡不哀憐人身靈。可比無志之人。不慮後而早遲困於不足。

定志 從今以後，我竭力效法衆聖視他人如主耶穌。竭力施濟身靈所需如  
施於主。

九月內第三主日

聖母痛苦瞻禮

何以比爾童貞西翁之女。爾苦深如海。日肋米亞哀辭  
二章十三節

自開闢原祖犯罪以來。衆人世世處處無不由窘難立功。功德愈妙而所勝之難愈多愈重。天主聖子來救世人於罪於永死。要以苦勞建功。如聖經所云。基利斯督豈不當以辛苦而入其榮哉。聖母瑪利亞雖不屬原罪之染。却亦當效學聖子痛苦。積善功與後世信輩立善表。據書籍所載。聖人聖女無一不趨踐主耶穌與聖母之芳踪。或爲人憎恨毀謗搶掠毆殺。而不失其忍耐。或爲天主試探以身病心愁。而甘受不怨。或可安然度生於世。而棄快活自苦以行天堂窄路。可見痛苦乃主所使來地之天匠。善於琢磨人靈成美成聖。如工匠之磨石成玉器焉。茲請汝信輩收束心思。追想聖母之苦。善思者

必願效從聖母。准上主之苦匠琢礪己身靈。出所有之粗魯。成其所應得之形範。可令上主垂愛。取爾入天國永貴永福。懇祈聖母賞賜我衆微透其聖心。微微其苦之妙意。

一。聖瑪利亞自小蒙主之異恩。明悉人類棄真主宰。敬邪魔之大惡。是以朝夕心疼哀號。主前懇其早使所許之救世主。天主不但垂允。猶且招選聖瑪利亞爲救世主之母。年紀十六七。蒙聖神之功。產生主耶穌。聖瑪利亞有如是之子。可信其母心全樂無憂。殊不知過四十日。聖母照古禮進日路撒冷。聖堂呈獻孩兒於主。堂內有義人西默盎。受聖神默示。對聖母先事預言曰。自此子誕生。依臘爾中多有因之興墮者。將有利刃傷刺爾靈魂。路加二章三十四節以後此言時時在聖母之耳。說耳不足。此言實實銘刻其心。日夜苦之不休。聖

歌曰。予愛者可比沒藥。一勺在我乳中。聖歌一章  
十二節沒藥葬亡者之藥也。表意  
人心痛苦。聖母所愛者聖子耶穌。雙手抱之於胸。如天地之珍寶。但見孩兒  
安眠在母懷。如常見然。則西默盎之言在心內。如利刃即刺。迨至孩兒醒而  
奶乳。聖母視之。如當獻於主之犧牲。而養之。如將祭之羔羊。噫嘻。耶穌正是  
沒藥。一勺在慈母乳中。且聖母不知愛子將死於何時。將受何苦。是以百事  
畏懼。時時心慮。而苦愁無安。

其苦何如。你我不能思之。何也。曰。致命聖人像上常見畫刑役所用苦聖人之  
器械。聖瑪利亞七苦像。只畫主耶穌聖尸橫臥聖母懷中。明示苦聖瑪利亞  
者即此也。其愛兒生死如沒藥。一勺在乳中。而直刺其仁心。聖母既爲慈愛  
所苦。欲量其苦。先須量其愛。却聖母之愛若淵若洋。是以聖書嘆曰。何以比



爾童貞西翁之女。何以比爾。爾苦深如海。天主全能造孩兒於母胎。致母子合成爲一。同食同氣同安同危。孕期已滿。母親產兒離其身而仍懷之於其心。懷胎於身只九月。懷子於心生平也。月復年新母親不忘子。子樂母樂。子憂母憂。子生乃母之生。子死乃母之死。此乃天主賞賜爲母者之慈性難以違負。各國爲子女而痛愛老母通行之風由此而起。

耶穌乃聖瑪利亞真實的子。故此聖瑪利亞有爲母的慈性。但以俗常之愛而度量其愛不足。何也。曰。俗常之母依人道之常例而懷生子女。其愛依人性之俗情而生。雖大小不一。却不能越過人力之度。聖瑪利亞由聖神妙工懷其子。其愛由天上生來。而超人性能發之情遠無似也。其愛實實不可考。聚普地衆母愛子之情成一情。而比之聖母愛耶穌之情。誰大誰小吾不敢言。

此乃苦聖母之愛。其苦何如。能思者自度之。

二。救世主長成遊國傳道。聖瑪利亞思想聖子年已三十。西默盎所預言之大患不時必將至。是以日加聖愛而苦楚隨愛亦增。越逾三年天主永定之期到。耶穌甘心受難身死。時聖母之苦盡其極。耶穌瑪利亞聖心爲聖愛互相結束爲一。刑役鞭耶穌。聖母身覺鞭痛。以茨冠傷耶穌之首。聖母頭上覺茨傷。卸耶穌於十字架。聖母覺手足爲鉄釘所穿。耶穌在苦架懸於天地間。身體無一寸之安。神靈如棄如絕。致哀號曰。我主我主。父<sup>聖</sup>何爲棄我。瑪竇二十七章四十節聖母在傍。身體筋骨若斷若碎。神靈如沉於萬苦之淵。耶穌身傷所流之血可謂泔泔滴於聖母心上而刺之若劍。耶穌每開血目向母親一視。似若火箭射母心。嗚呼。予何言之。事大言微。聖母疼痛生於天賜之愛。予之悲泣出

於區區人心。不如絕聲寂然。注視慈母之心。其心若美鏡。映存聖子之苦。而照樣同苦。

畧過三點鐘。天日失光。萬物憂然如亂。但聖母立於架傍。而心堅如常。奇哉。女輩多情。心情憂苦過分。素不能支。而多失覺昏絕。聖母瑪利亞雖懷異情。普天下無比。却端立不失心思。陪着聖子。至終不稍離。其故何也。曰。其故無他。聖母各德。超過世人之德。萬萬倍。剛勇與聖愛相稱。聖愛不可量。剛勇不可度。正絕女也。正可愛可奇之聖母也。剛勇至極。而情不枯於心。心痛已至。而情不敗剛勇。正似聖子之聖母兮。似子而勝諸刑。似子而覺各刑之利害。正天主之聖母兮。我輩見其疼痛之極。而敬。見其苦中溫和端毅之至。而愈敬。救世主甘心接萬難之爵。而願盡飲。聖母與子合心。願同飲此苦爵。不留他

餘瀝半塵。吁。何以比爾童貞西翁之女。爾苦深如海。可藉日肋米亞哀辭之言云。過路者請思之。或有苦可比我苦歟。但聞聖母苦中題聖詠。應曰。予心備焉。主子心備焉。予將讚頌爾。

三。聖瑪利亞立於十字架傍。苦中剛勇如此。有故。聖母在彼盡兩大任。一曰救世主釘與十字架。當犧牲自獻於聖父。以贖萬民於罪於地獄。耶穌乃世世衆鐸德之首。至聖無過。至義無私之鐸德。在加爾瓦畧山端然毅然祭其身。命苦刑中不失忍。臨終不失威。掌管生死而甘心畢生自投於死。聖瑪利亞與救世主心同意合。耶穌願救萬靈。聖瑪利亞同有此願。是以從仁主到山。是以立在十字架傍。耶穌爲鐸德。瑪利亞亦爲鐸德。耶穌自祭其身。甘受烈刑。瑪利亞祭己愛子。且子受之刑。無不映照於心。耶穌威毅盡己鐸德之任。

無一言無一動之輕忽。聖瑪利亞亦然端肅無弱女之態。堅固無辱鐸德重任之爲。

二曰。耶穌不但救贖人類。猶且抱之於聖父爲義子。世人有親生之子。素不抱外人。耶穌乃天主獨子。獨子生活。天主不抱義子。是以主耶穌自獻性命身死。懇求聖父赦萬靈之罪。而納之爲子。聖子乃天主寵愛。至於無限。所求必得。是日天主歆享聖子之祭。垂允其求。特此凡信從耶穌之人。有天主爲父。能事之如子。而享其永業。家有嚴父。而無慈母。可曰不全。在聖教。天主爲父。信輩爲兒女。誰可爲母。立於十字架傍者。可居此位。耶穌將死。賜聖瑪利亞以若望宗徒曰。此爾子也。又賜若望以聖瑪利亞曰。此爾母也。彼時衆信輩。成聖瑪利亞之子女。爲母而產子。無不痛苦。但以子生爲樂。而苦中有慰。聖

瑪利亞在加爾瓦畧山可謂產生衆信輩而心苦何如其苦至獻其獨子耶穌之性命而超過本身死亡之苦百倍焉。但思想萬靈將得永生之樂必大慰而疼痛之間恒容慷慨如此。

少焉耶穌垂首而死。聖母眼見魂飛。本應同子一時而死。惟因天主全能保之。則氣存不絕。顏白目定。立於原處不動。兵師近前。矛鎗刺主之右旁。耶穌身死自然未覺。惟聖瑪利亞目擊慘聲哀號。如覺矛之冷鉄穿其心。兵開吾主之旁。即見水與血由聖心湧流。何也。曰。信輩生出於世。代代父母抱之來鐸德前。鐸德以水洗之。在加爾瓦畧山聖教若纔生於世。其母聖瑪利亞似抱之在主前。主開聖旁之泉而洗之。奇哉聖道之奧微。各端出於天主無限之賢智。思之有妙味。其味實實無窮。

未竟門弟將耶穌聖尸放下。聖瑪利亞坐石上接聖子在懷。雙手抱之。噫嘻。愛子仍然在母親雙乳之中。如沒藥一勺。生而苦之。死而刺之。何以比爾童貞西翁之女。何以比爾。爾苦深如海。是夜葬耶穌於石墓。聖瑪利亞下山回屋。母心晝夜思想所見各慘事。萬苦若復生。昔日畏懼將來之禍患。而朝夕悶倦無安。此後至終追念已過之災難。而時時疼痛不息。視天上。則日頭似像耶穌死時之失光。看下地。則萬物如聖子釘於苦架之時而失色驚悚。上下四方而顧。則皆死亡之像。

信輩。信輩。救世主受難死。聖母與子同苦。皆是爲你我之好。你我之靈魂誕生於耶穌瑪利亞之苦。若思想其苦而不感動。豈可稱有情之人乎。若不感恩愛慕。豈可謂有孝心之子乎。聖經勸人孝母親曰。子。勿忘却汝母親之啼噓。

訓道編七章  
二十九節

信輩。你我爲聖瑪利亞之子女。勿忘聖母產生我等於加爾瓦  
畧山之唏噓。凡遇世俗之虛華快樂誘惑。卽須取心思想聖母之苦。而勝虛  
華快樂之誘惑以行正路。從慾橫行之信輩。汝心何也。汝輕視聖母生汝之  
疼痛乎。汝願復造十字架再釘耶穌於上乎。聖母在傍灑淚慘然。汝見而不  
泣乎。敢掌利刃以子手刺汝母之心乎。何不聽聖母哀號之聲曰。子兮女兮。  
寬恕我。我生平爲汝心愁。爲汝祭我愛子。爲汝同子歷萬刑。我苦足也。爲何  
苦上加苦。我見汝負耶穌苦難聖血之恩卽苦。見汝偏惡犯罪行地獄之路  
卽苦。子兮女兮。寬恕我。棄惡歸善避魔事恩主。我見母心必慰。昔日之疼痛  
遠拋度外。惟想汝得永福之大喜。子兮女兮。勿忘却汝母親之唏噓。惟成善  
而悅樂其愛焉。



省察 耶穌爲我受難死。聖母爲我與子同苦。我思想此事不感動。則不堪稱有情之人。我背善從惡。可謂復卸耶穌於十字架。復新聖母之苦。豈可自稱子女而爲此乎。

定志 自今以後。我須記聖經之言曰。勿忘却汝母親之啼噓。每受誘惑。覺得心軟意亂。必追思耶穌爲我卸於十字架。聖母立於架傍之苦。而勝魔避惡。

聖人言行

西曆九月

聖母痛苦

一百八十八

馬爾谷俄肋爾 Marcus-Aurelius, 魚霹得 Jupiter,  
家爾斯端 Chalcedone, 歐弟革斯 Eutyches.

廿五日 白桑松 Besançon, 瓦爾德肋 Waldelenus,  
舉桑斯 Cusance, 呂斯爾 Luxeuil. 瓦爾伯 Wal-  
bertus, 日爾曼 Germania, 亞爾撒斯 Alsace, 亞德  
爾白 Adelbertus, 和弟肋 Odilia, 厄爾林 Gerlinde,  
何狼布 Hohenbourg.

廿六日 洋弟約家 Antiochia, 博合畧 Praulius, 弟  
約格肋斯 Diocletianus, 義各默弟 Nicomedia.

廿七日 亞納彼亞 Arabia, 西理西亞 Cilicia, 葉日  
亞 Ægea, 亞位隆 Avignon, 馬西理亞 Marseille,  
味多爾 Victor, 里也 Riez, 所爾斯 Sorbs, 納玻理  
Napoli, 意 Italia, 日爾曼 Germania, 亞白得 Apt,  
魚爾把祿 Urbanus.

廿八日 波赫彌亞 Bohemia, 奧 Austria, 路彌納  
Ludmilla, 波肋斯老 Boleslas, 納弟斯老 Radislas,  
日爾曼 Germania, 多花 Troyes, 亞亞龍 Aaron, 熱  
爾瓦削 Gervasius, 玻羅大削 Protasius.

廿九日 納得郎 Concilium Lateranense, 路濟拂  
Lucifer, 撒膽 Satan, 斯納斐默 Seraphim, 格侶並  
Cherubim.

三十日 達爾瑪西亞 Dalmatia, 奧 Austria, 亞基  
肋 Aquileia, 如德亞 Judæa, 家爾西斯 Chalcis, 西  
里亞 Syria, 希臘 Græcia, 西斯諾 Cicero, 瑪諾  
Maro, 厄弟約彼亞 Æthiopia, 亞里無斯 Arius,  
白零 Bethlehem, 洋弟約家 Antiochia, 公斯當定  
Constantinopolis, 特阿多爵 Theodosius, 達瑪爵  
Damasus, 西白肋 Cyprus, 厄日多 Ægyptus, 雅理  
璧 Alypius, 大尼額爾 Daniel, 日路撒冷 Jerusalem,  
惡 Gothi, 聖母大堂 Sancta Maria Major, 西翁  
Sion, 日肋米亞哀辭 Lamentationes Jeremiæ,  
Prophetæ.

Africa, 西貝廉 Cyprianus, 崖路斯 Gallus, 則濟理約 Cæcilius, 魚地家 Utica.

**十七日** 日爾曼 Germania, 喜爾德伯 Hildebertus, 默爾地德 Mechtildis, 如地達 Judith, 馬央斯 Moguntinum (Mayence), 歐日擲 Eugenius, 得肋勿 Treviri, 陸伯度 Rupertus, 本篤 Benedictus, 撒騰 Satan, 安多尼諾 Antoninus, 窩登 Autun, 法肋連 Valerianus.

**十八日** 納爾多 Nardo, 意 Italia, 亞西色 Assisium, 窩西麼 Osimo.

**十九日** 弟約格肋斯 Diocletianus, 本也方 Beneventum, 索削 Sosius, 彌塞納 Misenum, 布得阿里 Puteoli, 龍 Draco, 博故羅 Proculus, 家爾得 Chaldaea, 諾辣 Nola, 斐斯度 Festus, 德西得 Desiderius, 納坡里 Napoli, 波羅尼亞 Bononia, 多明我 Dominicus.

**二十日** 達納諾 Trajanus, 巴拉濟多 Placidus, 寶比 Theopista, 亞龍 Agapitus, 德阿 Theopistus, 若望 Joannes, 厄日多 Ægyptus, 亞弟央 Hadrianus.

**廿一日** 肋味 Levi, 加理肋 Galilæa, 厄弟約比亞 Æthiopia, 異兒大各 Hirtacus, 意斐日尼 Iphigenia, 亞西里亞 Assyria, 尼尼福 Ninives, 若北 Joppe.

**廿二日** 西班牙 Hispania, 多肋多 Toletum, 亞爾家納 Alcalá, 酒納慢格 Salamanca, 奧斯定 Augustinus, 嘉畧第五 Carolus V, 瓦能西亞 Valentia, 德里登東 Tridentum, 亞理山 Alexander, 馬濟彌亞諾 Maximianus, 馬爾地泥 Martigny, 厄日多 Ægyptus, 特白 Thèbes, 厄蘇伯落 Exuperius, 甘弟度斯 Candidus, 亞我肋 Agaunum, 味多爾 Victor.

**廿三日** 縛納德肋 Volaterræ, 里高坭 Lycaonia, 依各坭 Iconium, 德里斐納 Tryphæna, 彌辣 Myra, 斯呂西 Seleucia.

**廿四日** 弟爾斯 Thyrsus, 亞尼斯 Anicetus, 馬西里亞 Massilia, 理勇 Lyon, 窩登 Autun, 亞肋西亞 Alesia, 所里野 Saulieu, 地茸 Dijon, 斐理斯 Felix,

- 八日 味言 Vienna, 土耳其 *vel* 土 Turquie, 日爾曼 Germania, 波羅義 Polonia, 所比也斯基 Sobiesky, 因窩桑 Innocentius.
- 九日 瑞 Helvetia, 公斯當斯 Constance, 多斐肋 Dauphiné, 呂斯爾 Luxeuil, 達各伯 Dagobert, 特和萬 Théroüanne, 瓦斯德 Vaast, 聖窩默赫 St. Omer, 弟約格肋斯 Diocletianus, 義各默弟 Nicomedia.
- 十日 央各肋 Ancona, 亞爾彼 Albi.
- 十一日 西班牙 Hispania, 日羅法 Genova, 諾辣 Nola, 葡 Portugal, 印度 India, 麻六甲 Malaca, 我亞 Goa, 日本 Japon, 長崎 Nagasaki, 有馬 Arima, 京都 Kioto, 長谷川, 權六 Gonrocou, 奉行(可比中國之太守)大名 Daimio, 大村 Omoura. 長夜 Nagayo, 浦上 Ouracami, 立山 Tateyama, 依撒伯 Isabella, 依納爵 Ignatius, 盎博羅削 Ambrosius, 依撒伯 Elizabeth.
- 十二日 依臘爾 Israel, 肋福大理 Nephtali, 多俾斯 Tobis, 亞西里亞 Assyria, 你尼福 Ninives, 生納隔里白 Sennacherib, 艾伯祿 Gabelus, 厄斯基亞 Ezechias, 達郎 Talentum, 辣古爾 Raguel, 納熱斯 Rages, 波斯 Persis, 洒納 Sara, 牙斯莫得 Asmodæus, 默的 Medi, 亞匝理亞 Azarias, 亞納尼亞 Ananias, 虎 Tigris, 辣法厄爾 Raphael.
- 十三日 米納諾 Milano, 都赫 Tours, 揚熱 Angers, 沙龍肋 Chalennes, 多斐肋 Dauphiné, 亞我肋 Agaune, 呂斯爾 Luxeuil, 赫米赫孟 Remiremont.
- 十四日 波斯 Persis, 虎 Tigre, 多花 Troyes, 都爾 Toul.
- 十五日 博都 Poitou, 聖如應 St. Jouin, 如蔑日 Jumièges, 聖斐理伯度 S. Philibertus, 經斯 Quinçay, 卯木跌 Noirmoutiers, 里勇 Lyon, 布爾我義 Bourgogne, 沙隆 Chalons, 度爾路斯 Tournus.
- 十六日 諾法相 Novatianus, 諾罰 Novatus, 亞里山 Alexandria, 家爾大我 Carthago, 亞非里家

# NOMINA.

## HOMINUM ET LOCORUM,

MENSE SEPTEMBRI.




- 一日** 希臘 Græcia, 亞得肋 Athenæ, 馬西理亞 Mas-silia, 亞黑肋 Arles, 法 Gallia, 日里閣 Jericho, 亞納比亞 Arabia, 哀巴翁 Gabaon, 亞雅龍 Aialon, 甘亞央 Chanaan.
- 二日** 翁家理 Hungaria, 亞弟辣 Attila, 瑪爾定 Martinus, 恩理格 Henricus, 若爾日 Georgius, 公納多 Conrad, 厄嘿利 Emericus, 馬弟央 Madian, 巴亞爾 Baal, 滿亞斯 Manasse, 熱酒爾 Jezrael.
- 三日** 洋弟約家 Antiochia, 達爾麻西 Dalmatia, 里米宜 Rimini.
- 四日** 甘亞央 Chanaan, 亞亞龍 Aaron, 瑪底央 Madian, 日多合 Jethro, 各麼爾 Gomor, 芫菱 Coriandrum, 窩肋白 Horeb, 亞馬肋格 Amalec, 厄撒烏 Esau, 魚赫 Hur, 西乃 Sinai, 結約櫃 Arca fœderis, 聖帳, 營帳 Tabernaculum, 肋味 Levi, 家肋白 Caleb, 窩赫 Hor, 莫亞白 Moab, 巴納央 Balaam, 肋波 Nebo, 縛我爾 Phogor.
- 五日** 斐義斯 Venetiæ, 央各肋 Ancona, 馬得里家 Matelica, 天方 Arabia.
- 六日** 歐納德 Eurad, 痕 Laon, 馬河肋 Maroilles, 莫白日 Maubeuge, 雅爾德公 Aldegundis, 瓦德肋達 Waltrudis, 良德理 Landry.
- 七日** 布爾我尼 Bourgogne, 亞肋西亞 Alesia, 德西約 Decius, 沙地隆 Chatillon, 布路諾 Bruno, 波爾得 Portes, 底 Dié, 味言 Vienne.

14	— Exaltatio Sanctæ Crucis.	78
	— S. Aper ( vulgo Epvre ), Episc. et Conf.	79
15	— S. Aicardus ( vulgo Achard ), Abbas.	82
	— Ss. Marcellus et Valerianus, Mm.	84
16	— S. Cornelius, Papa et Martyr,	87
	— S. Cyprianus, Episc, et Mart.	89
17	— S <sup>a</sup> Hildegardes, Virgo.	96
	— S. Flocellus, Martyr.	98
18	— S. Josephus a Cupertino, Conf.	100
19	— Ss. Januarius et Socii, Mm.	107
	— B <sup>a</sup> Imelda, Virgo.	110
20	— Ss. Eustachius et Socii, Mm.	113
21	— S. Matthæus, Apost. et Evang.	120
	— Jonas, Propheta.	121
22	— S. Thomas a Villanova, Ep. et Conf.	125
	— Ss. Mauritius et Socii, Mm.	127
23	— S. Linus, Papa et Martyr.	131
	— S <sup>a</sup> Thecla, Virgo et Martyr.	131
24	— Ss. Andochius et Socii, Martyres.	136
	— S <sup>a</sup> Euphemia, Virgo et Martyr.	137
25	— S. Hermenfridus, Monachus.	141
	— S <sup>a</sup> Eugenia, Virgo.	142
26	— Ss. Cyprianus et Justina, Mm.	146
27	— Ss. Cosmas et Damianus, Mm.	153
	— Ss. Elzearius et Delphina, Conf.	154
28	— S. Wenceslas, Dux, Martyr.	161
	— S <sup>a</sup> Maura, Virgo.	163
29	— S. Michael, Archang. et omnes S <sup>ti</sup> Angel.	165
30	— S. Hieronymus, Conf. et Doctor.	172
	— Festum Dolorum B. M. V.	182

# INDEX

## SANCTORUM ET FESTORUM

## SEPTEMBRIS.



<i>Die</i>		<i>Pag.</i>	
1	— S. Ægidius, Abbas.	1	
"	— Josue, Judex in Israel.	2	
2	— S. Stephanus, Rex.	6	
	— Gedeon, Judex in Israel.	8	
3	— S <sup>a</sup> Serapia, Virgo et Martyr.	12	
	— Ss. Marinus et Leo, Eremitæ.	13	
4	— Moyses, Legislator Hebræorum.	16	
5	— S. Laurentius Justinianus, Ep. et Conf.	26	
	— S. Gentilis a Matelica, Martyr.	29	
6	— S. Humbertus, Abbas.	32	
	— S <sup>re</sup> Adeltrudis et Madalberta, Virgines.	33	
7	— S <sup>a</sup> Regina, Virgo et Martyr.	36	
	— S. Stephanus, Episc. et Conf.	38	
8	— Nativitas Beatæ Mariæ Virginis.	41	
	— Festum SS. Nominis Mariæ.	49	
9	— S. Audomarus (vulgo Omer), Ep. et Conf.	50	
	— Ss. Gorgonius et Dorotheus, Martyres.	51	
10	— S. Nicolaus à Tolentino, Conf.	54	
	— S. Salvius, Episc. et Conf.	56	
11	— B. Carolus Spinola, Martyr.	59	
12	— Tobias, patriarcha.	65	
13	— S. Maurilius, Episc. et Conf.	73	
	— S. Amatus, Monachus.	74	